

ایک ماہی

قسمی

توضیحات عدله

جسر مصطفى پاشا قضای بدایت محکمه سی حقوق و تجارت قسمی واجرا دائرہ سی وظائفی دخی بدایت
محکمه سی رئیس عنوانیله محکمہ مذکورہ جزا دائرہ سی ریاستہ تفویض اولمشد .
اشو ارادہ سنہ نك اجراسنہ عدلیہ نظارتی مأموردر .

۱۵ جمادی الاول سنه ۳۲۹ ۱ مایس سنه ۳۲۷

محمد رشاد

صدر اعظم

عدليه ناظري

ابراهيم مقي

نجم الدين

تبلیغات عمومی

عدلیه نظارت جلیله سندن تسطیر بیوریلان ۴ نیسان سنه ۳۲۷ تاریخی تحریرات عمومی صورتیدر :
« مقالات محرر لکی حاصلاتک منتظماً مال صندوقلرینه تودیعه عائداتک ینه مال صندوقلرندن طلب ایدلسی لزومه دائر »

۲۷ کانون ثانی سنه ۳۲۶ تاریخی تبلیغات عمومی به ذیلدر مقالات محرر لکلرنجه واقع اولان حاصلاتک منتظماً مال صندوقلرینه تودیعه عائدات محققه ک ینه مال صندوقلرندن طلب ایدلسی مقتضی بولندی حالده بعض محللرجه بوکارایت اولندی ا کلاشلمش اولغله تبلیغات واقعیه قطعاً رعایت اولنسی لازم کله جککنک ایجاب ایدلره ا کیداً تبلیغی توصیه اولنور

عدلیه نظارت جلیله سندن تسطیر بیوریلان ۴ نیسان سنه ۳۲۷ تاریخی تحریرات عمومی صورتیدر :

« ربع معاشلری اوزرینه موضوع جزئی حکمیز براقق مقصدیه معاش اخذندن استسکاف ایدن مأمورینک علی الاصول تحقق ایتش استحققلری بر محاسبه مذکره سیله عائد اولدینی مادهیه صرفیات قید و عینی زمانده اماناته نقل ایدیلهرک قانوناً جز ایدلش اولان قسمک مأمورین اجراییه طرفندن ویرله جک مقبوض مقابلنده امانات حسابندن ردیات قیدیه دائره اجراییه اعطاسی ومتبقیسنکده صاحبه ویرلک اوزره ابقای لزومه دائر »

بعض مأمورینک داین طرفندن ربع معاشلری اوزرینه وضع اولسان جزئی حکمیز براقق مقصدیه معاشلری اخذ یناشما مقده واحساب معاشدن مقبوض سندی آلمدجه محجوز ربع معاشک مال صندوقلرنجه توقیف واجرا دائره سنه اعطا ایدلما مکده اولدینی آ کلاشلمش اولغله معاملات اجراییه نک سکتهدن وقایه سی ایچون احساب حقوقی اضرار مقصدیه معاش اخذندن استسکاف ایدن مأمورینک معاش آلوب آلاملرینه باقلمیه رق دائره اجرادن الهجق سند اوزرینه تأدیات اجرایی عدلیه نظارت جلیله سندن باند کره اشعار اولنشددر جز ذاتاً بالرضا تأدیه دین ایتمین کیمسه لک اموال ومطلوباتی اوزرینه وضع ایدلش اوله جنی جهته بونی انفاذ ایچون مدیونک حصول رضاسنه انتظار ایتمه وهر هانکی صاحب معاش واستحققاتک قانون دائره سنده جز ایدلش ربع معاشک تسویه سنده کویستره جکی تعهد وسند اعطاسنه عدم موافقت کبی اسباب تمرد معاملات اجراییه تأخیره سبب اوله ماز بناء علیه هر نه صورتله اولورسه اولسون اموال غیر منقوله نک

بیع وفروختنده اولدینی کبی بومثللو اصحاب معاش واستحققاتک ولوکه موافقتلری ومعاش واستحققاترینک اخذنی مبین مقبوض سندلری اولسه بیله علی الاصول تحقق ایتش استحققلری بر محاسبه مذکره سیله عائد اولدینی مادهیه صرفیات قید و عینی زمانده اماناته نقل ایدیلهرک قانوناً جز ایدلش اولان قسمک مأمورین اجراییه طرفندن ویرله جک مقبوض مقابلنده امانات حسابندن ردیات قیدیه درحال دائره اجراییه اعطاسی وباقیسنکده صاحبک مراجعتنده ینه علی الاصول سند مقابلنده کندوسنه ویرلک اوزره امانات حسابنده ابقا ایدلسی توصیه اولنور.


ربع معاشلری اوزرینه موضوع جزئی حکمیز براقق مقصدیه معاش اخذندن استسکاف ایدن مأمورین معاشاتی حقننده بیله جق معامله یه دائر مالیه نظارت جلیله سندن مأمورین مالیه تبلیغ اولنان ۲۷ شباط سنه ۳۲۶ تاریخی تحریرات صورتی برای معلومات بالایه نقلاً تبلیغ اولنور.

عدلیه نظارت جلیله سندن تسطیر بیوریلان ۹ ماس سنه ۳۲۷ تاریخی تحریرات عمومی صورتیدر :

« قادرو خارجی معزولین معاشی آلمده اولان مأمورینک معاشنک قطعی لازم کلنلرک ولایتده دوائر رؤسای طرفندن بیلدیرلسی ومعزولین مومی الیهک اسقاط حق ایدوب ایتدکری کیفیتک هر سنه مارت وایلول معاش سندلرنده دخی تصدیق ایدلسی لزومه دائر »

تنسیقات قانوننک یدنجی ماده سنده قادرو خارجی اولان مأمورینه تخصیص اولنان معزولین معاشلری بر خدمته تعیینلرینه دکن اعطا اولنور. آنجق منسوب اولدقلری نظارت ودائر طرفندن اقتدار واهلیتلیله متناسب اوله رق درسعادت ویا طشرده تحریراً تکلیف اوله جق مأموریتلری بلا معذرت مشروعه ایکی دفعه تحریراً رد ایدلنلرک ورده هر آلتی آیده برکره تحریراً وبالذات مراجعتله طلب مأموریتده بولنلرک معزولین معاشلری درحال قطع ایدیلور دیه محرر اولسنه ودوائر سائریه منسوب مأمورینه مأموریت تکلیفی دوائر ونظارت متعلله لرینه عائد اولدینی کبی مأموریت طلبی حقننده کی مراجعت دخی ینه بولنلرک منسوب اولدقلری دائره ونظارتلر نزدنده واقع اوله جغه کوره کیمک معاشنک قطعی وهانکیسنک معاشنک دوام اعطاسی لازم کله جکی محاسبه ولایتجه تعیین اولنه مدیغه وبوصورتله بالا ایجاب طول مدت معزولین معاشی اعطا اولنق احتمالی موجود بولندیغه بناء هر دائره ونظارتجه تدقیقات مقتضیه ایفا اولنهرق معزولین معاشی آلانلردن ماده قانونیه مذکوره حکمنه نظراً معاشنک قطعی لازم کلنلرک ولایتده بولنان دوائر رؤسای طرفندن بیلدیرلسی ومعزولین مومی الیهک اسقاط حق ایدوب ایتدکری کیفیتک هر سنه مارت وایلول معاش سندلرنده دخی تصدیق ایدلسی لزومی ادرنه ولایتی دفتردارلغندن وارد اولان تحریراتده ازار قلمش وصورت اشعار موافق نفس الامر بولنمش اولغله نظارت جلیله لرنجه ا کا کوره اقتضاسنک ایفا بیورلسی تمسلیله عرض احترام اولنور.

قادرو خارجی معزولین معاشی المقده اولان مأمورین حقنده تنسیقات قانونک یدنجی ماده سی حکمک صورت تطبیقه دائر بعض مطالعاتی حاوی مالیه نظارت جلیله سندن وارد اولان ۲۳ نیشان سنه ۳۲۷ تاریخی تذکره صورتی احکام مندرجه سنه توفیق معامله اولمق اوزره بالایه نقلاً تبلیغ اولنور.



عدلیه نظارت جلیله سی طرفندن تکلیف اولنان اجرا قانونی لایحه سی

(مابعد)

در دنجی باب

مدیونک اموال منقوله و غیر منقوله سنک جزئی حتمه در

۵۰ ماده — محکوم له حکمی حاوی بولنان اعلامی علی الاصول موقع اجرایه وضع ایدرک محکوم علیه کندی و یا شخص ثالث یدنده بولنان نقود و اموال منقوله و غیر منقوله سی مواد آتی ده محرر اصول و شرائط دائره سنده جز و فروخت ایتدیره بیلور .

فصل اول

اموال منقوله سنک جز و فروختی بیانده در

۵۱ ماده — دایک طلبی اوزرینه محکوم علیه نقود و اموال و اشیا سنک جزینه قرار ویرلده معامله جزینه نک اجراسنه دائره اجرا معاون و کتبه سندن بری مأمور تعیین اولنور . معامله جزینه عندالحاجه رئیس طرفندن دخی اجرا اولنه بیلور .

۵۲ ماده — ماده سابقه وجهله تعیین اولنان جز مأموری ایجابی تقدیرنده برکاتب و مباشرایله برابر جز اولنه حق اموالک بولندی محله عزیمت و ممکن اولدینی صورتده کندوسیه طرفینه مناسبت و قرابتی اولیان ایکی شاهد و یا محله امام و مختارلرندن برنی استصحاب ایدرک معامله جزینه یه مباشرت ایله جز ایلدی نقود و اموال و اشیا نک جنس و نوعی و قیمت و مقداری مین بردقتر تنظیمندن صکره جریان معامله یی مین تنظیم ایده جکی ضبط ورقه سی کندوسیه برلکده حاضر بولنان کسانه امضا ایتدیره درک اجرا دائره سنه تودیع ایلر . اموال محجوزه نقود و یا مجوهرات کبی ذی قیمت اشیا دن عبارت ایدوکی تقدیرده دائره اجرایه نقل ایله اماناتک حظه مخصوص محله تودیع و اموال سائرینه ایجابیه کوره محلنده تختیم و یا مناسب بر محله نقل و یا ید عدله تودیع و یا بکچی اقامه سی صورتیه محافظه ایدر .

۵۳ ماده — جزک اجراسی ضمننده عزیمت ایدن مأمور جزئی طلب اولنان اشیا نک اولجه دیگر طرفندن جز اولندیغی مشاهده ایلدیکی صورتده اشیا مذکوریه یکیدن تحت جزیه المغه لزوم اولیوب نو قدر که اولجه تنظیم ایدلمش اولان ضبط ورقه سی خارجنده فضله اشیا بولندیغی حالده انک اوزرینه جز وضع اولنور . و جز ثانیدن طولای جز اولی وضع ایتمش اولان دائره یه معلومات اعطا اولنورق اشیا مذکوریه هر ایکی دین ایچون محجوز عد اولنور .

جز اولدن طولای اشیا محجوزه نک مدت قانونیه سی خارجنده محافظه سی لازم کلسه بیله جز ثانیدن طولای فروخت اولنه بیلوب حاجز اولک حصه سنه اصابت ایدن مقدار امانه و محجوزاً حفظ ایدیلور .

۵۴ ماده — جزک اجراسی ضمننده اجرا رئیس طرفندن اتخذ اولنان قرارده مدیونک حضوردن امتناعی و یا محل جزده بولنه مدینی صورتده غیابنده و مخالفت و قوعنده قوه جبریه استعمالیه حکم اعلامک و یا جز قرارینک اجراسنه مأذونیت وریله درک جز مأموری ایفای وظیفه ده تصادف ایلدیکی احوال و مشکلاته نظراً کندوسنه بخش ایدلمش اولان صلاحیتلرندن علی الترتیب استفاده ایله ایفای وظیفه ایلر .

۵۵ ماده — اثنای جزده حاجز یله محجوز علیه حضورلری شرط اولیوب غیابلرنده دخی معامله جزیه اجرا اولنور .

۵۶ ماده — مدیونک اقامتگاهنده جز اجراسنه تشبث ایدن مأمور محل جزک مدیونک اقامتگاهی اولمادیغی و یا مدیون ایله برلکده دیگر کیسه لک اقامت ایلدیکنی مشاهده ایدر . و اجرا ایده جکی تحقیقات نتیجه سنه جزئی طلب اولنان اشیا نک مدیون عایدوکی آکلاشیلورسه جزک اجراسنه دوام ایدر . تحقیقات واقعه نتیجه سنده اموال مذکوریه مدیون عایدی آکلاشیله مدینی صورتده جزدن صرف نظرله جریان کیفیتی مین تنظیم ایده جکی ضبط ورقه سی اجرا دائره سنه تودیع وریسک تنسیبی دائره سنده حرکت ایتسی لازم کاور .

۵۷ ماده — ماده سابقه وجهله تنظیم اولنه حق ضبط ورقه سی اوزرینه جریان معامله اجرا رئیس طرفندن تدقیق اولنورق وضع ایدلمش اولان جزک فکی و جریان معامله موافق قانون کورلیدیکی تقدیرده شخص ثالث عائد اولدینی محکمه یه مراجعت حق باقی قالمق اوزره معاملات اجراییه نک دوامی امر ایده بیلور .

۵۸ ماده — معامله جزیه مدیونک اقامتگاهنده اجرا اولندیغی و محکوم علیه جزئی طلب اولنان اشیا یه واضع الید کورلیدیکی صورتده وضع یدی اشیا مذکوریه تملکی حقنده جزیه کافی بر حجت تشکیل ایدر . بناء علیه جزئی مجاز اشیا دن بعضی سنک و یا جمله سنک جزدن استثناسی حقنده مدیون و یا شخص ثالث طرفلرندن در میان اولنه حق بالجمله اعتراضات جزک اجراسی تأخیره سبب اوله منر .

۵۹ ماده — معامله جزیه یی متعاقب تنظیم اولنه حق ضبط ورقه سی خلاصه سی مأمور طرفندن در حال محکوم علیه تبلیغ اولنوب تاریخ تبایغندن اعتباراً اوچ کون طرفنده محکوم علیه حکم اعلامی اجرا ایلدیکی تقدیرده اموال محجوزه نک مدیون حقنده بیعی اهون اولانندن بدأ ایله بالمزایده فروختی اجرا اولنور .

حجز معامله سی مدیونك غیابنده جریان ایلدیکي صورتده ضبط ورقه سنك خلاصه سی اخبارنامه لرك تبلیغی حقننده کی قواعد دائره سنده تبلیغ اولنوب مدت معینه تبلیغی متضمن آله جق علم و خبر تاریخندن اعتبارایدیلور. اشیای محجوزه متسارغ الفساد بولندیغی ویا قیمتی محفاظه سی مصارفه متحمل بولندیغی تقدیرده طرفینك منافعی صیانه اجرا رئیس اشیای مذکوره نك همان فروخته قرار اعطا ایده بیلور.

۶۰ ماده — مدیونك اموال و اشیای محجوزه سنك فروخته تشبث اولندقدن برو ایجابنه کوره متعدد غزته لره کیفیت اعلان و اشیایك بولندیغی و مزایده نك اجرا اولنه جنی محل ایله دائره اجرا دیوانخانه سنه اعلاننامه لر تعلیق اولنور غزته بولنمیان محالدرده ویا اشیایك قیمتی اعلان مصارفه متحمل اولندیغی تقدیرده یالکزر اعلاننامه تعلیق ایله اکتفا قلدور.

۶۱ ماده — اعلانات واقعه ده فروخت اولنه جق اموال و اشیایك جنس ونوعی ایله مزایده نك محل ووقت وساعتی تصریح اولنور.

۶۲ ماده — اعلاناتی حاوی غزته ویا اعلاننامه نك بر نسخه سی دوسیه سنده حفظ ایدیلور.

۶۳ ماده — اعلاننامه لره تعیین اولان کون وساعته اجرا دائره سنده تعیین اولنه جق مأمور طرفندن اشیای محجوزه منادی معرفتیه مزایده یه وضع اولنورق تقرر ایدن بدل ایله طالبنه بیع و تسامیم اولنور و جریان کیفیتی مبین بر ضبط ورقه سی تنظیم اولنورق حاضر بولانلره امضا ایتدیریلور. مزایده اثناسنده دأن و مدیونك حاضر بولناملری مزایده نك تأخیری مستلزم دکلدور.

۶۴ ماده — مزایده اشیایك حجز اولندیغی محله اك یقین بولان چارشوده اجرا اولنور شوقدرکه اجرا دائره سی ضبط اولان اشیایك ماهیته کوره آیروجه بر محل فروخت تنسیب ایده بیلور.

۶۵ ماده — فروخت اولنه جق اشیای متعدد اولوبده دینك و مصارف وفائضنك تسویه سنه کافی مبالغ حاصل اولدیغنده مزایده معامله سی تعطیل ایریلرک متباقی اشیای محکوم علیه اعاده قلدور.

۶۶ ماده — مشتری عهده سنده تقرر ایدن اموالی آلمقدن استنکاف ایلدیکي تقدیرده یکیدن مزایده سی بالاجرا ایکی مزایده بیننده ظهور ایدن نقصان کندوسندن دائره اجرا معرفتیه تحصیل اولنور. و اثنای مزایده ده طالب اولانلردن لزوم کوراییکي تقدیرده یوزده اون نسبتنده پی اچقه سی دخی آله بیلور.

۶۷ ماده — مدیونك اموالی متعدد آله جقلیری طرفندن تحت حجزه آلمش اولندیغی صورتده اشیای محجوزه جمله سنك رضا و موافقتی اولمقسزین حجزدن فك اولنه میه جنی کی حجاز اول طرفندن مدت قانونیه سی ظرفده تعقیب وانتاج ایدلماش اولان معاملات اجراییه دیکر دأشئرک طلیله دخی دوام اولنه بیلور.

۶۸ ماده — امتیازلو بردیندن طولای محجوز اولان اشیای دیون عادیه ایچون دخی فروخت اولنه بیلور. شوقدرکه بدل مزایده دن اول امرده دیون ممتازه اصحابی استیفای مطلوب ایدرلر. کذلک مرهون اموال

ویا وفاء مفروغ بولان عقارک قیمتی رهندن فضله اولدیغی اکلشلدیغی حالده سائر دأشئرک طلیله فروخت اولنه بیلوب رهندن فضله بولان بدل مزایده دیون سائر اصحابنه اعطا اولنور.

۶۹ ماده — اشیای محجوزه نك بعدالحجز حاصل اولان زوائدی دخی اشیای مذکوره یه تابعدر.

۷۰ ماده — ادراک ایتش اولان علی العموم میوه وسبزه لر ایله ادراک و استحصال اولان محصولات سائر ارضیه نك دخی حجزی مجازدر.

۷۱ ماده — اول مدیونك تعیش و اداره سی ایچون اجرا رئیس طرفندن تعیین اولان مقدار وارداتی نایاً اولاد اعیالنك تعیش و تلبسی ویتوتلرینه کافی اشیای نالاً صنعتك اجرایی ایچون ماکنه و بوکا متفرع اشیای سائر سی رابعاً زراعت چفت وزراعت ادواتیه هنوز ادراک ایتمه مش میوه وسبزه واستحصال اولنلماش محصولات ارضیه سائر سی خامساً علی العموم موظفین معاشلرینك فصل مخصوصنده تعیین اولان مقدارندن فضله سی سادساً علی العموم مأمورینك البسه رسمیه لر سابعاً حرب موقعلرنده بولان مدیونلرک معاشلری ثامناً منقول و غیر منقول اموال میریه دین ایچون حجز وفروخت اولنه ماز. شوقدرکه محکوم به دین اشبو حجزی جائز اولمیان اشیای بدلندن منبعث اولدیغی صورتده اشیای مذکوره نك حجزی دخی مجازدر.

۷۲ ماده — بر غیر منقولک توابع متصله مستقره سندن بولان اشیای صورت تخصیص واستعمالی اعتباریه غیر منقول عد اولنورق آیروجه حجز وفروخت اولنه ماز کذلک بر چفتلکک مستقراً محانده قالمق اوزره وضع ایدلش اولان دمیر باش اشیای ایله چفت حیواناتی و چفتلکک احتیاجاتنه کافی تخملق مقداری و آری قووانلری و کوللرنده کی غیر محرزبالقلم و ترغان وانیق و فوچی و تضییق ماکنه لر و کوره صمانلری کی چفتلکک اداره و احتیاجنه مخصوص اشیای وفابریقه لرك دوام اعمالاتنه مخصوص آلات و ادوات آیروجه حجز اولنه ماز.

۷۳ ماده — مدیونه ترکی اقتضا ایدن اشیای غیر زائده سنك مادونیه اکتفا اولنه بیله چکی اکلشلدیغی صورتده اشیای مذکوره دخی فروخت اولنورق مادونی تدارک و فضله سی دأشه اعطا قلدور.

۷۴ ماده — حجز وفروخت ضمنده وقوعبوله جق بالجمله مصارف محکوم علیه عائد اولق اوزره اول امرده محکوم لهدن آلنور.

فصل ثانی

مدیونك شخص ثالث نزدنده کی نقود واموان و اشیایك حجزی بیاننده در.

۷۵ ماده — محکوم له طرفندن حجزی طلب اولان نقود واموال و اشیای شخص ثالث نزدنده بولندیغی صورتده اموال مذکوره یی مدیونه اعطا ایتامی و بر دیه چکی اولدیغی حالده اخبارنامه زیرینه تحریراً بیان

ايلسی وعكسی صورتده مسئول اوله جنی بالذات كندوسنه تبلیغ اوله حق برقطعه حجزنامه ايله بیلدیریلور.
۷۶ ماده — شخص ثالث تبلیغ اولنان حجزنامه اوزرینه یدنده کی نقود واشیا و اموالك مدیونه عائدیتی تصدیق ویا رد ایلکه مجبوردر . اشیا مذکوردهك مدیونه عائدیتی بیان و تصدیق ایلدیکی تقدیرده جنس ونوعی دخی صراحة تعیین وطلب وقوعنده دائرة اجراییه تسلیم ایتیمی لازم کلور .

۷۷ ماده — شخص ثالث طلب اولنان اموالك مدیونه عائدیتی انكار ایلدیکی ویا نزدنده مدیونك برکونا نقد و اموال واشیایی بولندیغی بیلدیردیکی تقدیرده دانك عائد اولدیغی محکمهیه مراجعتله خلاف قانون بیاناتندن طولانی اموال مذکوردهی شخص ثالثه تضمین ایتدیرمکه صلاحیتی واردر .

۷۸ ماده — تبلیغ اولنان حجزنامه اوزرینه شخص ثالث اموال مذکوردهك نزدنده بولندیغی بولندیغی تصدیق اموال مذکوردهی دائرة اجراییه تسلیم ایلدیکی ویا مدیونه اعاده ایلدیکی تقدیرده اشیا محجوزده ویا قیمته تقابل ایلکه سائر اشیایی دائرة اجرا معرفتیه طوغریدن طوغری به حجز و فروخت وحقنده معاملات سائر اجراییه تطبیق اولنور .

۷۹ ماده — نزدنده مدیونك اشیایی بولندیغی تصدیق ایتیش اولان شخص ثالث ایتیش آلتیجی ماده موجبجه اشیای مذکوردهك نوع و جنسی تعیین ایلدیکی و دائرة اجراییه طلب وقوعنده دخی مقدارینی بیلدیرمدیکی صورتده اشیا مذکوردهك مقدارینی تعیین ایلدیجه قدر كندوسنه تبلیغ ایلدیش اولان حجزنامهده تعیین وتصریح قلمش اولان دانك افاداتی معتبر اولوب اول مقدار اشیادن مسئول اولسی لازم کلور .

۸۰ ماده — مدیونك شخص ثالثه ایجار ایلدیش اموال منقوله و غیر منقوله سی بدل ایجاری ویا مدیونك مستخدم بولندیغی خدمات خصوصیهده کی اجرتی دخی بروجه بالا حجز اولنه بیلور .

بدل ایجارك مصدق قوتطور اتوده مدرج شرائط ویا عرف وعادت بلده خلافه اوله رق تأدییه ایلدیکی حقنده کی ادعا بروجه اثبات ایدیله مدیکی تقدیرده مسموع اوله ماز .

۸۱ ماده — داشن مدیونك اشخاص ثانیه ذمتنده آله جنی اولان مبالغی دخی حجز ایدیه بیلور . حجز واقعندن صکره شخص ثالث تأدییه دین ایتیمی حاجز حقنده معتبر اولوب حقوق موجوده سی موجبجه شخص ثالثی دائرة اجرا معرفتیه تکرار تأییه ایجار ایدیه بیلور .

۸۲ ماده — مدیونك عهده تصرفنده بولنان حصه سنداتك دخی حجز وفروختی جا تراولوب نامه محرر اولان بوقیل سنداتك نام آخره کچورلماك اوزره قیدی بالاسنه شرح ویرلك اوزره شخص ثالث صفتنده بولنان شرکته تبلیغات ایفاسی صورتیه معامله حجزیه سی ایفا اولنور .

فصل ثالث

مأمورین موظفه معاشرینك صورت حجز وتوقیفی بیاندده در

۸۳ ماده — دین ایچون مأمورین موظفهك معاش مخاصلرینك ثلثندن فضله سی قطع وتوقیف اولنه ماز .
۸۴ ماده — نفقه دن طولانی محکوم اولان موظفین معاشرندن نفقه مقداری قطع وتوقیف اولنه بیلوب دیون سائره سی ایچون نفقه دن فضله ایچ قالدیغی صورتده انك ثانی قطع اولنور .

۸۵ ماده — علی العموم معزولین ومتقاعدین وایتام وارامل معاشاتك دخی ربغندن زیاده سی قطع اولنه ماز .
نفقه دن طولانی دینی اولان بوقیل مدیونارك معاشرندن كذلك نفقه مقداری قطع اولنق ایجاب ایدوب دیون سائره سی ایچون نفقه دن فضله ایچ قالدیغی صورتده انك ربی قطع وتوقیف اولنور .

۸۶ ماده — مدیونك اعلامه مستند اولیان دیونات سائره سندن طولانی معاشرندن توقیفات اجراسنه موافقت ایلش بولنسی قانوناً ایجاب ایدن توقیفاتك ابروجه اجراسنه مانع اوله ماز .

۸۷ ماده — مأمورینك معاشرندن توقیفات اجرا ایدیلکده بولنسی اموال سائره لرینه مراجعت حقی اسقاط ایتیز .

۸۸ ماده — مدیون موظفینك معاشرینك قطع وتوقیفی ضمتنده دوائر اجراییه دن وقوعه بولاجق تبلیغات اوزرینه شخص ثالث صفتنده بولنان مال مأمورلری حجز واقعك اجرا ایدیلدیکی و مدیونك معاش شخصی مقدارینی اوچ کون ظرفنده دائرة اجراییه تحریر ایلدیرمکه و مدیونك معاش ومأموریتجه وقوعه بولاجق هرکونا تبدیلی ابروجه اشعار ایتیمکه حجز ردرلر .

۸۹ ماده — تبلیغات واقعه اوزرینه مدیونك معاشی حجز ایدلدکن صکره حکم قانون خلافه اوله رق توقیفات اجرا ایتیمان ویا نقصان توقیفاتده بولنان مال مأمورلرینك معاشرندن ویا اموال سائره لرندن توقیف ایتدکلی مقدار ایچ بروجه حکم استحصالنه حاجت قالمق سزین دائرة اجرا معرفتیه استیفا اولنور .

فصل رابع

اموال غیر منقولهك صورت حجز وفروختی بیاندده در

۹۰ ماده — داینك طلبی اوزرینه مدیونك عهده تصرفنده بولنان اموال غیر منقولهك حجزینه اجرا رئیس طرفندن قرار ویرلدیکی صورتده آخره منع فراغی ضمتنده قیدی بالاسنه اشارت ایدلك واولبا بده کی قیود خاقانی موضعاً بیلدیرلك اوزره دائرة عائد سنه اشعار اولنور .

۹۱ ماده — مدیونك حاله مناسب اولوب ترهین ویا وفاء فراغ ایدلماش اولان خانه سی مسکن شرعی اولمق اوزره کندوسنه ترك اولنور . ومدیونك حاله مناسب بولنان خانه ك تقدیر وتنسیبی اجرا ریئسنه مودوعدر كذاك زراعدن بولنان مدیونك ترهین ویا وفاء فراغ ایدلماش بولنان اراضیسندن کندوسنك وعائله سنك اتفاق واعاشه سنه كفایت ایده جك ترلاسی دین ایچون فروخت اولنه من .

۹۲ ماده — مدیونك فروختی طلب اولنوب مرهون اولیان و بعدالوفات تأمین دین ایدن اموال غیر منقوله سنك برسنه لك حاصلات صافیه سی دین محكوم بی ویا ایفا ایلدیکی مقدار دن متباقیسی تسویه به كفایت ایلدیکی و استحصالی دانته حواله ایلدیکی تقدیرده فروختندن صرف نظر اولنور . حاصلات مذکورده نك دیونات سائرۀ ممتازدن ط لای حجز ایدلمسی ویا منتظماً استیفا اولنه مامسی کبی احوال طولایسیله اموال مذکورده نك تکرار فروختی طلب اولنه بیلور . فروختندن صرف نظر ایدیلان بوقیل اموالک تسویه دینه دکن تحت حجزده بوللمسی ایجاب ایدر .

۹۳ ماده — معامله حجزیه نك اجراسنی متعاقب کیفیت حجز مدیونه تبلیغ اولنه جق بر قطعه اخبارنامه ایله بیلدیریلوب تعیین اولنه جق اوچ کون ظرفنده تأدیۀ دین ایتسی لزومی وعکس تقدیرده تحت حجزده بولنان اموال غیر منقوله نك فروخت ایدله جکی اعلان اولنور .

۹۴ ماده — اموال غیر منقوله نك حجزی متعاقب دائرۀ اجرا طرفندن وضع ید معامله سی اجرا ایدیلور . شویله که دائرۀ اجرادن تعیین اولنه جق مأمور غیر منقولك بولندینی محله عزیمتله محجوز عقارك جنس ونوع و اوصافی لازمه سیله حدود ومشمولات و مقدار مساحه سی وبولندینی محلك اسمنی وعقارك نومروسی وابنیه سنك حال حاضرینی اوزرنده کی اشجار و کرومك تخمیناً عدد وانواعی و مزروعاتنك حال ووقت ادراکنی و دروننده ساکن بولنان کسانك صفقرینی وحق اقامتلرنك استناد ایلدیکی اوراق ماهیتی وبدل ایجاری مقداريله بدل مذکورك شرائط تأدیسه سی وتسلیات واقعه مقدارینی راشبو تسلیاتك اوراق ثبوتیه سی مبین ضبط ورقه سی تنظیم وحاضر بولنانلره امضا ایتدیره جکدر .

۹۵ ماده — حین حجزده مدیونك یدنده بولنان اموال غیر منقوله نتیجه مزایده به دکن کندی یدنده ترك وابقا اوننه بیلور ایسه ده مدیونك محجوزی تخریب ایلدیکی ویا قیمتته نقصان ایراث ایلدیکی ویا ظهور ایدن مشتریسنه ارانۀ دن امتناع ایلدیکی صورتده رئیس محکمه نك امريله اول عقارك تخلیه سی جائردر .

۹۶ ماده — مدیون محجوز بولنان اموال غیر منقوله سی حین فراغده دین محكوم بهك مع فائض ومصارف بالغ اولدینی مقدار اچقه توفیف اولمق اوزره ودائرۀ اجرانك مساعدۀ تحریریه سیله آخره بیع وفراغ ایده بیلور .

۹۷ ماده — وضع ید معامله سی اجرا واکمال ایدلمش اولان اموال غیر منقوله نك مزایده سی اجرا قلمق اوزره وضع ید اثناسنده تحقق ایدن احوال حاضره سی تماماً درج وتفصیلات لازمه علاوه ایدلره ك برقطعه

مزایده قائمه سی تنظیم ایدلمسكه برابر اموال مذکورده نك تاریخ اعلاندن اعتباراً اونوز کون مدتله موقع مزایده وضع اولدینی اعلان ایدیلور .

۹۸ ماده — امر مزایده نك شرائط قانونیه خلافتده جریانی حقنده طرفین بیننده کی هر نوع مقاولات حکمسزدر . مع مافیه مدیون کندوسنه اجرا ایدله جك تبلیغات قانونیه نك اجراسندن صرف نظر ایده بیلور .

۹۹ ماده — محجوز اموال غیر منقوله نك آخره رهن ویا وفاء فراغ ایدلمش بوللمسی وتسویه دین زماننك هنوز حلول ایتماش اولسی دیگر احساب مطلوب طرفندن مزایده سنه مانع اوله من حجز تانییدن طولانی وقوعبولان مزایده رهنك طرفین بیننده تقرر ایتمش اولان بدلدن فضلنه سنه شامل وساریدر .

۱۰۰ ماده — متعدد طرفندن حجز ایدلمش اولان اموال غیر منقوله نك یا لکن بر طرفندن مزایده سی ایجاب ایدوب بصورتله مزایده تشبث ایدن طرف حجز وضع ایتمش اولان دیگر دوائر معلومات اعطا ایدرك مذکور حجزلر بدل مزایده استقال ایتمش عد اولنور . ودوائر مذکورده دن برینك ده اول مزایده تشبث ایلدیکی اکلایدینی صورتده نتیجه سنه انتظاراً تکرار مزایده وضعی جائز اوله من .

۱۰۱ ماده — اموال غیر منقوله نك مزایده سی غیر منقولك بولندینی بدایت محکمه سی اجرا دائره سنده اجرا ایدلمك لازم کلور . اموال مذکورده حجزی اجرا ایدن دائرۀ اجرانك خارجنده بولندینی صورتده امر مزایده استنابه صورتيله اجرا ایتدیریلور . استنابه صورتيله اجرای معامله به تشبث ایدن دائرۀ اجرانك مزایده سی انتاج ایلسی لازم کلوب شوقدرکه مدیونه ایفا اولنه جق تبلیغات مزایده سی امر ایدن اجرا دائره سنجه ایفا اولنور .

۱۰۲ ماده — مزایده سی اجرا ایدن بالجمله مأمورین طوغربدن طوغری به ویا بالواسطه مزایده اشتراك ایدمه جکلری کبی اشخاص سائرۀ نام وحسابنه دخی حرکت ایتمکدن ممنوعدرلر .

۱۰۳ ماده — اعلانات ، غزته بولنان محللرده بر وایجابنه کوره متعدد غزته لرله اجرا ایدله جکی کبی بر صورتی دخی دائرۀ اجرا دیوانخانه سنه واملاک محجوزه نك قوسيله ممرناس اولان محللره تعلیق اولنور صایله جق محلك اهمیتته کوره قارناً اقتضا ایدن اعلاناتدن بشقه اعلان اجراسنه لزوم کورلدیکی تقدیرده اجرا دائره سی تقدیر ونسیب ایده بیلور .

۱۰۴ ماده — اعلانات واقعه صایله جق غیر منقولك وضع یدی اثناسنده تحقق ایدن بالجمله اوصاف و احوالی وطرفینك اسم وشهرت لریله مزایده نك وقت وساعتی ومزایده اشتراك شرائطی حاوی اولمق ایجاب ایدر .

۱۰۵ ماده — مزایده قائمه سی تنظیم وکیفیت اعلان اولندقدن دوکره منادی ویا وخدمتی ایفایه تعیین اولنان مباشر طرفندن عقارك بولندینی محلك مجمع ناس اولان محللرده لاقل اوچ دفعه ندا ایدلمك وکیفیت قائمه طهرینه درج ایله محلی امام ویا مختارلرینه تصدیق ایتدیرلمك ایجاب ایدر .

۱۰۶ ماده — تاریخ اعلاندن اعتباراً امر مزایده کشاد ایدلمش عداوتلره ق طالب اولانلرک دائرۀ اجرا به مراجعتله مزایده اشتراك ایتلری لازم کلور . مزایده اشتراك ایدن طالبك غیر منقولك قیمت تخمه سنك

يوزدهاونی نسبتده پی اچمهسی تودیع ایلمسی اقتضایدوب بوصورتله ظهور ایدن طالبلر میانده سالف الذکر اوتوز کونک اقتضاسنده الزیادهیه طالب اولان مشتری اوزرینه موقتاً احالهسی اجرا قلنهرق مزایدهقامهسنة درج واجرا معاونی طرفندن تصدیق اولنور .

۱۰۷ ماده — احاله موقتیه معاملهسنی متعاقب بدل مقررده یوزدهبش ضمی ایچون کیفیت اصولی دائرهسنده وتاریخ اعلانندن اعتباراً اون بش کون مدتله تکرار اعلان اولنهرق مدت مذکوره ظرفسده دخی مزایدهیه دوام اولنور . مدت مذکوره نك ختامنده موجود طالبلر میانده صوك مزایده علیهسی بالاجرا اك زیادهیه طالب اولان مشتری عهدهسنده تقرر ایدن بدل ایله اجرا معاونی طرفندن احاله قطعیهسی اجرا اولنور .

۱۰۸ — احاله قطعیهیی متعاقب نتیجه مزایدهیی وتاریخ تبلیغندن اعتباراً اوچ کون ظرفنده ایفای دین ویا مشتریسی عهدهسنة اعطا وتقریر ایلمسی لزومی مدیونه تبلیغ اولنهجق صوك اخبارنامه ایله بیلدیریلور . بو مدت ظرفنده ایفای دین اولنه مدینی وبالرضا اعطای تقریر ایدلدیکی صورتده مدیونك رضا وتقریرینه باقیلمسزین مشتریسی عهدهسنة معامله فراغیهسنگ اجرایی عايد اولدینی محله اشعار اونوب آندن صكره مدیونك ایفای دین ایتمسی معامله فراغیهیی تأخیر ایده من .

۱۰۹ ماده — دوائر اجراییهجه بالمزایده فروخت اولان املاک بدل مزایدهسی قیمت تخمهسندن فاحش درجهده نقصان کورلدیکی تقدیرده اجرا رئیس مزایده معاملهسنی بر آیدن زیاده اولماق اوزرتمدید ایده بیلور . وبو صورتله اجرا اولنهجق مزایده نتیجهسنده تقرر ایدن بدل اوزرینه معامله فراغیه اجرایی مجبوریدر .

۱۱۰ ماده — داین مدیونکی امهال ایده بیلورسده مشتریسی طرفندن پی سورلمش اولان اموال غیر منقوله نك اسباب سائردهن طولای تأخیر ویا فسخ مزایدهسنة یا لکزر دائنك صلاحیتی یوقدر .

۱۱۱ ماده — اموال غیر منقوله نك احاله قطعیهسی اوزرینه اجرا یدلمش اولان طالبی اموال مذکوردهن تفرغ وبدل مزایدهیی تماماً تسویه دن استسکاف ایدر وکندوسندن اول طالب اولوب کفید ایتمش اولان مشتری دخی کندی عرض ایلدیکی فیات ایله تفرغه طالب بولورسه اول بدل ایله مشتری له احاله قطعیهسی اجرا اولنوب ایکی بدل ارهسنده فرق دائره اجرا به استسکاف ایدن مشتری ثانییه پی اچمهسندن وکفایت ایلدیکی صورتده اموال سائردهن تضمین ایتدیریلور .

۱۱۲ ماده — مشتری اول دخی کف یدنده اصرار ایلدیکی تقدیرده اون بش کون مدتله مزایدهسی اجرا اولنهرق ایکی مزایده بیننده کی فرق کذلک دائره اجرا به تضمین ایتدیریلور .

۱۱۳ ماده — احاله قطعیهیی متعاقب مدیونه تبلیغی اقتضا ایدن صوك اخبارنامه نك اقتضای مدتندن مقدم یکیدن طالب ظهوریله لااقل یوزده اون ضم اجرا ایلدیکی تقدیرده ضم واقعك دخی قبولی جائزدر .

بو حالده اولجه احاله قطعیهسی اجرا ایدلمش اولان طالب ایله بینلرنده اوچ کون ظرفنده یکیدن مزایدهسی اجرا ایدیلهرک صوك طالبی اوزرینه احاله قطعیهسی اجرا قلنوب بو وجهله سالف الذکر اخبارنامه مدتک مرورندن صكره بردها ضم قبول اولنه من .

۱۱۴ ماده — احاله قطعیهسی اجرا ایدلمش اولان اموال غیر منقوله نك صوك اخبارنامه نك تاریخ تبلیغندن اعتباراً برمه ظرفنده معامله فراغیهسنی بالاجرا فروخت اولنسان اموال غیر منقولهیی مشتریسه تسلیمه دائره اجرا مجبوردر .

شویله که : معامله فراغیه نك اجرایی متعاقب بر هفته ظرفنده مفروغ بهی اشغال ایدن اشخاصه مییی تخلیه وتسایم ایتمسی لزومی با اخبارنامه تبلیغ اولنوب مدت مذکوره نهایتده دائره اجرا معرفتیه معامله تسلیمیه اجرا اولنور .

۱۱۵ ماده — دائره اجرا به بالمزایده فروخت اولنسان اموال غیر منقوله نك مشتریسه تسلیمنده ویا اشخاصه ثالثیه قارشی تحث ایدن اختلافانك حانده وضع یدی اثناسنده کی حالی نظر اعتباره آلنور .

شویله که : وضع بد تاریخندن صكره وقوعبولان ایجار و استیجار و سائر تاریخ تسلیمه قدر جاری ومعتبر اولوب آندن صكره اموال مذکوره نك آروجه حکم استحصاله حاجت اولمسزین مشتریسه تسلیمی اقتضا ایدر . کذلک وضع یددن صكره میعهده حاصل اولان زوائد متصله من غیر ذکر بیعهده داخل عد اولنور .

۱۱۶ ماده — بوستان و ترلا کی اموال غیر منقوله ده موجود اولوب بیعهده داخل بولنسان سبزه ومحصولات سائر ارضیه نك قیمتده اتفاق حاصل اوله مدینی تقدیرده طرفیندن تعیین اولنهجق برر ارباب وقوف ایله اجرا دائرهسی طرفندن ترفیق اولنهجق کذلک ارباب وقوفدن اوپنجی شخص طرفلرندن تقدیر اولنهجق قائما قیمتی مشتریسی طرفندن پشیناً تسویه اولندجه اول عقار صاحب یدندن نزاع اولنه ماز . مشتری نك بدل مذکوری تسویه دن امتناعی حالنده محصولات مذکوره نك ادرا کنه قدر انتظار اولنوب آندن صكره اجرا ایدیلهرک زرعیا نه مساعدده اولنور .

۱۱۷ ماده — بعض اسباب قانونیه دن ویا دائنك تعقیب ایتامسندن طولای مزایده نك تأخری حالنده اون بش کون مدتله تکراری کفایت ایدرسده بر سسینی متجاوز مدتله ترك اولنمش اولان مزایده لرده جریان ایدن اولکی مدتله نظر اعتباره آئمه رق مزایده نك تکراری لازم کلور .

۱۱۸ ماده — مزایده ایدیلان اموال غیر منقوله حقنده تصرف ادعاسنده بولنسان شخصك مزایده معاملهسنی تأخیر ایتك اوزره قرار قطعیدن اواباده کی ادعاسنی درمیان ایتمسی لازم کلور . وادعای تصرف عايد اولدینی محکمه ده رؤیت اولنق اوزره دائره اجرا به تأخر واقعدن طولای دائنك ضرر و زیانی تضمین

ایده جکته دائر کندوسندن کفیل آلنه رق عائد اولدینی محکمه به مراجعتله اجرانک تأخیری حقنده برقرار استحصال ایتک وعکس تقدیرده اجرایه دوام اولنق اوزره کندوسنه اون بش کون مهل اعطا قلدور.

۱۱۹ ماده — محجوز بولسان اموال غیر منقوله دن بر قسمی حقنده استحقاق دعواسی اقامه اولندینی ومحکمه جه مزایده نك تأخیرینه قرار ویرلدیکی صورتده اقسام متبایه سنک یکیدن مزایده سنه دوام اولنه بیلور.

۱۲۰ ماده — بردارندهن حجز ایدلمش اولان منقول و غیر منقول اموالک فروختی حالده حصه تقریق حقنده دیگر دوائر اجراییه دن اشعار وقوعندن صکره مدیونک تسویه دین ایلسندن ویا اسباب سائردهن طولانی حجز مذکورک فکی ایجاب ایلدیکی تقریرده اول امرده کیفیت سائر آلاجلیلره تبلیغ اولنه رق برهفته مدت ظرفنده آنلر طرفندن دخی یکیدن حجز وضع ایدلمیکی صورتده حجز موضوع فک اولنور.

۱۲۱ ماده — اموال غیر منقوله ارزیرینه موضوع وناریخ وضعندن اعتباراً اون بش سنه مدته تعقیب اولنه رق ترک وابقا ایدلمش اولان حجز محجوز عایهک طلیله اون بش کون مدته بعدالاعلان حاجزک ظهوریله حجزک بقاسنی مستلزم برکونا اعتراض درمیان اولندینی صورتده اجرا دائره سنجه فک اولنور.

فصل خامس

فروخت اولنان اموال منقوله ویا غیر منقوله بدایک ویا مدیوندن صور سائر ايله استیفا اولنان مبالغ اصحاب مطلوب بیننده صورت تقسیمی بیاننده در

۱۲۲ ماده — دائره اجراجه فروخت اولنان اموال بدلی ايله مدیوندن صور سائر ايله استیفا قلمنان مبالغ الاجقلمرنک استیفاسنی استدعا ایتش اولان داینلرک مطلوبنه تقابل ایتدیکی صورتده غرامه تقسیم وتوزیع اولنور. غرامه تقسیم غیرممتاز بولسان دیون عادیه اصحابی آرمنده ویا عینی درجه امتیازده کی داینلر بیننده جریان ایدوب بوجهله قانوناً حق رجحان و امتیازلری بولسان داینلر استیفای مطلوب ایتدیکه دیون اثره اصحابنه اچه ویریه مز.

۱۲۳ ماده — غرامه تقسیم اولنه حق مبالغدن اول امرده مبالغ مذکورده نك استیفاسنی ضمننده دائن طرفندن وقوعبولان مصارف اجراییه استیفا اولنوب بوقسم مبالغ غرامه به داخل ایلنر.

۱۲۴ ماده — مبالغ محکومه نك حین تقسیمه قدر کذران اوله حق فاضلری دخی داخل حساب ایدلمک لازم کلور.

۱۲۵ ماده — دوائر اجراییه جه مدیوندن فضله اچه تحصیل اولنه رق داینه اطا ایدلمش بولندینی بالحساب تحقق ایتدیکی تقدیرده مبالغ مذکوره ایروجه حکم استحصالنه حاجت قالمقسنزین کندوسندن استرداد اولنور.

۱۲۶ ماده — حجز امتیاز بخش ایتدیکی جهته داینلردن برینک مدیونک اموالی حجز ایتش بولنسی امتیازینی

مستلزم دکلسمده حجز واقعدن صکره مدیونک اقرارینه مستنداً ویرلمش اولان اعلامات ايله الاجقلى اولان اشخاص اموال مذکوریه وضع ید وبدلنه اشتراك ایده منزلر.

فصل سادس

حق رجحان ودرجاتی بیاننده در

۱۲۷ ماده — امتیازلی الاجقلملر دیون عادیه اصحابنه تقدیماً استیفای مطلوب ایتدیکلری کی امتیازده متحدالمرتبه اولان داینلر ارده لرنده غرامه استیفای مطلوب ایدرلر.

۱۲۸ ماده — امتیاز مدیونک عموم اموالنه ویا بونلرک بر قسمنه شامل اولنق اوزره عمومی ویا خصوصی اولور.

۱۲۹ ماده — اولاً محکوم به زوجات واولاد صغار نفقه سی ثانیاً خزینة دولتن طوغری به ویاخود بالواسطه تحصیل اولنان ویرکو وعشرایله تکالیف دولتن اولان رسوم متنوعه تعیین اولنان درجات اعتباریله یکدیگرینه وسائر الاجقلملره تقدیماً مدیونک کافه اموال ونقود وعقاردن استیفا اولنق اوزره حق رجحان عمومی بی حائزدر.

۱۳۰ ماده — حق رجحان خصوصی اولاً کمرك رسمی وعقار ویرکوسی کی تکالیف دولتن معین بر اشیا وعقاردن اخذی لازمکلان رسم وویرکونک اول اشیا وعقار ائمانندن

ثانیاً سند رسمی ايله ایجار اولنش اولان عتارک بدل ایجاری اول عقار دروننده موضوع اشیا ائمانندن ثالثاً سند رسمی ايله ایجار اولنش اولان چفتلک وترا وباغچی کی محصولدار اراضینک بدل ایجاری محصولات ائمانندن

رابعاً خانجی ولوقانطه اجرتنک خان ولوقانطه دروننه موضوع مدیونک اشیاسی ائمانندن استیفا اولنمسندن عبارتدر.

۱۳۱ ماده — رهنندن وصور سائردهن نشأت ایدن حق رجحان قوانین ونظامات مخصوصه سی احکامنه تابعدر.

۱۳۲ ماده — حق رجحان خصوصی اصحابی عمومی حق رجحان اصحابنه تقدیماً استیفای مطلوب ایدرلر.

۱۳۳ ماده — حق رجحانک تحقیق ایچون دینک ماهیتی اعلامده صراحة مندرج اولنق لازم کلوب اعلام مندرجاتی خلافتله ارله رق ویا احداثاً دائره اجراده درمیان اولنه حق مدعیات نظر اعتباره آلنه مز.

بشنجی باب

مدیونک حبسی حقده در

۱۳۴ ماده — مدیون کنديسه تبايع اولنه حق اخبارنامه اوزرينه دائره اجزايه مراجعتله اقتدار و احوال ظاهره سی و دينك مقداريله متناسب بر صورت تسويه ارانه سینه مجبوردر . مدیون دينته صورت تسويه ارانه ايلديكي ويا كوستريلان تأمینات و تعیین ايدیلان تقاسيط دائر طرفندن قبول اولمیه رق مدیونك فضله اقتدارى ادا و اثبات ايدلديكي صورتده اجراريسنك امرتحریريسی اوزرينه مدیون حبس اولور . مدیونك حبس ايدلمش اولمسی بالاخره اموال سائرسنه مراجعتله استيفای حق ايدلمسینه مانع دكلدر .

۱۳۵ ماده — دائرك اخبار و طلبی اوزرينه فرار ايدجكي اكلاشیلان مدیونك فرارى حالنده محكومبه مبالغی تماماً تسويه ايدجكنه دائر كفالت قويه ارانه ايلديكي تقديرده دخی حبس جائزدر .

۱۳۶ ماده — كندی طرفندن بیان و دائر طرفندن قبول ايدلمش اولان صورت تسويه و تقاسيطی ایفا ايتمان و شرائط مقررده يي اخلاص ايدن مدیونك آروجه اثبات اقتدارينه حاجت يوقدر كذلك نفقه دن طولاي مدیون بولنان كسانك اقتدارلری اثبات ايتك ايجاب ايتز .

۱۳۷ ماده — دين ايچون حبس على الاطلاق طقسان بر كوندن عبارتدر و مدت حبس طرفنده حكومتجه محبوسين سائرك انفاقی ضمنتده صرفی اقتضا ايدن مقداری تجاوز ايتماك اوزره مدیونك اعاشه و انفاقی ضمنتده صرفی ايجاب ايدن مبلغ حبسخانه لر تخصیصاتی میانندن حكومتجه اعطا اولور .

۱۳۸ ماده — مدیونك هر نه صورته اولورسه اولسون حبسندن چيقيمه سینه موافقت ايتمش اولان دائرك اول ديندن طولاي حبسنى طلبه صلاحیتی يوقدر . و اكمل مدت ايتمش اولان مدیونك حبسندن مقدم ذمتنه تعلق ايتمش اولان ديونات سارمه سی ايچون دخی حبسی جائز دكلدر .

۱۳۹ ماده — مقاولات محررلكنجه اقتدارلری تصديق ايدلمش بولنان ويا مدیونه دائره اجراده كفالت ايتمش اولان اشخاصك ايروجه اثبات اقتدارلرينه حاجت يوقدر .

۱۴۰ ماده — جرمدن متولد حقوق شخصيه نك استيفامی ضمنتده كذلك مدیونك اثبات اقتدارينه حاجت اولمقسزين حبسی جائزدر .

۱۴۱ ماده — دين ثمن مبيع وپی اچمه سی كبی مدیونك نزنده قارشولنی بولنان خصوصاً دن منبعث اولدينی صورتده استصحاباً اقتدارى ثابت اولان مدیونك ايروجه اثبات اقتدارينه لزوم يوقدر .

۱۴۲ ماده — مدیونك حبسنى طلب ايد بيلمك ايچون دينته كافی اموال و اشيا سنی تحری به دائرك مجبوریت قانونيه سی اوليوب مدیون ايفای دينته كافی اموال و اشيا سنی ارانه ايله حقنده اتخاذ ايدلمش اولان حبس قرارينك استردادینی طلب ايد بيلور .

۱۴۳ ماده — دين ايچون حبس سائر مجازات جسمانيه كبی محكوم عليهك شخصنه منحصردر بناء عليه مدیونك تركه سینه واضع ايد بولمیان وره سی و متولی و ولی و وصی كبی ديندن شخصاً مسئول اولمیان كسان حبسندن مصوندرلر كذلك صغير و معتوه و مجنون اولان مدیونلر على الاطلاق و مأمورين حكومت يالكنز دين ايچون حبس اولنه مزلر .

۱۴۴ ماده — نفقه دن ماعدا خصوصاً ده اصولك فروعه و زوجينك يكديكرينه اولان دينندن طولاي حبسلى جائز دكلدر .

۱۴۵ ماده — حبسی اقتضا ايدن اشخاص ايله دينته بر صورت تسويه ارانه سی ضمنتده احضاری ايجاب ايدن سائر كسان اجرا مباشرلری معرفتيله احضار اولورلر ممانعت و قوعنده ضابطه يه مراجعتلری ايچون بدلرينه مذكره و يرلوب بالجله ضابطه مأموراری اشبو مذكره حكمی انفاذه مجبوردرلر .

۱۴۶ ماده — اشبو قانونك اجرانه عدلیه نظارتی مأموردر .

محكمه مختصه فرانی

محكمه مختصه فرانی

محكمه تمیز استدعا دائر مسندن صادر اولان ۲ ایلول سنه ۳۲۶ تاریخی و ۱۷۰۳ نومرولی اعلام صورتیدر :

- ۱ — مدت نظامیه سی طرفنده ویریلان استيفای استدعاسنك قضا مدعی عمومی معاوئلكنه خطاباً تحریر ايدلمسی ردی مستلزم اسبابدن اولمادیغه دائر .
- ب — مظنونك اوصاف و هویتی تحقیق اولنه رق صورت واضحه تعیین ايتدیرلك و حقنده كی اخباراتك ماهیتی بیان و توضیح اولنی لازم كلوركن بولاردن ذهول ايدلمسی مستلزم نقضدر .

بولی سنجانی بدایت محكمه سی جزا دائر مسندن استينافاً تنظيم و اعطا قلنان ۱۶ مارت سنه ۳۲۶ تاریخ و اونوز سكرز نومرولی اعلامك تمیزاً تدقیق طلبنی حاوی محكمه مذكوره مدعی عمومی معاوئلكنی جانبندن معطی استدعائمه و اوراق متفرعه سی باش مدعی عموميلك مأموریت بهیه سندن باتليغنامه محكمه تمیز استدعا دائر سینه

توديع اولئش ولدى التدقيق مذکور استدعایه مدت معينة قانونیه سی ظرفده اعطا قلندينى اكلاشلمش اولغله بالقبول تدقیقات تمیزیه اجراسنه ابتدار ایدلدى .

اعلام مذکور خلاصه مالى موسى اوغلى عليك بر رأس بارکیرنى ودكاندن نقود واشیاسنى سرقت ایتدکلى ادعا اولئان صالح اوغلى دوق ايله قوریجی رستمك اجرا قلئان محاکمه نتیجه سنده مدعینك دکاندن پاره سنى سرقت ایلدیكى شهادتله ثابت اولان مظنون مرقوماندن دوقك قانون جزائك ایكى یوز اوتوزنجی ماده سى احکامنه توفیقاً آلتی ماه حبسنه و حیوان سرقتی حقنده برکونه اخبارات اولمادیغندن بحثله بوجهندن جمله سنك براتلرینه دائر بدایه ویریلن اعلام محکوم مرقوم جانبندن استیناف ایدلمکله اول بابده اجرا قلئان محاکمه و تدقیقات استینافیه نتیجه سنده اعلام مذکورك موافق اصول و قانون اولوب فسح حکمى مستلزم اسباب قانونیه کوریه مدیکى بیانیه تصدیقه قرار ویرلیدیكى متضمندر .

تمیز لایحه سنده استیناف استدعا نامه سنك اصول محاکمات جزائیه قانونك یوز سکیان بشنجی ماده سى مؤداسنه نظراً یا دعوائی رؤیت ایده جك اولان استیناف محکمه سنه خطاباً بر سرلوحه ايله یازیلوب حکمى ویرن محکمه قلمنه و یا خود بو وجهله یازلدقن صکره مذکور استیناف محکمه سنه تقدیم ایدلمك لازم کلورکن مدعى عمومى یه خطاباً اعطا قلئان استیناف استدعا نامه سنك قبول اولئسى مخالف قانون ایدو کندن بحثله اعلام استینافینك نقضی استدعا اولئش تبلیغنامه ده دخی اسباب استینافیه یی حاوی اولان استدعاك مرجع قانونیسنه خطاباً تنظیم واعطا اولمادیغندن بحثله تمیز استدعایه سنده سرد ایدیلن اعتراضات بجا ایدوکی بیانیه اعلام مذکورك نقضی لزومى کوسترلشددر .

ایجابى لى المذاکره لایحه تمیزیه ده اقچه سرقتندن طولایى آلتی ماه مدت حبس جزاسیله محکوم اولان دوقك اعطا ایلدیكى استیناف استدعایه سنك دوزجه قضاسى مدعى عمومى معا نلکینه خطاباً تحریر اولئسندن ناشى محکمه استینافیه جه ردی لازم کلورکن قبول ایدلمسى خلاف قانون ایدو کندن بالبحث سرد اعتراض اولئش ایسه ده ذکر اولئان استدعایه سنك مدت نظامیه سى ظرفده ویرلش وجانب ریاستدن معامله قیدییه سى ایضا ایتدیرلش اولدینى مندرجاتك محقق عدی مقتضیات قانونیه دن بولئان اعلام استینافیه محکى اولمسنه وسالف الذکر استدعایه سنك مذکور معاونلکله خطاباً یازلش اولمى ردینى مستلزم اسبابدن بولئامسنه نظراً اعتراض مذکور غیروارد اولوب آنجق اوراق موجوده مندرجاتندن استنباط اولدینى اوزره مرقوم دوقك بدایت محکمه سنجه غیباً جریان ایدن محاکمه اثناسنده اوصاف وهوتى سوال و تحقیق اولنهرق صورت واضحده تعیین ایتدیرلمك وفعل مذکوره جرائى امرنده کى اخباراتك ماهیتی بیان وتوضیح اولئق لازم کلورکن درجه اولی محکمه سنجه شو قواعد قانونیه ره رعایت اولئامسندن ناشى حکم ابتدائینك فسحیله اکیال تحقیقات و تدقیقات اولنهرق نتایج حاصلیه کوره کیفیتك درجه ثانیه ده قرار قانونیه ره ربطی مقتضى بولئش اولایى حالده محکمه استینافیه جه بورلری نظر دفته آلمق سزین سالف الذکر حکم ابتدائینك

موافقت قانونیه سندن بحثله تصدیق ایدلمسى یولمز و مستلزم نقض احزالدن اولوب لایحه تمیزیه محتویاتى برصورتله وارد و بجا کورئش اولدیغندن اصول محاکمات جزائیه قانونك اوچیوز اون دردنجی و اوچیوز اون طقوزنجی ماده لری منظوقنجه اعلام استینافینك اسباب محرره دن ناشى تقضیله احکام قانونیه دائره سنده ایضای معامله اولئق اوزره اوراق متعلقه سنك محکمه مذکوره اعاده سنه و ایكى یوز غروش اعلام خرجك تعلیمات مخصوصه توفیقاً ایلروده حق سز حقیقه جق ط فدن استیناف سنه ۷ اغستوس سنه ۳۲۶ تاریخده متفقاً قرار ویرلدى .

محکمه تمیز استدعا دائره سندن صادر اولان ۴ ایلول سنه ۳۲۶ تاریخى ۱۷۰۶ نومرولى اعلام صورتیدر :

ا — مظنونك حرکت واقعه سى پسپورط نظامنامه سنك (۹) نجی ماده سى موجبجه

تحدید جزائى استلزم ایلدیكى حالده قانون جزائك (۲۵۴) نجی ماده سى حکمته

توفیقاً محکوم ایدلمسى موجب نقضدر .

ب — ضابطه ژورناك مآلك اعلامه درج اولئامسى نقض حکمى مستلزمدر .

چشمه قضاسى بدایت محکمه سى جزا دائره سندن تنظیم واعطا قلئان ۲۶ تموز سنه ۳۲۶ تاریخ واللى یدى نومرولى اعلامك تمیزاً تدقیق طلبنى حاوی محکمه مذکوره مدعى عمومى معاونى و کالتندن معطى استدعا نامه و اوراق متفرعه سى باش مدعى عمومىك مأموریت بهیه سندن باتبلیغنامه ۲۶ اغستوس سنه ۳۲۶ تاریخندن محکمه تمیز استدعا دائره سنه تودیع قلمش ولدى التدقیق مذکور استدعا نامه سنك مدت معينة قانونیه سى ظرفده ویرلیدیكى اكلاشلمش اولغله بالقبول تدقیقات تمیزیه اجراسنه ابتدار اولئدى .

اعلام مذکورك خلاصه مالى پسپورط خانه خارجه واپوردن آدم اخراج ایتدیكى ادعا اولئان نیاروفو فوئینك فعل مذکوره جرائى اخبار نامه مندرجاتى ايله ثابت اولدیغندن بحثله جزا قانونك ایكى یوزاللى دردنجی ماده سى حکمته توفیقاً ایكى بشلك جرای نقضی ايله محکومیتنه قرار ویرلیدیكى متضمندر .

تمیز استدعا نامه سنده مظنون مرقومك شهادت ايله ثابت اولان حرکت واقعه سنه تماس ایلین پسپورط نظامنامه سنك اون طقوزنجی ماده سى منظوقنجه تحدید جزاسى حقنده کى ادعا نظر دفته آلمیه رق برمنوال محرر جزا قانونك ایكى یوز اللى دردنجی ماده سى موجبجه تعیین جزا ایدلمسى مخالف قانون ایدو کندن و افادات سائرده دن بحثله اعلام مذکورك نقضی استدعا ایلدیكى کى تبلیغنامه ده دخی اعتراضات مسروده وارد و بجا ایدوکی بیانیه سالف الذکر اعلامك نقضی لزومى کوسترلشددر .

ایجابى لى المذاکره مندرجات اعلامدن مفهم اولدینى اوزره مظنون نیاروفو فوئینك مرتبه ثبوتده کوریلن حرکت مسروده سندن طولایى پسپورط نظامنامه سنك اون طقوزنجی ماده سى موجبجه تحدید جزاسى

لازم كلوركن قانون جزائك ايكي يوزاللى دردنجي مادهسى حكمنه توفيقاً محكوم ايديلمسندى اصابت كوريله مديكي مثللو مستند ادعا اولان ضابطه زورناللك مأليله مدعى عمومى معاونى وكيلي سليمان افنديك صفت مأموريتك اعلامه درجى لزومندن ذهول ايديلمسى يولسزومغاير اصول وقانون اولوب تميز استدعانا مدهسى محتوياتى تبليغنامه ده دخی مرقم اولدينى وجهله وارد وبجا كوره نديكسندن اصول محاكات جزائيه قانونك اوچيوز اون دردنجي واوچيوز اون طقوزنجي ماده لرى موجبجه اعلام مذكورك اسباب محرره دن ناشى تقضيله احكام قانونيه دائره سنده ايفاي معامله اولمق اوزره اوراق متعلقه سنك محكمه مذ كوره ده اعاده سنه وايكي يوز غرض اعلام خرجك تعرفه وتعليمات مخصوصه سنه توفيقاً بالآخره حقسز چيحه جق طرفدن استيفاسنه ۳۰ اغستوس سنه ۳۲۶ تاريخنده متفقاً قرار ويرلدى .

محكمه تميز استدعا دائره سندن صادر اولان ۱ ايلول سنه ۳۲۶ تاريخلى و ۱۷۲۰ نومرولى اعلام صورتيدر :

۱ قرار غيايى عليه اعطا اولنوب قبول ايديلان اعتراض استدعانا مدهسى يالكز احكام و معاملات غيايىي كائن لم يكن عد واعتبر ايتديرمك مزيت قانونيه سنى حائز اولوب مقررات وجاهيه نك تعلق ايديكي خصوصاتك بو استدعا اوزريه تكرر موضوع بحث اولميه جفته دائر

قوصوه ولايتى مركز بدايت محكمه سى جزا دائره سندن تنظيم واعطا قاتنان ۲۲ تموز سنه ۲۲۶ تاريخ واوچيوز يدى نومرولى اعلام استينافينك تميزاً تدقيقى طلبى حاوى محكمه مذ كوره مدعى عمومى معاونلكى جانبندن معطى استدعانا مده اوراق متفرعه سى باش مدعى عمومىك مأموريت بهيه سندن بانبليغنامه محكمه تميز استدعا دائره سنه توديع اولمغله ولدى التدقيق مذ كور استدعانا مده مدت معينه قانونيه سى طرفنده ويرلديكي اكلاشلمغله بالقبول تدقيقات تميزيه اجراسنه ايتدار ايديلى .

اعلام مذ كورك زبده مالى مجهول الاسامى رفقاسيله تلغرافخانه به كلوب قيوينى اشغال ايدرك دخول وخروجى منع ومخابرات تلغرافيه ي تعطيل واخلاق وضبطيه حسين چاوشى ايفاي وظيفه ائناسنده تحقير ايلدكلى ادعاسيله مظنون عليهم اولان داسقال سيمون واستوياندىن مرقوم سيمونك جزا قانوننامه هايونك يوز اوتوز دردنجي ماده سى حكمنه توفيقاً اوچ بچق ماه حبسنه وكندوسندن بش التون جزاى نقدى اخذينه وفعله اشتراكى حقه ده دليل واماره به تصادف ايديله ميان مظنون ديكر استويانجونك برائت دائر لاحق اولان حكم ابتدائى اعلامى محكوم سيمون طرفندن استيناف ايديلمسى اوزريه سباب قانونيه ببناء فسجيله جردان ايدن محاكمه وتدقيقات استينافيه نتيجه سنده ماده مزبوره موجبجه مستأنف سيمونك اوچ ماه حبسى وبش مجيدى التونى جزاى نقدى ايله محكوميتى حاوى غيايياً صادر اولان اعلام عليه ده وقوعبولان اعتراض دعوا نك سبق ايدن محاكمه سنده

حكم ابتدائيك فسجيله دعواى حاضره مظنونك محكوميتى امرنده حد ثبوت ايصال ايديله مامش اولديغندن بالبحث مرقومك برائتته قرار ويرله يكي متضمندر . لايحه تميزيه ده غيايياً جريان ايدن محاكمه نك برقسمنده مدعى عمومىك وظيفه سنى ايفاي ايله ين محمود عزيز بكك انشائى محاكمه وجاهيه ده مقام رياسته بولمى و مدعى عمومىك تبليغنامه سى قرائت واعلامه درج ايديلمش وشهادات واقعه نظر اعتباره التماسى مغاير اصول وقانون ايدو كندن واقعات سائرده دن بخلاف اعلامك نقضى طلب تلندينى كى تبليغنامه ده دخی تلغراف مأمورينك جلبى حقه ده مظنون عليه طرفندن وقوعبولان طلب اوزريه برشى دينلمه مش ومدافعه شهودندن واسيلك استماعندن صرف نظر ايديلمش اولمى مستلزم نقض اسبابدن اولدينى بيانيله اعلام مذ كورك نقضى لزومى كوسترلمشدر .

الجباني لى المذاكره مندرجات اعلامدن مفهوم اولدينى اوزره مخابرات تلغرافيه ي قصداً اخلال وتلغرافخانه به دخول وخروجى منع ايله ژاندارمه حسين چاوشى ايفاي وظيفه ائناسنده تحقير ايلك ماده لرندن طولاني مظنون اولان سيمون قسطنطينك حبسى وجزاى نقدى ايله محكوميتنه دائر اولان حكم ابتدائيك عند الاستيناف اسباب قانونيه دن طولاني فسخ اولنوب شهود دعوانك استماعى صورتيله وجاهياً محاكمه جريانندن صكره مظنون مرقومك تعيين اولنان ديكر كونده حاضر بولنامسندن ناشى عن الغياب محاكمه دوام اولمق حبس وجزاى نقدى ايله محكوميتنه قرار ويرلمش واشبو قرار غيايى عليه ده اعطا اولنوب قبول ايديلان اعتراض استدعانا مده سى يالكز احكام ومعاملات غياييه يي كائن لم يكن عد واعتبر ايتديرمك مزيت قانونيه سنى حائز اولوب مقررات وجاهيه نك تعلق ايديكي خصوصاتك بو استدعانا مده اوزريه تكرر موضوع بحث اولميه جفته دائر بولمى ايكن محكمه استينافيه ده مسئله حاضرده صور محرره به توفيق معامله اولنوب اعتراضاً سبق ايدن اعلام ابتدائيك تكرر فسحى صورتيله تدقيقات اخيره نك قسم وجاهيه دخی تجاوز ايتديريله رك مظنون مرقومك فعل مذ كوره جرائى درجه ثبوت واصل اولماديغندن بالبحث برائتته قرار ويرلمى يولسزومغاير اصول وقانون اولوب لايحه تميزيه محتوياتى بو وجهله وارد وبجا كورونمش ايدو كندن اصول محاكات جزائيه قانونك اوچيوز اون دردنجي واوچيوز اون طقوزنجي ماده لرى منظوقتيجه قرار استيناف مذ كور اعلامك اسباب محرره دن ناشى تقضيله احكام قانونيه دائره سنده ايفاي معامله اولمق اوزره اوراق متعلقه سنك محكمه محليه به اعاده سنه وايكيه ز غرض اعلام خرجك تعرفه وتعليمات مخصوصه سنه توفيقاً ايلروده حقسز چيحه جق طرفدن اخذ و استيفاسنه ۲۱ اغستوس سنه ۳۲۶ تاريخنده متفقاً قرار ويرلدى .

محکمہ تمیز حقوق در امور مرقوم

محکمہ تمیز حقوق دائرہ سندن صادر اولان ۲۳ شباط سنہ ۳۲۶ تاریخی و ۳۴۶۸۸ نومرولی اعلام صورتیدر:

۱ - صغیره واقع اولان ہبہ دہ حق قبض و لیسنہ و یا مرہیسنہ عائد بولندیغنه و قبض قانونیہ اقتران ایتیان ہبہ نیک حکمی اولہ میہ جغنه مبنی مدعینک ہبہ دعوائی غیر صحیح اولدینی جہتہ دعوائک ردیلہ مدعینک اورادہ اشجار غرس ایتیش اولدینی تحقق ایتدیکی حالہ قلعی حقندہ مجلہ نیک ۹۰۶ نجی مادہ سندہ کی احکام نظراء تبارہ آلہرق برقرار اتخاذ اولنسی لازم کلور ایکن بوندن ذہول ابدلسی نقض حکمی مستلزمدر .

عشاقک قمر محلہ سندہ مقیم عثمان بشہ اوغلی عزت اغا ایلہ حاجی حسن محلہ سندہ ساکن قیر خلیل اوغلی محمد افندی و عثمان بشہ اوغلی حاجی خلیل افندی و کریمہ لری خدیجہ وزہرا خاتونلر بینندہ متکون دعواہ دائر عشاق قضاسی بدایت محکمہ سندن ۴ مایس سنہ ۳۲۶ تاریخی و ۵۲ عدیلہ ویریلوب مرقوم عزت اغا طرفندن مزبوروندن یالکیز محمد و حاجی خلیل افندیلر علیہندہ تمیزی استدعا قلنان اعلام مستدعینک اعتراض و مرقوماندن محمد افندی طرفندن ویریلان جواب لایحہ لریلہ بالمطالعہ تدقیقات تمیزیہ اجراسنہ ایتدار قلندی . اعلام مذکورک خلاصہ مندرجاتی مزبور عزت اغا کندوسنک حال صغرندہ وختانندہ والدہ سی طرفندن کندوسنہ ہبہ و کندوسی طرفندن دخی پدری خلیل افندی و ہمشیرلری زہرا و خدیجہ خاتونلرک اجازتیلہ قبض و حال صغرندہ دایسی و بعد البلوغ اوتوز سنہ دہبری کندوسی بلا نزاع تصرف ایتکدہ اولدینی عشاقک حارلاق موقعندہ کائن معلوم الحدود اوچ اولک مقدار کروی حاوی باغ محلی احیا و کرم غرس ایتیش ایسہدہ بالاخرہ پدری خلیل افندی مذکور باغی والدہ سنک وقاتی اوزرینہ کندوسیہ اولادلرینہ انتقال ایلدیکندن بختلہ اون اتی سہمدہ اون سہمی مرقوم محمد افندی بہ بیع و فراغ ایتیش اولدقلرندن بختلہ پدری مرقوم خلیل افندی و ہمشیرلری زہرا و خدیجہ ایلہ مشتری مزبور محمد افندیک جلدلریلہ بالحا کہ مذکور باغہ وقوعبولان مداخلہ لرینک منعی طلب و دعوی و مدعی علیہدن خلیل افندی عائلہ سی اوچیوز ایکی سنہ سندہ وفات ایتدیکنی و حیاتندہ مذکور باغہ متصرف اولدینی و اوغلنہ قطعاً ہبہ ایتدیکنی و سکن سنہ اولنہ قدر کندوسی تصرف و اون ایکی سنہ اولدہ طوت فدائری دیکدیکنی و سکن سنہ دہبرودہ اوغلی عزت مذکور باغی فضولاً غصب ایلدیکنی و کچن سنہ کریمہ لریلہ کندی حصہ سی مزبور محمد افندی بہ صاتوب تسلیم ایلدکلرینی و تقریرینی دخی ویردکلرینی و الیوم باغ کیمک یدندہ اولدینی بیلمدیکنی و دیگر مدعی علیہ محمد افندی دخی مذکور باغک اون اتی سہم اعتباریلہ اون سہمی خلیل افندی ایلہ کریمہ لرندن صاتون آلدینی والیوم مدعینک یدندہ اولدینی مدافعتہ تذکار ایلاری و اولنسا دعوتہ دیگر مدعی علیہالر

زہرا و خدیجہ خاتونلرک اجابت ایلاملری اوزرینہ وکیل مسخر تعینیلہ آنلرک غیابندہ و خلیل و محمد افندیلرک و جاہندہ جریا ایدن محاکمہ و تدقیقات نتیجہ سندہ مدعی مرقوم عزت اغا بروجہ محرر ادعاسی اثباتدن اظہار عجزلہ بویابدہ طالب تحلیف اولسنہ و مدعی علیہدن خلیل و محمد افندیلرک مذکور باغک مدعی عزت اغا بہ والدہ سی طرفندن ہبہ اولدینی بیلمدکلرینہ دائر تکلیف اولنان یمینی قبول و اجرا ایتلرینہ و دیگر مدعی علیہ ہمشیرلری زہرا و خدیجہ خاتونلر حقندہ مدعینک طالب تحلیف اولمامسنہ بناءً مدعی عزتک شایان التفات اولیان ادعاسنک ردیلہ مدعی علیہمہ قارشو بلا بینہ معارضہدن منعنہ حکمدن و مستدعی تمیزک اشبو حکم علیہندہ لایحہ سندہ محرر اعتراضاتک باشلو جہ سی وضع یدک بالینہ اثبات اولنامسی و محکمہ جہ مدعی علیہ طرفندن ارتا انتقال ادعاسی درمیان اولدینی حالہ وراثت حجتک ابراز ایتدیرلنامسی و مرور زمانہ حق مداخلہ لری اسقاط اولنسنہ کورہ ہبہ نیک بینہ ایلہ اثبات و یمین ایلہ حل مدعا ایلدسنہ لزوم قانونی یوق ایکن یمین ایلہ حل مدعا ایلدسی یولسز و مغایر قانون اولدیغندن بختلہ اعلامک نقضی و لایحہ جوابیہ مؤداسی دہ اعتراضات مذکورہ نیک غیروارد اولدینی بیانیلہ ردی و موافق اصول و قانون بولان اعلام مذکورک تصدیق استدعاسندن عبارتدر .

ایجابی لدی المذاکرہ کیفیت ہر نہ قدر بروجہ بالا حکم و قرارہ ربط اولنیش ایسہدہ مدعینک صورت دعواسنہ کورہ کندوسنہ ہبہ ایلدیکی بیان اولنان باغک پدر و ولیسی موجود اولدینی حالہ آکا تسایم ایدلیوب مرہیسی دخی بولنیاں دایسنہ تسلیم ایدلش اولدیغندن و مجلہ نیک سکن یوز الی ایکنجی مادہ سی موجبہ بو کبی صغیرہ واقع اولان ہبہ دہ حق قبض و لیسنہ یا مرہیسنہ عائد بولندیغنه و مجلہ نیک سکن یوز اوتوز یدنجی مادہ سی حکمنجہ قبض قانونیہ اقتران ایتیان ہبہ نیک حکمی اولہ میہ جغنه مبنی مدعینک اساساً ہبہ دعواسی غیر صحیح اولدینی جہتہ دعوائ مذکورہ رد ایدیلہرک مدعی حقیقہ اورادہ اشجار غرس ایتیش اولدینی تحقق ایدر ایسہ اشجارک قلعی حقندہ مجلہ نیک ۹۰۶ نجی مادہ سندہ کی احکام نظر اعتبارہ آلہرق اکا کورہ برقرار اتخاذ اولنق لازم کلور ایکن بروجہ محرر حکم اولنسی یولسز و مغایر قانون اولدیغنه بناءً اصول محاکمہ حقوقیہ قانوننک ایکیوز قرق برنجی مادہ سی موجبہ اعلام مذکورک نقضیلہ قانون مزبورک ایکیوز قرق دردنجی مادہ سنک فقرہ اولسی حکمنہ توفیقاً کیفیتک بالرؤیہ اعلامہ ربطی ضمتندہ محکمہ مذکورہ اعادہ سنہ و زیردہ مفرداتی مرقم اولوب اولجہ مستدعی تمیز طرفندن ویریلان غروشہ بو کرہ طرفندن ایفا اولنان غروشکہ جمعاً غروش مصارف تمیزیلہ نیک ایلرودہ حقسنز حقیقہ جق طرفہ عائد اولسنہ ۲۳ شباط سنہ ۳۲۶ تاریخنہ متفقاً قرار ویرلدی .

محكمة تميز حقوق دائره سندن صادر ۱۵ لان ۳۲۷ تاريخي
و ۳۱۷۰ نومرولى اعلام صورتيدر :

۱ — مدعابه سوم شرا طريقه وتسميه ثمن اولنيه رق اخذ ايدلمش اولسنة مبنى مدعينك حق بد مشتريده عينا موجود ايسه استرداد ايتمكدن واتلاف ايلمش اولدني صورتده يوم اتلافده كي قيمتي تضمين ايتدير مكدن عبارت ايكن محكمه جه بوجهلر نظر اعتباره آلتقسزين وعينا موجود ميدر يوقسه بلاتعد ولاقصير ويا خود بالتعدى ويا بالتقصير تلف اولشميدر بوجهلر ميدان ثبوت ايصال ايدلمكسزين حكم اعطا اولمسي نقض حكمي مستلزمدر .

درسه ائده فاتح جوارنده قومريلي مسجد محله سنده مقيم يوزغاد نائب سابق محمد نظيف افندي ايله قير شهر قصبه سنده ساكن حاجي كلشن زاده حاجي احمد آغا بيننده متكون دعوايه دائر قيرشهرى بدايت محكمه سندن ۲۸ اغستوس سنه ۳۲۶ تاريخي ويوز طقسان عدليه وريلان اعلام مومى اليه محمد نظيف افندي طرفندن مدت قانونيه سى طرفنده تميز ايدلمكله اعلام مذكور طرفينك اعتراض وجواب لايحه ليله بالمطالعه تدقيقات تميزيه اجرا سنده ابتدار قلندى .

اعلام مذكورك خلاصه مندرجاتي مرقوم حاجي احمد اغانك مومى اليه محمد نظيف افندي به سوم شرا طريقه كوندرديكي برچفت خالى ايله برعدد چيچك كلسمدن خالي بي اعاده ايتمش ايسده كليبي نزدنده امانه اليقويمش اولديغندن مذكور كلسمك بدلى اولان درتيوز يتمش بش غروشك مومى اليه نظيف افندي تحصيلنى طلب ودعوى ايتمش ومدعى عليه دخى مدعى مرقومدن كلم آلدني كي بورجى دخى اولديغنى مدافعه بيان وابنا ايتديكي حالده اكال محاكمه ضمننده اخيرا تعيين قلنان كونده دعوت اجابت ايتماسى اوزرينه محافظه حقوقى ضمننده وكيل مسخر تعيينيله غيايا جريان ايدن محاكمه وتدقيقات نتيجه سنده مدعى مرقوم احمد آغا برمنوال محرر دعوانى اصولا اثبات ايدمديكندن عندالاعتراض مدعى عليهك يميندن نكولنه تعاليا مجله نك بيك يدى يوز قرق ايكنجى ماده سى موجبجه مذكور كلسمك موجود ايسه عينا ومستهللك ايسه بدلى اولان درتيوز يتمش بش غروشك بدلا مدعى عليهك تحصيلنه حكمدن ومستدعى تميزك اشبو حكم عليهنده لايحه سنده محرر باشلوجه اعتراضاتى مدعى طرفندن ميعك جنسى ونوعى ايله قيمتى وزمان تسليمى تصرح ايدلميه رك على الاطلاق اقامه اولنان دعوانك استماع اولمسي ومذكور كلسمك استردادى حقنده بركونا دعوى سبق ايتديكي حالده محكمه جه بوجه محرر اعطاي حكم اولمسي يولسز واصول وقانونه مغاير اولديغندن بحثله اعلام مذكورك نقضى استدعا سندن ولايحه جوابيه مؤداسى دخى غير وارد اولان اعتراضات مسروودنك رديله موافق اصول وقانون اولان اعلام مذكورك تصديقي طلبندن عبارتدر .

الجباني مذاكره اولندقدده كيفيت مدعا بوجه محرر حكم اعلامه ربط ايدلمش ايسده اثنائى محاكمه مدعينك ويرديكي ايضاحاته كوره مدعابه كلم سوم شرا طريقه وتسميه ثمن اولنيه رق اخذ ايدلمش اولديغنه مبنى مدعينك حق مجله نك ايكيوز طقسان سكرنجي ماده سنده بيان اولنديكى اوزره مذكور كلم يد مدعى عليه عينا موجود ايسه استرداد ايتمكدن رمدى عليه اتلاف ايلش اولديغنى صورتده يوم اتلافده كي قيمتى تضمين ايتدير مكدن عبارت ايكن محكمه جه بوجهلر نظر اعتباره آلتقسزين وعينا موجود ميدر يوقسه بلاتعد ولاقصير يا خود بالتعدى يا بالتقصير تلف اولشميدر بوجهلر ميدان ثبوت ايصال ايدلمكسزين بوجه مشروح حكم اعطا اولمسي يولسز واصول وقانونه مغاير اولديغندن اصول محاكمه حقوقيه قانوننك ايكيوز اوتوز ايكنجى وايكيوز قرق برنجي ماده لرى احكامنه توفيقا اعلام مذكورك نقضيله قانون مذكورك ايكيوز قرق دردنجى ماده سنك فقره اوليسى حكمنه توفيقا كيفيتك تكرار بالرؤيه اعلامه ربطى ضمننده محكمه مذكوريه اعاده سنده ومدعابه بشيوز غروشندن دون اولقله خرج تعرفه سنك ماده مزيله سى حكمنه توفيقا اشبو اعلام خرجى اولان ايكيوز غروشك قرق غروش صورت وتبليغ خرجى ايله برابر حين اجرا ده تحصيل اولمق اوزره شمديكك تأجيله وماعدا زيرده مفرداتى مرقم اولوب ... طرفندن ويريلن اون يدى بحق غروش پول بهاسى و بش غروش خدمه اجرتى كه جمعا يكرمى ايكي بحق غروشده مع پول جواب لايحه سى قيديه سى اولمق اوزره تميز عليه طرفندن ويريلن يدى غروشك تأجيل اولنان مقدار ايله برابر ايلروده حقسز چيقه جق طرفه عائد اولمسنه ۱۵ مارت سنه ۳۲۷ تاريخنده اكثريتله قرار ويرلدى .

محكمة تميز خراج ارضى مرقومى

محكمة تميز جزا دائره سندن صادر اولان ۱۹ نيسان سنه ۳۲۷ تاريخي و ۵۷۲ نومرولى اعلام صورتيدر :

ا — بر شاهدك بولنديكى محل بمدا تحقيق استنابه صورتيله اعاده سنك احذندن ذهول وقوعى موجب نقضدر .

ب — مسموعا وفات ايدلمكندن دائر اولان طبيب راپورى استعلامات مستند اولوب قرح ميت عملياتى اجرا ايدلمش اولسنة مبنى طبيبك محكمه به جليليه بعدالتعريف ايضاحات لازمه فنيه اندقدن صوكره مقتولك سبب وفاتى حقنده كي راپور مندرجاتى وايضاحات تعيين معامله به كافى اولوب اولمايغنىك مرجعندن استفسار ايلتماسى مستلزم نقضدر .

ج — متهمك قاتل متعمد اولمق اوزره مجرميته قرار ويرلديكي حالده قانون جزائك [۱۷۴] نجى ماده سنك فقره ثابته سنده توفيقا تعيين جزاسى جهته كي داسى نقض حكمى مستلزمدر .

ماردين سنجانجى بدايت محكمه سى جزا دائره سندن صادر اولان ۹ ذى القعدة سنه ۳۲۸ و ۲۹ تشرين اول

سنة ۳۲۶ تاريخی و اوچيوز سگسان بر نومرولی اعلام ايله متفرقاتی باش مدعی عمومیلک مأموریت علیه سنک
۵ ربيع الآخر سنة ۳۲۹ و ۲۳ مارت سنة ۳۲۷ تاريخی و اوچيوز اوتوز اوچ نومرولی تبليغنامه سیله محکمه
تیمیز جزا دائره سنه اعطا قلمشدر.

اعلام مذکور خلاصه مالی : اوچيوز یکریمی بش سنه سی ایلولنده مدیات قضاسنه تابع استل قریه سی
اهالیسندن شیخوس بن علی اغاک تسمیماً قتل مده سندن دولای جنایتله اتهام ایدیلن مقتول مرتومک اوکی
برادری عثمان و عوجه سی محمود و محمودک زوجیه سی امینه ککفالتسز اوله رق سمیات فروخت ایتدیکندن ناشی
جنجه درجه سنده لزوم محاکمه سنه قرار ویریلن عطار دلیمی ايله برابر اجرا قلنان محاکمه علیه لری نتیجه سنده
بونردن عثمانک بالهور برادری شیخ موسی تسمیماً قتل ایلدیکی شهودک مع القسم واقع اولان شهاداتی و طیب
راپوری و ضبط ورقه سی مندرجاتی و سائر دلائل و امارات ايله ثابت اولدیغندن مجرمیتنه و حرکته توافق ایدن
قانون جزانک یوز یتیش دردنجی ماده سنه توفیقاً اعدامنه و دیگر لرینک برائتیه ۲۶ تشرین اول سنه ۳۲۶
تاریخنده حکم اولدیغندن عبارتدر.

بالجمله اوراک قرائت و مطالع سندن صوکره حکم جنائیدن دولای تدقیقات تمیزیه اجرا اولندوقده :
تبليغنامه ده دخی بیان اولدینی اوزره سلك عسکریده بولندینی خبر ویریلن علی بن مصطفانک بولندینی محل
بعد التحقیق استنباه صورتیه افاده سنک اخندن ذهول وقوعی و مسهوماً وفات ایلدیکنه دائر اولان طیب راپوری
استدلالاته مستند اولوب فتح میت عملیه سنک اجراسیله احشای بطنیه سنک علی الاصول کشف و معاینه ایدلمه مش
اولسنه بنی مقتول معاینه ایتیش اولان طیبک محکمه یه جلیله بعد التحلیف ایضاحات لازمه فیه آلدقدن صوکره
ضبطامه و راپور صورتلرینک لقیله مرقوم شیخ موسک سبب وفاتی حقه ده کی راپور مندرجاتی و محاکمه آلان
ایضاحات تعیین معاملیه کافی اولدیغنک مرجعندن استفسار اولماسی و علی الخصوص متهم مرقومک تعمداً فعل قتل
ایقاع ایتک جرمک مرتکبی اولق صورتیه مجرمیتنه قرار ویرلیدی حاله قانون جزانک یوز یتیش دردنجی
ماده سنک فقره ثانیه سنه توفیقاً تعیین جزاسی جهته کیدلسی مغایر قانون و مستلزم نقض اولدیغندن اصول محاکمات
جزائییه قانوننک اوچيوز اون دردنجی ماده سنه توفیقاً اعلام مذکورک بر موجب طلب نقضیه احکام قانونیه
د رهنه سنده ایضای معاملیه ایدلمک اوزره اوراقنک محله اعاده سنه و ایکی یوز غروش اعلام خرجینک ایلروده
حقتسز حقیقه جق طرفندن تحصیلنه ۱۰ نیشان سنه ۳۲۷ تاریخنده قرار ویرلیدی .

محکمه تیمیز جزا دائره سندن صادر اولان ۴ مایس سنه ۳۲۷ تاریخلی ۸۰۹ نومرولی اعلام صورتیدر :

۱ — برضابطه عدلیه مأمورینک بر جرم وقوع بولدیغنی استخبار ایتسی اوزرینه
حسب الوظیفه قانوناً اجراسنه مجبور بولندینی تحقیقات و جهته عدلیه یه وقوع بولان
اخبارندن دولای برکونه مؤاخذه و مسئولیتی لازم کله دیکی حاله بوکا افتراء معنای
ویریلرک اتهامه قرار ویراسی نقض حکمی مستلزمدر.

عدلیه نظارت جلیله سنک ۹ ربيع الآخر سنة ۳۲۹ و ۲۷ مارت سنه ۳۲۷ تاریخ و اون اتی نومرولی

امر تحریر سنه عطفاً باش مدعی عمومیلک مأموریت علیه سندن ۱۶ ربيع الآخر سنة ۳۲۹ و ۳ نیشان سنه ۳۲۷
تاریخ و بش یکریمی اوچ نومرولی تبليغنامه ايله متفرقاتی محکمه تیمیز جزا دائره سنه اعطا اولمشدر.

مذکور تبليغنامه نك خلاصه مندرجاتی افتراء مده سندن دولای مظنون علیه اولان الوجره قائم مقامی احمد
رشدی افندی حقه سیواس ولایتی هیئت اتهامیه سندن صادر اولان مضبطه نك مخالفت قانونیه سندن بختله
ولایت مذکوره استیناف محکمه سی مدعی عمومیه ایدیلندن کوندریلان اوراق تحقیقیه سی ماللرینه نظراً قضای
مذکور ناجی ابراهیم حقی افندینک خدمتجیسی مثال نام قزک نائب مومی ایه ايله زوجیه سی طرفندن
وقوع بولان ضرب و اشکنجه دن متأثراً وفات ایلدیکی حقه تنده وقوع بولان اخباره بناءً قائم مقام مومی ایه
طرفندن تحقیقات ابتدائییه بالا اجرا اوراقنک جهته عدلیه یه تودیع اولمسیله قضاء مذکور استنطاق
دائرة سنجه اجرا قلنان تحقیقات قانونیه نتیجه سنده مزبورده مثالک مبتلا اولدینی خسته لقدن رهایاب اوله میهرق
اجل موعودیه وفات ایدوب نائب مومی ایه ايله زوجیه سنک مزبورده ضرب و اشکنجه ایتدکلری حقه ده
برکونا دلیل و اخباره دسترس اولنه مدینی جهته هرایکسینک منع محاکمه لرینه قرار ویرلمسی اوزرینه نائب
ابراهیم اندی طرفندن قائم مقام مومی ایه علیه سندن افتراء دعواسی اقامه اوله رق مذکور ضرب و اشکنجه
ماده سنک ییلرنده کی خصومت شخصییه بناءً قائم مقام مومی ایه جانندن لغرض اسناد ایلدیکی کلاشیله بگندن بختله قانون
جزانک یوز یتیش بشنجی ماده سنه توفیقاً جنایتله اتهامه قرار ویرلیدی و طریق قانونیه سنه مراجعت ایدلماسندن ناشی
قرار مزبورک متهم و مدعی عمومی یه قارشو اکتساب قطعیت ایلدیکی منفهم اولمش و مذکور ضرب و اشکنجه
ماده سنی استخبار ایدن قائم مقام مومی الیهک ضابطه عدلیه مأموری صفیه تحقیقات ابتدائییه سنی بعد اجرا
اوراق مذکورده کی جهته عدلیه یه تودیع و مافوقنه علی القاعده بیان معلومات ایدرک بوبابده وظیفه قانونیه سنی
ایفا ایتدیکی و بوندن دولای برکونه مؤاخذه و مسئولیتی لازم کله دیکی حاله استنطاقاً منع محاکمه ایدلیدیکندن
بختله نائب مومی الیهک درمیان ایتدیکی خصومت مجرده یه عطفاً حسب الوظیفه قانوناً اجراسنه مجبور بولندینی
برتحقیقاته و جهته عدلیه یه وقوع بولان اخبار کیفیتیه افتراء معنای ویریلرک بوجه محرر اتهامه قرار ویرلمسی
یواسز و قانون مذکورک ایکی یوز اون اوچنجی ماده سنه کلیاً مخالف بولمش اولسنه بنی اصول محاکمات
جزائییه قانوننک اوچيوز قرق یدنجی ماده سی موجبیه قرار مذکورک نقضی طلب اولمشدر .

اوراق دعوی بعد المطالع تدقیقات تمیزیه اجرا اولندوقده تبليغنامه ده درمیان اولنان اعتراضات وارد و نقض
حکمی مستلزم اسباب قانونیه دن بولمش اولقله اصول محاکمات جزائییه قانوننک اوچيوز قرق یدنجی ماده سنه
توفیقاً قرار مذکورک بر موجب طلب نقضنه ۲۵ نیشان سنه ۳۲۷ تاریخنده متیقاً قرار ویرلیدی .

محکمه تمیز جزا دائره سندن صادر اولان ۴ - ایس سنه ۳۲۷ تاریخی و ۸۰۳ نومرولی اعلام صورتیدر :

۱ - مهم وکیلانک درمیان ایلدیکی مدافعانک مجرمیت قرارنده موضوع بحث ایدیلرک اسباب موجب رديه سنك كوسترامسی موجب نقضدر .

ب - کشفامده آخورک طواننده کی بالکیز برطرفدن چیولنمش اولان تحت چیقاریلرک آخوره کیرلیدیکی وسرقت ایلدیکی بیان ایدلسنه نظراً تعریفات قانونیه موافق اولوب اولمادیکی جهتنک نظر مطالعهیه آلهرق بیان رأی اولنسی لازمه دن ایکن بولازمه قانونیه رعایت اولنمسی مسازم نقضدر .

قره سی سنجانی بدایت محکمه سی جزا دائره سندن ، تنظیم واعطا قلنسان ۱۰ مارت سنه ۳۲۷ تاریخی و یوز قرق اوچ نومرولی اعلام ایله اوراق متفرعه سی باش مدعی عمومیلک مأموریت علیه سندن نقض طلبی حاوی ۱۵ ربیع الآخر سنه ۳۲۹ و ۲۰ نیشان سنه ۳۲۷ تاریخی و بشیوز اون اوچ نومرولی تبلیغنامه ایله محکمه تمیز جزا دائره سنه اعطا قلنمش در .

اعلام مذکورک خلاصه مالی اوچوز یکریمی بش سنه سی شباطی ظرفنده جتخور قریه سندن حاجی سلیمانک حیوان آخورینک طوانی دله رک غسالخانه دروننده وچکمیجه ایچروسنده بولنان معلوم المقدار تقویدی سرقت ایلدیکی ادعا قلنم سندن دولای جنایتله اتهام اولنان قرط ناحیه سنك تیور قیرقریه سندن چرکس عمر اوغلی عبده ویتاقلنده بولادیکی ادعا سندنشائی کذلک اتهام ایدیلان بغوص اوغلی خانجی کیرقورک اجرا قلنسان محاکمه علیه لری نتیجه سنده بولردن عبداللهک بوجه ادعا فعل سرقته جرأتی کندوسنك افادات متباینده بولنسی ومع القسم استماع اولنان شهودک شهاداتی وکشفنامه مندرجاتیه ثابت اولدیغندن مجرمیتنه وحرکتته تطابق ایدن قانون جزانک ایکی یوز یکرمنجی ماده سنه توفیقاً اوچ سنه مدته کورکه قونلنسنه و دیگرینک برائتته ۱ تشرین ثانی سنه ۳۲۶ تاریخنده حکم اولدیغندن عبارتدر .

محکوم علیه مرقوم طرفسندن وریلوب اوراق میاننده بولنان لایحه ده مدعینک افاداتی بیننده مبیانت کلیه اولدیغنه وعلیننده برکونه شهادت اولدیغنه و جرم ایله جزا بیننده نسبت عادلله کوزهدلدیکنه وسائریه دائر اعتراضات سردیله اعلامک نقضی استدعا قلنمشدر .

کافه اوراق دعوی بعدالمطالع حکم جنائیدن دولای تدقیقات تمیزیه اجرا اولندقدده تبلیغنامه ده دخی بیان اولدیغنی وجهله مهم وکیلانک درمیان ایلدیکی مدافعانک کافه سی مجرمیت قرارنده موضوع بحث ایدیلرک اسباب موجب رديه سنك كوسترامسی وکشفنامه ده آخورک طواننده برساتیم قالینده ویاالکیز برطرفدن چیولنمش اولان برتخته نك چیقارلق صورتیه آخوره کیریلرک اجرای سرقت ایلدیکی تصویر و بیان ایدلسنه نظراً کیفیت مذکورنك تعریفات قانونیه موافق اولوب اولمادیکی جهتنک نظر مطالعهیه آلهرق بیان رأی اولنسی لازمه دن ایکن بولازمه قانونیه ده رعایت اولمادیکی آکلاشلمش اصول مذکورده موجب نقض اسبابدن اولوب لایحه تمیزیه مندرجاتی بو طریقله وارد و بجا بولنش اولدیغندن اصول محاکمات جزائییه قانوننك اوچوز اون دردنجی ماده سنه توفیقاً حکم مذکورک نقضنه واحکام قانونیه دائره سنده ایفای معامله اولنلق اوزره اوراقک محله اعاده سنه وایکی یوز غروش اعلام خرجنک ایلروده حقسز چیقہ حق طرفدن تحصیلنه ۲۷ نیشان سنه ۳۲۷ تاریخنده قرار ویرلدی .

عدلیه نظارت جلیله سندن ویریلان امر اوزرینه تحت محاکمه یه آلنان مأمورین عدلیه حقنده

مرجع قانونیلرندن اتخاذ اولنوب نظارت مشارالیه اجه قبول ایدیلان مقررات

منع محاکمه

اخیراً وظیفه مأموریتی سوء استعمال ایلدیکی ادعاسیله تحت محاکمه یه آلنان ذیل قضاسی نأبی و بدایت محکمه سی رئیس احمد افندیکنک سیواس ولایتی هیئت اتهامیه سنجه منع محاکمه سنه دائر صادر اولان مضبوطنك موافق قانون بولنش اولدیغنی امور جزائییه جه بالتدقیق آکلاشلمشدر .

* *

منع محاکمه

مقدما خلاف اصول خانه دروننده تحریات اجرا ایلدکری ادعاسیله تحت محاکمه یه آلنان پتیرج قضاسی مدعی عمومی معاون سابق وادرمید جزارثیسی عزیمی و پتیرج مستنطقی رستم واعضادن ثریا و پولیس قومیسری تیورشاه افندیلرک سالانیک هیئت اتهامیه سنجه منع محاکمه لرینه دائر اولوب محندن ورود ایدن قرارک موافق قانون اولدیغنی امور جزائییه جه وقوعبولان تدقیقاتدن مستبان اولمشدر .

* *

منع محاکمه

مقدما اعلامات جزائییه یی مرور زمانه اوغراتمق و اصحاب مصالحه سوء معامله ایتک و جرائم مشهودیه کیشماک و عزیمت ایتدیکی جرائمندن فضله خرجراه آلق صورتیه وظیفه مأموریتی سوء استعمال ایتدکری ادعاسیله تحت محاکمه یه آلنان توقاد سنجانی مدعی عمومی معاونی حسن فهمی افندی ایله بلدییه طبیی آناستاش افندیلرک منع محاکمه لرینه دائر اولوب محندن ورود ایدن هیئت اتهامیه قرارینک موافق قانون اولدیغنی امور جزائییه جه بالتدقیق آکلاشلمشدر .

* *

منع محاکمه

اخیراً اخذ رشوت و خلاف قانون معامله ده بولندقلری ادعاسیله تحت محاکمه یه آلنان عکا قضاسی نأبی و بدایت محکمه سی رئیس فوزی وحیفه اجرا مأمورلغنه تعیین اولنان عکا اعضا ملازملرندن سعید افندیلرک تحقیقات اخیر اوزرینه موصی الیهانک منع محاکمه لرینه دائر بیروت هیئت اتهامیه سندن صادر اولان مضبوطنك موافق قانون اولدیغنی امور جزائییه جه بالتدقیق آکلاشلمشدر .

* *

منع محاکمه و لزوم محاکمه

اخیراً وظیفه مأموریتلری سوء استعمال ایلدکری ادعاسیله تحت محاکمه یه آلنان باب قضاسی بدایت محکمه سی اعضا سندن مستنطق محمد اغا و معاونی سامی و باش کاتب شفیق افندیلرک محلیجه اجرا قلنسان تحقیقات اخیر اوزرینه سامی و باش کاتب شفیق افندیلرک منع محاکمه لرینه و مستنطق محمد آغانک قانون جزانک

طقسان سکنزنجی ماده سنه موافق حرکتدن دولای لزوم محاکمه سنه قرار ویرلیدی باش کاتب شفیق افندیکن جواز استخدای حقنده ویردیکی استدعا اوزرینه محاکدن مرسل هیئت اتهامیه مضبطه سندن اکلاشلشدن ومضبطه مذکوره امور جزائیه جه بالتدقیق موافق قانون کورلشدن .

*
*
منع محاکمه

اخیراً وظیفه مأموریتلری سوء استعمال ایلدیکاری ادعاییه تحت محاکمه یه آلان کیوه قضاسی بدایت محکمه سی رئیس نشأت ومدعی عمومی معاونی فاضل افندیلرک منع محاکمه لرینه دائر درسعادت هیئت اتهامیه سندن صادر اولوب استیناف مدعی عمومیلکندن کوندریلان مضبطه امور جزائیه جه بالتدقیق موافق قانون کورلشدن .

*
*
منع محاکمه

مقدما قلعه سلطانیه ده بولندیغی صرعه ضربدن طولای مظارن مجلس باش کاتبی لطفی واورمان مفتشی صالح افندیلر حقنده تعقیبات قانونیه اجرا ایتیه رک وظیفه سی سوء استعمال ایتدیکی ادعاییه تحت محاکمه یه آلان قلعه سلطانیه مدعی عمومی معاون سابقی واسپارته مدعی عمومی معاون لاحق نشأت افندیکن تونیه ولایتی هیئت اتهامیه سنجه منع محاکمه سنه دائر ویریلان قرار امور جزائیه جه بالتدقیق موافق قانون کورلشدن .

*
*
برائت و محکومیت

اخیراً موقوفیندن النغو نامنده برقادینه حرف اندازلق و آشچی خزاروسی ضرب ایتدیکی ادعاییه تحت محاکمه یه آلان معلقه قضاسی مدعی عمومی معاونی کمال الدین افندیکن حرف اندازلقدن برائته و ضربدن دولای کندوسندن بر یحق لیرا آلهرق مضروبه اعطاسنه دائر بکفوز طانغی جزا محکمه سندن صادر اولان اعلام ایله اوراق متفرعه سنک تدقیقات مقتضیه سی اجرا اولهرق امر تحریر اعطاسنی موجب بر جهت کوریه مدیکی امور جزائیه جه بالتدقیق آکلاشلشدن .

*
*
برائت

مقدما فعل شنیع اجراسنه تصدی ایلدیکی ادعاییه تحت محاکمه یه آلان چینه قضاسی جزا ریشی شکری افندیکن برائته دائر آیدین سنجانی جزا محکمه سندن صادر اولان حکمک تدقیقات مقتضیه سی بالاجرا امر تحریری اعطاسنه محل کوریه مدیکی امور جزائیه جه بالتدقیق آکلاشلشدن .

*
*
منع محاکمه

اخذ رشوته وظیفه لرینی سوء استعمال ایتدیکاری ادعاییه مقدما تحت محاکمه یه آلان ایچایل سنجانی جزا ریشی عزت ومستنطق ثروت واعضاء متخبدن سعید وحاجی مصطفی ونواحات و نیقوس افندیلرک اخیراً وفات ایدن نواحات افندی حقنده کی حقوق عمومیه دعواسنک سقوطنه و دیگرلرینک منع محاکمه لرینه دائر اطنه هیئت اتهامیه سندن صادر اولوب محاکدن ارسال اولان مضبطه اوزرینه امر تحریری اعطاسنه محل کوریه مدیکی امور جزائیه جه وقوعبولان تدقیقاتدن مستبان اولشدن .

قانون غیر مجرمین

احکام غایبه

اصول محاکات جزائیه قانوننک (۲۷۹) نجی ماده سی موجبجه مواد جنائیه ده غایباً صادر اولان حکمک تمیزی مجرد باش مدعی عمومیلک مأموریتنه منحصر میدر ؟ استیناف محاکمی مدعی عمومیلرینک دخی بومثللو احواله تمیز دعوایه صلاحیت قانونیه لری وارمیدر ؟

بومثلله قانونیه برخیلی اختلافی داعی اولمشدر . واقعا ماده مبسوطه احکامنجه حکم غایبی علیهنده تمیز دعوی ایتک یالکیز باش مدعی عمومی یه و حقوق تخصیصه سندن طولای مدعی شخصی یه عائد و منحصر اولیور . محکوم علیه ایسه اثبات وجود ایتدیکی تقدیرده حکم غایبی کان لم یکن درجه سنده اوله جنی جهتله آنک تمیز دعوایه صلاحیتی یوقدر .

صراحت قانونیه استدلالاً باش مدعی عمومیدن ماعداسی حکم غایبی حقوق عمومیه جهتندن طولای تمیز ایدمه یه جکی بدیهی ایسه ده بعض افکار واقواله کوره احکام غایبیه نک محاکم متعلقه سی جانبندن مأموریت مشارالیه لای لزوم تبایغه دائر برقید قانونی موجود دکدر . مادام که جنایت محکمه لرندن لاحق اوله جق بومثللو مقررات غایبیه حقنده باش مدعی عمومیلک مأموریتنه معلومات اعطاسی ایچون برتدیر قانونی اتخاذ اولنمشدر . باخصوص احکام غایبیه نک حق تمیزی مأموریت مشارالیه انحصار ایتدیکی تقدیرده محکمه نک بعد مسافه سی نظر دفته آلنورسه (۲۲۳) نجی ماده قانونیه ده تعیین ایدیلان مدت ظرفنده باش مدعی عمومیلکک تمیز دعوی ایدمه یلمسنه بالفعل مانع ایکن بوبابده کی تمیز دعواسنک تابع اوله جنی قیود و شروطه دائر قانونده برصراحت کوریه میور .

بناءً علیه (۲۷۹) نجی ماده ده متهم حقنده غایباً لاحق اولان حکمک تمیز دعواسنی اقامه یه صلاحیتدار اولان باش مدعی عمومیدن مقصد قانونی محاکم استینافیه نزدنده مأمور اولان مدعی عمومیلردر . یوقسه محکمه تمیزه هانکی درجه ده بولان مدعی عمومینک مراجعت ایدمه یله جکی کیفیتی قرار واقعک صورت وجاهیه ویا غایبیه ده تلاحق اعتباریه تعیین ایدمه من .

ذاتاً بر محکمہ مک معاملات و مقرراتن طوغربدن طوغری یه خبردار اولان او محکمہ نزدنده کی مدعی عمومی طرفندن مغایر اصول و قانون کوریلان بالجله اعلاماتک طرق قانونیه به مراجعتله فسخ و نقضی طلب وادعا ایتک خصوصده اول امرده کندوسنک قانوناً وظیفه دار و مکلف طوتلی حقوق عمومی نیک تأمین محفوظیتنه معطوف اولان مقصد اصلی به ده موافق اولق اعتباریله لایذ دکلیدر ؟

بونک ایچون استیناف مدعی عمومیلرینک احکام غیایه علیه تمیز دعوان منوعیتلری قانوناً تجویز اولنمیز .

مطالعات مبسوطیه نظراً تشریحی صدندده بولندیغمیز (۳۷۹) نجی ماده قید صریحی اعتباریله ویریلان معناده اصابت کوریلهمیور . احکام غیایه فصل مخصوصنک معانی عمومیسی نظر تدقیقه نهرق بو صورتله تفسیر حکمی موافق قانون بولنیور دیورلر .

فی الحقیقه (۳۷۸) نجی مادهده متهم علیه تترتب ایدن حکم خلاصه سنک محتاجه صورت نشر واعلانی حقدده تمیز ایدیلان معاملاتک مواد اجراییدن بولندیغه نظراً بو مادهنک متندده محکمته استیناف مدعی عمومیسی دینه جک ایکن سهواً محکمته تمیز مدعی عمومیسی یازلینی کی (۳۷۹) نجی ماده قانونیهده دخی غیاباً صادر اولان حکمک تمیز دعواسی باش مدعی عمومیسیک عاڈ اولدینی کوسترلمش ایسهده بونکده استیناف مدعی عمومیسی اولق لازم کلور .

بوکا دائر وقتیه محکمته تمیزدن صادر اولان قرار اسباب آتییه مستند بولنش ایدی .

اصول محاکمات جزائییه قانوننک (۳۷۹) نجی ماده سننده غیاباً صادر اولان حکمک تمیز دعواسی مجرد باش مدعی عمومی طرفندن اقامه اولنور دییه مندرج بولنسنه نظراً اعلانات غیایه نیک باش مدعی عمومیسیکدن تمیزاً اعتراض وقوعبولمز ایسه بشقه صورتله تمیزی جائز اولهمیجنی اکلایشیلوب کرچه تبلیغنامهده قانون مذکورک مأخذ مترجی اولان فرانسه قانوننده حکم غیایله دائر اعتراضات تمیزی نیک دخی استیناف مدعی عمومیسینه عاڈ اوله جنی مصرح اولهرق ماده مذکورده بونک باش مدعی عمومی دیه ذکر اولنمی ترجمه سهوی دیمک اوله جنی وبوصورت ممالک محروسه عثمانیهده بولنان کافه محاکمکن صادر اولان احکام غیایه به باش مدعی عمومیسیکجه کسب وقوف ایتک ممکن اولمامسیله مؤید بولندیفی بیان اولنش وواقعا اعلامات جنائییه نیک رأساً ورسماً تمیزی حکم قانون اقتضاسندن بولنش ایسهده ماده مدوطهده کوریلان قید استثنائی اعلامات غیایه نیک رأساً تمیزی نیک مانع اولدیغندن مذکور اعلام غیایینک اوراق متفرعه سیله برابر اعاده سننه قرار ویرلشیدی .

محکمته تمیزک اجتہاد اخیری ایسه صراحت قانونیه به مستنداً جاری وبوبابده استیناف مدعی عمومیسینک حکم غیابی جنائی علیه تمیز دعوا به صلاحیتدار اولهمیجقلمری قاعده قانونیه سی مرعیدر . ماده مشروحه

حکمی غیاباً لاحق اولان برائت قرارینهده شامل اولورمی ؟ بومسئله قانونیه نیک تصویری بحثنه کانیجه جنائییه برمتهم قرارینک برائتی حقدده غیاباً ویریلان اعلام اصول محاکمه جیه کوریلان نواقص اوزرینه حکم واقع موافق قانون بولنمامسندن ناشی (۳۷۹) نجی ماده حکمنه استناداً باش مدعی عمومیسیکدن وقوع بولان طلبه مبنی (۳۱۴) نجی ماده موجبجه محکمته تمیزدن نقض واعاده ایدلدیکی حالدده متهمک محاکمه غیایه سی بالاجرا بودفعه محکومیتی جهتیه کیدلسه واخیراً دردست ایدلسه ، متهمک تسلیم نفس ایتش وماده قانونیه نیک مأموریت مشار لپایه بخش ایتدیکي حق تمیز جنایاتده غیاباً ویریلان حکم اعلاملرینه مخصوص ومنحصراً بولنش اولق وایکنجی حکم غیابی (۲۹۴) نجی و (۳۱۵) نجی مادهلر احکام صریحه سنه مخالف بولنق حسیله اولکی برائت مکنتسه قانونیه نیک ابقاسی وحکم غیابی اخیرک رفع والغاسی جائز اولهیلورمی ؟

(۳۱۵) نجی ماده اقتضاسنجه برائت حکمنه خلل کلامک قاعده قانونیه نیک احکام وجاییه وغیایهده مرعیتی بدیهی وشو حالده تمیزاً نقض واقعک هر حالده نفساً للقانون جریان طبیعی دکلیدر ؟

بناءً علیه (۳۷۹) نجی ماده موجبجه احکام جنائییه غیایهده باش مدعی عمومیسیک مأموریت علیه سنک تمیز دعوا به صلاحیت قانونیه سی علی العموم غیاباً صادر اولان حکملره شامل اولق حسیله غیابی برائت قرارینک استثناسی حقدده وارد اولهیله جک رأی ومطالعه مصیب کوریلهمیور .

متهمک اخیراً دردستی بحثنه کانیجه (۳۸۲) نجی ماده ایجابجه متهم ظائب کنیدیسی حکومته تسلیم ایتش اولور ویا خود حقدده ترتیب ایدن جزا مرور زمان ایله ساقط اولازدن اول دردست ایدیلور ایسه حکم غیابی طبیعی منفسخ اوله جنی کی (۳۷۱) نجی ماده اقتضاسنجه ویرلش اولان اخذوکرفت امرندن اعتباراً وقوعه کلان معاملات متعاقبه نیک بحق انفساخی بدیهیدر . شو حالده نقض واقع اوزرینه محکومیت اخیره غیایه نیک دخی متهمک حکومت محلییه تسلیم نفس ایتسیله مفسوخیتی ضروریدر .

محکمته تمیز اعضا ندن طلعت

قوانین اجراییه نیک مقایسه سی

بوعنوان تحتنده بحثی اوج قسمة آیریوروز . بریسی معاملات ایکنجیسی وسائط جبریّه اجراییادن اولان جزء اوچنچیسی حبسه دائره .

معاملات

۱ — اجرا اصطلاح عدلی ده : محکوم علیمک حکم حا که رضائی ویاخود قانوناً قبول اولنان وسائط جبرییه ایله جبری اطاعتی تحصیل ایلکدر .

محكوم عاينك تحصيل اطاعتی امرنده استعمال اولنان وسائط قانونیه دن ماله مراجعت قسمی دائماً مشمر وشخصه مراجعت جهتی بعضاً مشمر وبعضاً تحقق اعسار ايله محكوم بهك شخصه عائد ملازمت و تعقیباتی مكسر اولور .

اجرانك مستبان اولان اشبو رضائی و جبری قسملرینك شكل ابتدائیلری بالطبع مختلف و فقط حکم و نتیجه: ایکی شکلی متفق و متحددر .

۲ - اجرا مأمورلرینك اوصافی : اجرا مأموری ایفا ایتمکده اولدینی وظیفه نك درجه شموله نظراً مکتب حقوقدن مأذون و ولواجمالی اولسون اجرایی محول وظیفه سی اولان هر نوع محاکم اصول محاکمه اعلاماتك انواعه هر نوعك عائد اولدینی احکام مخصوصیه کوره شكل اجراییسنه واقف اولمی لازمدر . بولوم علمی دن بشقه اجرا مأمورلرنده فطری بعض خواصه دخی شدت لزوم واردر : اجرا مأموری جته فعال فکرأ جوال سوزی لهین و حائز تأثیر اولمی بر حالده که بو اوصافی حائز اولان اجرا مأمورینك دستور حرکتی هیچ برشیاتی صاندر مقسزین و الحاصل و سائط جبریه دن هیچ برنی استعمال ایلمکسزین منافع متضاده طرفینی تألیف و اصلاح ایتمی و وسائط جبریه قانونیه نك تأثیرینی طرفینه تفهیم و تلقین ايله اشبو وسائطه توسلی بر نتیجه اضطرار اوله رقی بیلملی در .

۳ - اجرا مأمورلرینك اجرای رضائی ده توسل ایده بيله جککاری وسائط اصلاحیه و تسهلیه : بر حکمك اجراسنه توسل اولنه جنی صروده اجرا مأموری تبلیغات تحریریه مضامین و تأثیراتی بالذات وبالواسطه حسن تلقین ايله طرفینی علی قدر الامکان محافظه منافی ايله برابر اجرای رضائی به ارضایه و استمهال وقوعنده محكوم لهك مساعدته امهالی استحصاله صرف مساعی ایتملدر اجرای رضائی به موفق اولنه مدینی و حجز امواله تشبث اولدینی صروده مال محجوزك حسب الحال صائلی مدیون حقنده ضررلی اولدینی اکلاییلور ایسه مدیونی مؤسسات مالیه دن و یا خود اشخاص دن ده موافق شرائطه استقراره سوق واسبابی ممکن اولدینی قدر تعریف و یا مال محجوزی ترهین و یا آخره کندی طرفندن صائلی چاره سنه توسل اولمسنی تکلیف ایتمک و توسل اولنان وسائط اجراییه حبسی منتج اولدینی صورتده مدیون صاحب کسب و صنعت ایسه اجرای صنعته سوق و مطلوبی تقاضیه ربط و تکفیل صورتیه تأمین ایتملریمک کبی وسائط تسویه کارانه به توسل ایلملدر .

۴ - اجرا مأمورینك تبلیغاتك سلامت جریاننه نظارتی : قانونك مکرر تبلیغات اصول و کفایتی قبول ایتمی مضامین تبلیغاتدن مبالغ علملرک بحق خبردار اولملری مقصدینه منی در حالبو که بو تبلیغات بعضاً خیاره کارانه اولدینی کبی بعضاً اهالینك سویه معارفلرینك دون اولمسنه منی تبلیغات تأثیراتی بحق تقدیره مقتدر اوله ماملرندن طولانی مطلوب و جبهله حائز تأثیر اوله من بوجهته محکومین چوق دفعه انجق ماللرینك اللرنندن نزعنده ایسه کسب اطلاع ایدر حالبو که محكوم عاينك جهلی تجاهیلی دخی اولمق محتمل اولمقله

تبلیغاتك تحت وسلامتی جهتی بشقه جه تدقیقاته و بعضاً محاکمه و بوسورتله معاملاتك تسلسلاتنه بادی اولمقده در معاملات اجراییه تصادف اولنان بو حادثاته قارشو برچاره تأمینیه به احتیاج واردر بو ایسه اجرا مأمورینك وظیفه تفیشنی بحق ایفا ایتملده تمامیه تأمین اولنه من بوجهته اعتراض وقوع بولمیان و محكوم علمك تبلیغاتدن اطلاع حصولنه قناعت حاصل اولمیان احوالده اجرا مأموری وسائط جبریه قانونیه تأثیراتی تلقین و بوسورتله رضائی جبری اجرانك حصولی تأمین ایتمک اوزره محكوم علیه جاب ایتمک صلاحیتی حائز اولمی در .

مجموعه

— ۲ —

حجز دینلرنجه حجزك رهن و بیع باوفا و حجز بینلرنده کی فرقندن بوراده بحث ایده جک دکلز هپ داینلر حقوقك و بناء علیه سر بستی تداولی مؤدی اولان (فرده دی) اعتبار مالی عمومینك وسائط تأمینیه سندن بولنان بد کور عقودانك شكل و درجه خدمتلی معلومدر : عنوان تحتده بوراده وسائط جبریه اجراییه دن اولان حجزك تأمین مقصده کفایت و عدم کفایتی مسکن شرعینك کیفیت استثنائی و مروهونه آخر طرفندن وضع ایدیلان حجزك درجه تأثیری و مدیونه بوباید ایدیلان مساعدتک حقوق متعارضه ايله وجه تألیفی موضوع بحث ایده جک در .

۱ - حجز تدبیر قانونیسی داینك حقوقی اعتبار مالی (فرده دی) عمومینك محفوظیتی کافل میدر ؟ بونی تعیین ایده بيلمک ایچون حجزك درجه شمول و تأثیراتی و حادثات اجراییه نك اشکال و انواعی تدقیق ایتمک لازمکلور حجز اجرایی ندر ؟ حجز اجرایی داینك مدیونك معین بر مالی اندن استیفای مطلوب ایتمک اوزره حبس و مدیونك اول معین مالی حقنده تصرف قولیسنی منع ایتمک در بو تعریف ايله معرف اولان حجز تدبیری یا نیکیز تبیین ایدیلان مالده داینه برحق حبس تأمین ایدر ایسه ده بوندیرک معین اولمیان امواله شمول و تأثیری اولدینی کبی تبیین ایدیلان مالده دخی دیگر اصحاب مطلوبك اشتراکانه مانع دکلدر حالبو که بویه بر اشتراك مواضعدن عاری اولسه مدیونك مالی متساوی ارباب حقوقه استحقاقلرینه کوره تقسیم نتیجه منی مؤدی اوله رقی محق در فقط عجباً بواشتراك دائماً بویه محق بر نتیجه انتاج ایدرمی حادثات اجراییه ده بویک اشتراکلر میاننده تلجیه مدیونك اقراری اوزرینه بعض اشتراك اقسامی ده بولور شو حالده دیمک که برمدیون معین بر مالنه حجز و نوعی اوزرینه اول مالی داینك دیننه حصر ایتمسندن تخایص ایتمک اوزره دیگر لرینه مواضعه اقرار دین ایدر و مقر لهلر استحصال ایده جککاری اعلام ايله حجزه اشتراك ایدرلر و بوسورتله داینك و اصل صاحب حقتك حقوقی اخلال ایدرلر بونك ضمننده بالطبع اعتبار عمومی ده خللدار اولور شو حالده بویک برچاره لازمدر . لکن بوبچاره نك قانون عمومیه مزه موافق اولمی شرطدر . قانون عمومیه مزه کی حجز فصلی و تدبیری ایسه بویک تمام برچاره قانونی در . چونکه حجز معین بر مالی داینك حقوقه قارشو حبس

ایتمکله برابر اول مالدہ فضلہ اولہرق تاریخ جردن اعتباراً مدیونک برده تصرف قوایسک تأییراتی دخی اسقاط ایدر. وشو واسطہ ایله داین تبیین ابتدکی مال حقندہ ہم حق حبسنی ہمدہ بونک تلجیہ و قوعی ملحوظ اقرارلریلہ تصرفاتی و حقوق داینہ ضرر ایقاعی منع ایش اولور. شو حالہ کورہ حجر و حجز بینندہ عموم و خصوص مطلق جاریدر بر حالہ کہ نرہ حجر وارددر. آندہ حجزدہ موجوددر. اما بالعکس نرہ حجر وارددر. آندہ حجر یوقدر. فقط مدیون صبی غیر ممیزکی ذاتاً محجور صفندن اولماقلہ بوجہر بنہ حکم حاکم محتاجدر. اما مجملہ مسطور اولدینی اوزرہ حجرک وضعندہ حضور خصم مشروط اولماسندہ ویا لکن خصمہ تبلیغ ایله اکتفا اولمسندہ حجر کی در. بوتقدیردہ صفت حاکمیتی حائز اولان اجرا رئیس عندالطالب حجر کی حضور خصم اولقسزین دین محکوم بہک ذمت مدیونہ ترتی حقندہ حاصل اولان علمہ مبنی مدیونی حجر ایدر. بو حجرک حاکم منفرد مسورتندہ تطبیقہ رخصت وریلہ بیلور و مدیونک بوتون اموالہ حجر وضعی اصول مقررہ دائرہ سندہ جریان ایدہ بیلور. بوصورتدہ بوقسم حجرک تأییراتی معین مالہ منحصر و بومال حقندہ مدیونک مواضع و قوعی ملحوظ اقرارلریلہ دانی اضرارہ هائل اولمقدہ مقصور قالور. مدیونک سائر اموالہ بوجہرک تأییراتی اولماز. برده حجر ایله برابر تطبیق اولنہ حق اولان بوجہرک تأییراتی مدیونک صرف اقرارینہ مستند وریلان حکملرہ و بو اقرارلہ ایقاعی قصد ایدیلان اضرار قسہ مقصوردر. یوقسہ محکوم بہ بدل استہلاک اولور ایسہ چونکہ استہلاکات محسوس اولوب احتمال تواضع اولمیسندن مدیونک وقوعبولان استہلاکاتدن طویلائی ثمنی ایله محکومیتی محجوز مالہ مؤثر اولدینی کی شہادت ایله مدیون متحجوز علیندہ لاحق اولان حکملرک دخی حجرہ تأییری وارددر.

مسکن شرعیٹک حجزدن استثنای — بوبادہ بحث ایتک ایستدیک زشی اثباتی تنقیدکل در بلکہ بونی تجیل ایله برابر بواسطتانی مدیونک وفاندن صکرہ ورثہ سندہ دخی تسمیل و توسیع در قانونلر بو استثنایک مدیونہ خاص و مقصور اولدینی صورتندہ وارد اولمشدر دیگر طرفدن متوفانک قضاء بونی تقسیم بین الورثہ بہ تقدم ایدر شو حالہ ورثہ مال انتقال ایتدیک جہتلہ مدیونک حیانتدہ سابق دن مصون اولان مسکنی دہ صاتیلہ کلکہ در کرچہ مدیون متوفانک ترہین ایتدیک مالدن حق غیر تعلق ایتدیک جہتلہ مہارف تجہیزینک دہ افرازی جائز اولیوب داینک مرہوندہ کی حق تجہیز ترتیبہ دہ تقدم ایتدیکہ ایسہ دہ برمدیون حیانتدہ ترہین ایتدیک مالہ اولان حق مالکیتی داینک استیفای مطلوبی متدارندہ اسقاط ایلمش دیمک اولغلہ مال مرہوندہ داینک تعلق ایدن حقوقہ اولیلہ قید ترہین دن عاری اولان مسکن شرعی دہ کی حقوقی غیرقابل قیاس در واقعا دنیادیکی کی حقوق ارثیہ یعنی تقسیم بین الورثہ ترتیبہ قضای دیوندن صکرہ اولوب قبل انتقاضی ورثہ مال انتقال ایتدہ مدیونک حیانتدہ صاتیلہ میان مسکن شرعیسی اساساً اصحاب مطلوبہ قارشولوق اولیوب شو حالہ مدیون متوفانک قضاء دیوندن اول ورثہ انتقال ایتیان مالی حیانتدہ تأمین دین ایدن مالی قسمندن اولوق ایله تقسیم ایدمک لازمکلور.

دین ایچون مدیونک حجری مسئلہ سندہ رضاسنہ باقلمیہرق عقاراتک بیعی جوازی امامین قولنہ مستند اولوب امام اعظم رحمۃ حضرتلرینک عقاراتک مدیون محجورک حیات و نمائندہ دخی صائلی جائز اولدینی حقندہ کی اجتہادندن بو مسئلہ دہ نامہ اوفق بر شکل استنباطہ مساعددر دینلمز ایسہ دہ طوعریسی مدیونک حیانتدہ تأمین دین ایتیان و داین ایچون حین عقد مداینہ دہ قارشولوق اتخاذا ایدیلان مسکن شرعیٹک مدیونک وفاتیلہ من حیث لایحتسب قارشولوق تشکیلی قبول ایله بوصورتلہ صائلسنہ جواز وریلسی حق و عدلہ مغایر کورلمکدہ و بوسائفہ ایله فکر بواسطتاتک ورثہ دخی تسمیلنہ یول آرمقدہ در. مسکن شرعی حقندہ اولان بو مطالعہ بی مدیونک حیانتدہ ایکن دینہ قارشولوق تشکیل ایتیان و حیات و صائلیک محافظہ سیچون مساعدات قانونیہ نوعندن ترک ایدیلان سائر اموالی حقندہ دخی ذکر و ایراد ایدہ بیلورز.

۳ — مرہونانہ آخر طرفدن وضع ایدیلان حجرک درجہ تأییری — : حادثات اجراییہ میانندہ تصادف اولنورکہ بعضاً مقدار دیندن ازید برمال بر معین مطلوبہ قارشو ترہین واول مال دینک استیفاسنہ قدر داین یدندہ حبس ایدیلیر. بو ترہین کیفیتی بعضاً جیدی اولور. فقط برمدیونک آخرہ ہزلہ اقرار دین ایتیمی کی بعضاً دخی دانی اضراراً مال قاجیرمق فیکریلہ مواضع اولور. برنجی صورتدہ مال مرہونک فضلہ سیلہ آخر برداینک عاجلاً استیفای حقوق ایتک ایستہ مسندہ داین اول یعنی مرتہن فقط ایکنجی صورتدہ حیالہ نک منع وقرعندہ ہم داین اخیر ہم اعتبار عمومی علاقہ دارد. بوجہتلہ شخص ثالث خصوصیلہ ترہین مادہ سی ایکنجی شق نوعندن ایسہ راہنک مقدار دینی مرتہنہ تأدیہ وفک رهن ایله آتی کندی دینسہ مقابل حجر واستیفای مطلوب ایتلیدر. فقط بواوا رمی شخص ثالث حقوقی بونی مقتضی ایسہ دہ مال مرہوندہ داینک ذاتاً و آخر صورتلہ حق تعلق ایتدیک و بوتعلق امرندہ بالطبع اعتبار عمومی دہ علاقہ دار بولندینی جہتلہ بوصرتلہ حق غیرک تعلق ایسہ اول اقتضایہ مانعدر.

بو مسئلہ دہ ارہنہ حق شیئی اولا بر شخص ثالث راہن و مرتہن بینندہ کی عقدہ مداخلہ وراہنک دینی مرتہنہ تأدیہ ایله فسخ رهن ایدہ بیلورمی ؟ ثانیاً عقد رهن دہ دین مؤجل و ثائقہ مربوط اولدینی صورتدہ شخص ثالث بویلہ بر عقد نظامی مرتہنہ راہنک دینی تأدیہ صورتیلہ فسخ و برطرف ایدہ بیلورمی ؟ برنجی مسئلہ حقندہ دیہ بیلورز کہ رهنک حکمی استیفای مطلوبہ قدر حبس دائمدر. مرتہن ایچون بوحق قبول اولمشدر. بناء علیہ راہن تأدیہ دین و یا خود راہنک سائر داینلری استیفای حق ایتک ایچون مال مرہونی صائق اوزرہ طلب ایلدکلرندہ مرتہنک رهنی تسلیمہ مجبوریت شرعیہ بی یوقدر. شخص ثالث راہنک دینی تأدیہ و مال مرہونی تخلیص ایله حقوقہ قارشولوق اتخاذا ایدہ بیلمسنہ کانجہ اودہ بوتأدیہ یا راہن طرفندن بالامر اولور ویا بالامر اولور. بالامر اولور ایسہ بوتأدیہ راہن طرفندن تأدیہ دیمک در بالامر ایسہ تبرعدر. بوکادہ جوق دفعہ امکان تصور اولنہ باز. اما شاذ اولہرق اوفق بر مبلغہ حبس ایدیلان مال مرہونی تخلیص ایله شخص ثالث تأمین ایدہ کی حقوق احتمالکہ اولیلہ بر فداکارانی اختیارہ سوق ایدر

فقط بونادر در نادرده معدوم کی در مع هذا شخص ثالث مال مرهونك تخلیصه بوصورتده ارائه اولنه حق جواز بویه قبود تبرع تحتنده اوله بیلور بو جمله ایله برابر راهن و مرتهن بیننده مؤجل بر دینه قارشو ترهین ایدیلان بر مالک قبل حلول الاجل عاقیدنك رضالری انضمام ایتکسزین بر شخص ثالث بروجه محرر راهنك دینی تأدیه ایله فسخ رهین و تخلیص مرهون ایدیه بیلمسی صلاحیتی جای نظردر . ایکنجی مسئله که دین مؤجل وفایض نظامیه مربوط اولدینی صو تده رهنگ حکمی مال مرهونده آندن استیفای دین اولنجهیه قدر مرتهنك یا لکنز حق حبسندن عبارت اولوب بلکه حلول اجله قدر مشروط اولان نمائک یعنی تمامی نفعی ده متضمن در که بونك اخلاقی اقتصادیاتک وسائط حصول و تأمین اولان رهن کی بواسطه متداوله نك انعدامی موجب در . بو ایسه اعتبار عمومی به دخی حائر تأثیر اولور تجویز اولنه ماز . بوجهته اشخاص ثالثیه بویه بر صلاحیت بخشی فائده سی ضررینه تقابل ایدهن بلکه اشخاص ثالثیه بویه بر حق و صلاحیت بخش ایتک دیگر یوله مواضعه لره میدان آچار . فقط زراعت باقندری کی بر ملکیتده موجود اولان مؤسسات نفعه فائض دن انتفاع ایتک اوزره تأسس ایتش اولمادقلری جهته بومثللو مؤسساته ترهین اولان عقرانك رهیتی اشخاص ثالثه و خارجه طرفدن راهنك دینی تأدیه ایله فک رهن اولفق صلاحیتی بخش اولنسنده محذور یوقدر .

(مابندی وار) محکمه استیناف اعراضندن

طلعت

اجانبك ممالك عثمانیه ده حائر بولندقلری امتیازات عدلیه

(مابعد)

محاکمته سرعت و امراجراده سهولت موجود اولسنه نظراً ، بو اصول اولکی اصوله هر حالده مرجع اولمقه برابر برطاقم محاذیردن ده خالی دکلدر ، از جمله ، انکلز قونسولاتومی مستثنا اولق اوزره ، اکثر قونسولاتولر دعوی مقابله یی قبول ایتبورلر ، برده اجرای موقله محکوم اولان مدعی علیه حکم اعلام تنفیذ ایلدکن صوکره استینافاً دعوی قازانیرسه فضولی کندیندن تحصیل ایدیلان محکوم بهك اعاده یی طلب ایچون مدعینك محکمه سینه مراجعه مجبور اولوب حالبوکه مدعینك منسوب بولندینی قونسولاتو محکمه سنك اصول و قوانینی کندی دعواننده تطبیق ایدیلان اصول و قوانینك عینی اولماسندن نتیجه ده طاب واقعنگ ردیله متضرر اولسی احتمالی حصوله کله بیلیر .

بو ایکنجی اصول اقتضاسنجه مختلف تابعیتده بولنان ایکی اجنبی اره سنده کی دعوی حق و قیوه و تجاریه نك مرجع رفیقی مدعی علیه نك قونسولاتو محکمه سی اولق اوزره تعیین ایلدکن ، شاید مدعی کندی قونسولاتوسنه مراجعت

ایدرسه شومراجعت اوقونسولاتوجه قبول ایدلامکده و چونکه کندینسی بوبابده وظیفه دار عد ایلامکده در ؛ یالکنز انکلز قونسولاتوسی بویه بر مسئله قارشوسنده کندینسی وظیفه دار عد و دعوی قبول ایدیور .

مختلف تابعیتده بولنان اجانب بیننده کی دعوی اره سنه در دینی قونسولاتو ره تطبیق قنانه قوانین — بوقیل دعایده ، پایدی به دوروزاسك [۱] قولنجه ، مدعی علیه منسوب بولندینی دولت قوانینی تطبیق ایدلمك اساسدر . مع ذلك بوبابده حقوق خصوصیه دول قواعدی ده نظر دقتدن دور طوتیه ماز ؛ شویه که :

۱ — مدعی ایله مدعی علیه هر برینك کبیر majeur و صغیر mineur و صغیر مأذون mineur emancipé و اولاد مشروع enfant légitime اولق کی احوال مختلفه قانونیه état لری و اهلیت لری capacité بونلرک منسوب بولندقلری دولتر قوانینی ایله تعیین ایدر .

۲ — عقود اشکال و مراسم خارجیه سنده locus regit actum قاعده سنه توفیقاً محل عقد قانونی معتبر طوتیلور .

۳ — مقالونك تفسیر احکامنده بالرضا اختیار ایده جکلری قانون معتبردر .
۴ — قونسولاتونك بولندینی محله جاری اولان عرف و تأملده نظر اعتباره النور ؛ شو قدر که بوعرف و عادت قونسولاتونك منسوب بولندینی دولتك منافع سیاسیه و یا اقتصادیه نقطه سنندن انضباط عمومی به متاثر قانونلری احکامنه مغایر اولماملیدر .

ایشته مختلف دولتر تبعه سی اره سنده متکون اختلافات دولابیسيله مدعی علیه منسوب بولندینی دولت قونسولاتوسنجه تطبیق قنانه حق قوانین حقنده ، نظری اوله رق ، شواساس وضع و بویه بر دعوان دولابی فرانسه قونسولاتوسنجه بو اصوله توفیق معامله ایدلمکده بولندینی علاوه ایلدکن صوکره بعض دولترک بوبابده کی احکام موضوعه لرندن ده بحث ایدلم :

اوستریا دولتنك ۱۸۵۵ سنه سنده نشر ایتدیکی امرنامه نك طقوزنجی ماده سی ایجابجه ، بعض مسائل مستثنا اولق اوزره ، براوستریالی ایله دیگر برانجی اره سنده متکون اختلاف اوستریا قوانیننه توفیقاً حل ایدیلور . مع ذلك اوستریا قانون مدینسنك اوتوز برنجی ماده سنه نظراً ممالك اجنبیه ده بر اوستریالی ایله دیگر برانجی بیننده عقد و تنظیم قلنان مقالوله نك تفسیری امرنده خلافه بر صراحت اولمادقجه ، محلی قانونی تطبیق ایدلمك ایجاب ایلر .

یونان قونسولاتوسنجه قانوننك ۱۲۹ نجی ماده سنه کرده برانجی ایله بر یونانی اره سنده متحدث دعواده یونان قونسولاتوسنجه مابه التطبيق اوله حق قانون ، اگر عرف و عادت و معاهدات مانع دکلسه ، یونان قانونلریدر .

[۱] مؤلف مویالیک Le régime des capitulations dans l'Empire Ottoman عنوانی اثرینك ۴۰۷ - ۴۰۸ نجی صفحه لرینه مراجعت اوله !

شوقدر که ۱۸۵۶ تاریخی قانونک التبعی ماده سی موجباً بر مقاوله نامه نك تفسيری خصوصاً محل عقد قانونی نظر دقته التمس اقتضا ایدر .

ایتالیا قانون مدیسنک طقوزنجی ماده سی مفادی دخی بر ایتالیالی ایله دیگر بر اجنبی ارسندده منعقد مقاوله دولایسیله ظهوره کلان اختلافک حلی امرنده ، عکسی مشروط بولنماق قیدیله ، lex loci actus قاعده سنه توفیقاً محل عقد قانونسک معتبر اولهجنی مرکزنده در . بنابرین ممالک عثمانیه تنظیم ایدیلان بر مقاوله دن دولای بوراده بر انکلیز طرفندن بر ایتالیان علیه اقامه ایدیلجک دعواده ، مقاوله نك اساسی fond و انک اوزرینه ترتب ایدن اثر effet اعتباریله ، ایتالیا قونسولاتو محکمه سنجه دولت عثمانیه قانونلری تطبیق ایدیلجک دیمک اولور .

المانیا قانونلرنده بر المانیالی ایله بر اجنبی ارسندده متکون اختلافده مابه التطبیق اولهجنی احکامه دائر بر صراحت کوریه مامکده در . فقط المانیا ارباب حقوقی مختلف تابعیتده بولنان ایکی کیمسه نك عقد ایتدیکی مقاولانک تفسیر احکامی امرنده ایکی اساس انتخاب و قبول ایدیورلر : بری ساوینی نك مسلیکیدر که عقد نرده اجرا اولنه جقسسه اورانک قانونی تطبیق اولور ؛ دیگرى موسیو دی بارک قاعده سیدر که بر مقاوله نك احکامی تفسیر خصوصاً مدعی علیه اقامتکاهی قانونی مابه التطبیق اتخاذ ایدیلور .

فقط لایپزیغ محکمه استینافندن ۱۹۰۶ تاریخنده اعطا قلنان بر قرارده ، مدعینک مدعی علیه اولان المانیالینک منسوب بولندینی قونسولاتو محکمه سنه مراجعت ایتسنه کوره مدعی علیه اجزاسندن بولندینی دولت قانونسک کندی حقنده تطبیقی قبول ایتش اولهجنی موضوع بحث ایدلمش و بوده اوچنبی بر اجتهاد اولهرق تالییه سزا کورلمشدر . [۱]

مبحث رابع

ممالک عثمانیه وفات ایتسه اولاره بر اجنبی ترکمه نك تحریر و تقسیمه دیل وراثت ایدر
اجنبی ترکمه وضع یره صلاحیتدار اولاره مقام

نص عهد — عهد قدیمه نك اجانبه بخش ایتدیکی امتیاز موجباً ممالک عثمانیه وفات ایدن اجنبیلرک اموال منقوله متروکسنه حکومت محایه مداخله ایتز ؛ بوکی ترکلر قونسولسلر طرفندن تحریر و بین الورثه تقسیم قانون ؛ و بلا وارث وفات ایدن اجنبینک بومثللو ترکمه سی بیت المال طرفندن ضبط اولمیوب متوفانک

[۱] مختلف تابعیتده بولنان ایکی کیمسه ارسندده منعقد مقاوله نامه نك تفسیری امرنده هانکی قانون تطبیق ایدیلجکجه دائر F. Surville et F. Arthuys طرفلندن مشترکاً تألیف قلنان حقوق خصوصیه دول Droit international privé ک صوک طبعنک ۳۰۵ - ۳۰۸ نجی صحیفه لرنده ایضاحات کافیه موجوددر .

تابع اولدینی دولتک قوانینی احکامنجه اقتضا ایدن محله تسلیم ایدیلور . چونکه فرانسه ایله منعقد ۱۰۸۴ (۱۶۷۳ م) و ۱۱۵۳ (۱۷۴۰ م) قاپیتولاسیونلرینک [۱] بر فقره سنده « واکر (فرانچهلودن بری) مرد اولسه اثواب و امواله کسنه دخل ایتسه ، کیمه وصیت ایدر ایسه اکا ویریه ؛ اگر وصیتسز مرد اولور ایسه قونسولسلری معرفتیه اول یرلو یولداشنه ویریه ، بیت المالچیلر و قساملر دخل ایلیه » و ۱۰۸۶ سنه سنده [۲] انکلتیره ویریلان عهد نامه نك بر فقره سنده « و انکلتیره واکا تابع اولان یرلردن و بایراغی آلتده یوریلانلردن بریسی ممالک محروسده مرد اولدقده باقی قلان اموال و ارزاقه بیت المالچیلر و سایر حکام مال غائبدر دیو قبض و دخل و تعرض ایتمیوب هر قننی انکلتیره لویه وصیت ایدر سه اکا ویریه ؛ وصیتسز مرد اولور ایسه قونسولسلری ویا انده بولنان اول یرلو یولداشلیته ویریه ؛ اگر اول محله قونسولسلری ویا یرلو یولداشلیری بولنماز ایسه قاضی طرفندن قبض و ضبط اولنوب بعده انکلتیره ایلچیلری کیمی نصب و تعیین وارسال ایدرلر ایسه حمله اکا تسلیم اولنه » و ۱۱۳۰ (۱۷۱۸ م) سنه سی سلطان احمد ثالث زماننده اوستریا ایله منعقد پساروفجه معاهده نامه نك بشنچی ماده سنک بر فقره سنده « و ممالک محروسه مک هر نه تخلنده چاساره تابع تجارتدن بری مرد اولور ایسه انک اموال و اشیا سنه و جهاً من الوجوه دخل و تعرض و وضع ید ایله مصادره اولنمایوب طرفلندن قبضه مأمور اولانلره ضبط ایتدیریه [۳] » و ۱۱۷۴ (۱۷۶۱ م) سنه سنده پروسیا دولتیله عقد اولنان معاهده نامه نك التبعی ماده سنک بر فقره سنده « و پروسیالودن و تابعلردن ممالک محروسده بر کسنه فوت اولدقده خلفاتی ورثه لرینه تسلیم ایلک اوزره پروسیا ایلچیلی ویا خود قونسولسلری ضبط و بولنلردن بری بولنمادینی حالده شریکی قبض ایلیم حکام و ضابطان طرفلندن مداخله اولنیه ؛ و فوت اولدینی محله پروسیالودن بر کسنه بولنمادینده خلفاتی تحریر و سنداتنی اول محک حاکمی طرفندن مهر لنوب حفظ و پروسیا ایلچیسندن قبضه مأمور اوارانیه تسلیم اولنوب رسم قسمت

[۱] بواکی قاپیتولاسیوندن اولکیسی بزده سلطان محمد رابع آوان سلطنت و کوپرلی زاده فاضل احمد پاشا زمان صدارته و فرانسه ایسه اون دردنجی لوتینک همکام حکومتنه وایکنجیسی سلطان محمود خان اول ایله اون بشنچی لوتی آوان سلطنتلرینه مصادفدر .

[۲] سلطان ابراهیم زمان حکومتنه تصادف ایدیور .

[۳] مذکور عهد نامه نك التبعی ماده سنک فقره اخیره سنده دخی « دولت علیه تجارتیک بریسی ممالک چاساریده وفات ایلکده اموال و اشیا سنه تعرض اولنمایوب بیت المالنی دولت علیه طرفندن تعیین اولنان شاه بندر ضبط ایلیه » دینلمسنه نظراً ترکمه نك تحریر و تقسیم حقنده قونسولسلره بخش ایدیلان صلاحیتک متقابل بولندینی صراحة مستفاد اولور ؛ شوقدر که اوستریا حکومتی شوامتازدن اونه دنبرو فعلاً مسنقید اولدینی حالده بزم اوراده بولنان سفرا و قونسولسلر نك کندی اهلرنده کی برحق و صلاحیتی بتمامها استعمال ایتاملری حسبیه بوکون فعلیات و تطبیقاتده بوراده بولنان اوستریا قونسولسلریله بزم اوستریاده بولنان شهیندرلر نك ترکه خصوصاً تنده ایفا ایدجکاری معاملات متقابل و متساوی برماهیتی حائز دکلدر .

طلب اولنيه [۱] و ۱۱۹۷ سنه سنده روسيه ايله منعقد تجارت معاهده نامه سنك سكزنجي ماده سنك صوك فقره سنده « روسيه رعایانندن بری مرد اولدقده اموال و اشیای هیچ برکسنه مداخله به جسارت ایتکسزین و صیلرینه تسلیم واکر و صیسز مرد اولور ایسه متروکاتی روسیه قونسولونك و ساطیله همشهریلرینه امانه ویریلوب بو باده قساملر ویت الما جیلر بردرلو مخالفت ویر وجهله مداخله ایلر » و ۱۲۳۹ سنه سنده ساردنیا - یعنی شیمدیکی ایتالیا [۲] دولتیله عقد اولنان معاهده نامه نك یدنجی ماده سنده « ساردنیا تبعه سندن بری ممالك محروسه ده اثنای اقامتده هالك اولدقده ترکه - نی ورثه سی طرفه ایصال ایتک اوزره اول محله بولنان قونسولوس اخذ و قونسولوس بولنادینی حالد حاکم بلده طرفدن ترکه مزوره تحریر ویر قطعه ممضی دفتر ايله جمله اشیا ی متروکه قریب محله مقیم قونسولوسنه ارسال اولنه ؛ و ساردنیا ممالکده بولنان دولت علیه تبعه ورعایسی حقنده دخی بعینه اول وجهله اجرا قله [۳] دیو محرر و سائر قایتولاسیونلردهده بوقیل صراحتلر موجود بولنسی ممالك عثمانیه ده وفات ایدن اجانبك منقولانه متعلق ترکه سندن دولای قونسولوسلره قطعی برحق بخش ایتکده در . اما قایتولاسیونلرک زمان اعطاسنده اجانب ممالك عثمانیه ده اموال غیر منقوله تصرفدن ممنوع و ۷ صفر سنه ۱۲۸۴ تاریخی استملاك املاك نظامنامه سندهده املاکدن دولای اجانب حقنده تبعه مثللو معامله ایدیلر چکی مصرح بولنسی جهتیله ترکه حقنده قونسولوسلرک حائر بولندقلری مساعدات متوفانك اموال غیر منقوله سنه متعددی و شامل اوله ماز .

ایشته قایتولاسیونلر ایجابجه ممالك عثمانیه ده وفات ایدن اجنبینك اموال منقوله سنه یا بالذات ویا وصی معرفتیله قونسولوس وضع ید ایدر ؛ ترکه نی تحریر و مزایده و متوفانك دیوننی تسویه و مطلوباتی تحصیل و متبایقینی بین الورثه تقسیم ایلر ؛ اکر متوفانك وصیتنامه سی وار ایسه انی انفاذ ایدر . اکر وارثی ویا موصی الهی

[۱] مذکور عهدنامه نك یدنجی ماده سنده « بالاده مذکور دوستلق و تجارتی حاویه مواد طرفندن امضا اولدقندن صوکره خلافه وضع و حرکت جواز ویریلوب کاینی مصری و معتبر طوتیله ؛ و مواد مذکور قرال مشارالیهك تجاری ورعایسی حقنده جاری اولدینی کی دوات علیه تجاری ورعایسی و تابعلری حقندنه دخی جاری اوله « دینلمسنه نظرآ ، بزمده پروسیاده امتیازات مهمه مز واز جمله شهیدلرلرین معرفتیله تبعه منرك ترکه - سی تحریر و تقسیم حقه و اولق ایجاب ایدر . کذلک ۱۲۵۹ پورتکین قایتولاسیونك ۷ نجی ماده سی دخی برحق طرفین قونسولوسلرینه مقابلاً بخش ایتکده در .

[۲] معلومدرکه وندیک ، طوسفانا ، سچلیتین کی ایتالیاده حکمران بولنان دول قدیمه نك دولت عثمانیه ايله عقد ایتدکلری معاهداته شمدیکی ایتالیا حکومتی وارث اولمشدر ؛ ساردنیا دولتی ده بولندون بری و صوکره حکمداری و یقوتور امانوئل ايله باش وکیلی قونت قاوور ۱۸۶۰ سنه سنده حصول یافته اولان ایتالیا اتحادینک پیشواسیدر .

[۳] سچلیتین قایتولاسیوننده « وفات ایدن محله قونسولوس و شریکلری بولنادینی حالد اول محکم قاضیسی برنجه شرع شریف خلفاتی دفتر ایدوب بر محله وضع و حفظ ایدوب رسم قسمت اداسیله در دولته تمین اولنان ادمه بلاهانه دفع و تسلیم ایلر » دینلمسنه کوره بر ایتالیان ترکه سندن رسم قسمت استیفاسنه محاکم شرعیه نك صلاحیتی مستفاد اولنده ایسه ده وندیک و طوسفانا و ساردنیا قایتولاسیونلرنده بوجهت مصرح اولمادیقندن وبالطبع درت دولت قایتولاسیونندن استفاده ایدن بر دولت کندیوسنه اک نافع برحق تأمین ایلان قایتولاسیوندن استفاده فی ترجیح ایلر چکندن ، شوقره نك حکمنی لغو عد ایتک ایجاب ایلر .

اولقسزین وفات ایلر سه ترکه سی بیت الماله عائد اولمایوب منسوب بولندینی دولت قوانیننه توفیقاً قونسولاتو طرفدن ضبط و اصول موضوعه لری دائره سنده تصرف ایدیلور .

اموال منقولیه متعلق وراثت . — ممالك عثمانیه ده بلاوصیت وفات ایدن بر اجنبینك اموال منقوله سی ، اولجدهه بیان ایدلیدی وجهله ، انك منسوب اولدینی دولت قونسولاتوسی معرفتیله تحریر و تقسیم و ترکه یه متعلق معاملات علی وجه الاستقلال تسویه و تنظیم قنور ؛ حکومت محلیه نك بو باده بر کونا مداخله سی مسبوق اولماز .

مع ذلک بوراده بعض مسائل تحت ایده یلور . از جمله متوفای اجنبینك ترکه سنده بر عثمانینك اله جنی اولسه داین بالطبع اول امر د قونسولاتویه مراجعت و حقنی طلب ایدر ؛ قونسولاتوجه مطلوبی مثبت کوریلور سه وصی ترکه curator معرفتیله تسویه اولور . اما اومطلوبی قونسولاتو تسویه دن امتناع ایتدیکی تقدیرده شخص ثالث اولان بو عثمانی عیاً زدهه اقامه دعوی واستحصال حق ایده چکی مسئله سی تحت ایلر . اوللری اجانب بویه بر دعوانی وراثت مسئله سنك متفرعاتندن عد و بالنتیجه قونسولاتو محکمه سنجه حل و فصلی ایجاب ایلر چکنی ادعا ایتمشلر ایسه ده الحاله هده بوقیل دعاوینك رؤیتی محاکم مختلطه عثمانیه عائد بولنه جنی زمیننده حل مسئله ایدلمشدر . واقعا ده بو ، ترکه نك اجنبی عدی ضروری اولان شخصیت معنویه یله بر عثمانی اره سنده ظهوره کیش بر اختلافدن باشقه برشی دکدر ؛ بونک مرجع رؤیتی ده بالطبع مختلط عثمانی محکمه لریدر . بنابرین بویه بر حاله محاکم مختلطه یه مراجعتله لهنه بر حکم استحصال ایتدکدن صکره اولباده کی اعلامی قونسولاتو به کتورر ، اورا جدهه ارتق مطلبی تسویه قنور .

بر عثمانینك متوفای اجنبی نزدنده بر ودیعه سی بولندینی تقدیردهده جریان ایده چک معامله بومرکزده در - یعنی بویه بر ودیعه نك ترکه میاننده ظهوری ویا آنک مدعی یه عائدیتی تسلیم و قبول ایدلیه چک اولور سه محاکم مختلطه عثمانیه یه مراجعتله اول امرده ترکه علینده بر حکم استحصال ایتک و بوباده کی اعلامی قونسولاتویه بالا براز انفاذ ایتدیرمک مقتضیدر . کذلک بر عثمانینك متوفای اجنبی نزدنده بولنان رهنی بعدایف الدین کندیسنه اعاده ایدلمز سه محاکم مختلطه عثمانیه ده وصی ترکه مواجهه سنده ترکه نك شخصیت معنویه سی علیه اقامه دعوی واستحصال حکم ایتدکدن صوکره بو خصوص حقنده صدور ایدن اعلامی قونسولاتوجه انفاذ ایتدیرمک ایجاب ایلر .

شوراسی شایان دقتدرکه بودعوالر ترکه نك شخصیت معنویه سی علیه متوجه بولندیقندن ، متوفانك وارثلرندن بعضیسی تبعه عثمانیه دن بیله اولسه ینه ترکه اجنبی ودعوا ده بر عثمانی ايله بر اجنبی اره سنده واقع عداوونور . کرچه بر شرکتک شرکاسندن قسم اعظمی اجنبی فقط بریسی عثمانی اولدینی تقدیرده او شرکتی عثمانی عد ایتدیگمزه قیاساً بیلرند بر شرکت ملک موجود بولنان وارثلرک هیأت مجموعه سی ایچلرندن بریسی عثمانی

اولديغندن دولاي عثمانلي فرض ايتك عقله ملايم دوشرسوده ، وراثته خلقيت اساس ومبدل منه ايسه اجنبي بولمق حسييله انك بدل وخلفلري اولان وارثلرك هيات عموميه سني اجنبي تلقى ايتك ايجاب ايلر .

شخص ثالث اولان برعثمانلي طرفندن متوفاي اجنيك ينه اجنبي اولان ورثه سي عاينه تركه دن دولاي محاكم مختلطه عثمانيه ده اقامه قلنان بر دعوانك انساى تدقيقنده ورثه نك احوال شخصيه قانونيه سنه متعلق بر مسئله question d'état تحث ايتدكه بونك عايد بولديني قونسولاتو محكمه سنجه حل وفصلي مقتضى بر مسئله مستأخره تشكيل ايدجكني قبول ايتك موافق اولور .

ممالك عثمانيه ده وفات ايدن بر اجنيك وارثلرندن بعضيسي اجنبي وبعضيسي عثمانلي اولوبده عثمانلي وارثلر اجنبي وارثلرك نسبني وحق وراثتي منكر بولندقلري صورتده بوجهت بالطبع قونسولاتو محكمه سنجه حل وفصل ايتك اقتضا ايدر ؛ اما عكس تقديرده يعني اجنبي وارثلر عثمانلي وارثلرك نسبني وارثه استحقاقني انكار ايلديكلري صورتده بو اختلاف محكمه شرعيه جه حسم وفصلي مقتضى بر مسئله مستأخره تشكيل ايلر .

اموال غير منقوليه متعاقب وراثت — ممالك عثمانيه اجانبك متصرف بولندقلري اموال غير منقوليه ملك ، وقف و اراضي اميريه اولق اوزره اوچ نوعه انحصار ايدر . بولردن نوع اولك يعني املاك صرفه نك صورت توارث وتقسيمي امرنده قوانين عثمانيه نك تطبيق اولنه جني شهبه دن ازاده در . كره مقدمه بعض قونسولاتولر متوفانك املاك صرفه سي تركه سنه داخلدر ديرك انك توارث وتقسيمي كندى قانونلرينه تطبيقاً اجرا ايتديرمك ايتتميشلر ايسده بوكون شو مسئله قطعياً حل وقوانين عثمانيه توفيق معامله اولنه جني تماماً قبول ايدلمشدر . چونكه ممالك عثمانيه ده اجانبه حق استملاك بخش ايدلمسي ، ۷ صفر سنه ۱۲۸۴ تاريخي قانونك برنجي ماده سنده تصريح ايلديكي وجهله ، اجانبكده املاك متعلق كافه خصوصياتده تبعه دولت عليدنك تابع اولدقلري نظامات ووظائف اتباعي قيديله مشروطدر ؛ ديكر طرفدن تركه نك صورت تقسيمي حقدنكي احكام قانونيه مزدولتجه انضباط عموميه متعلق عدايدلكده در ؛ فضله اوله رق همان باجمله دولتمنده قانونلرنده اموال غير منقوليه نك بولنديني محل قانوننه تابع اوله جني مذ كورددر .

متوفانك ترك ايلديكي املاك صرفه يه متعلق اوله رق كرك ورثه بيننده و كرك تركه ايله اشخاص ثابته اره سنده تحث ايليان اختلافك محاكم عثمانيه ده حسم وفصل ايديله جكي دركاردر .

بالاجارتين تصرف اولنان مستغلات وموقوفه ايله اراضي اميريه وتخصيصات قيلمندن بولنان اراضي موقوفه نك امر انتقالي ايسه هيچ شهبه يوقدركه قوانين موضوعه مزه توفيقاً جريان ايدر ؛ ذاتاً مذ كور استملاك قانوننك ايكنجى ماده سنده اجانبك « املاكك تصرف وانتقال و فراغ واستغلال حقدن حالاً جاري اولان واستقبالاً جريان ايدده حك اولان قوانين ونظامات ضابطه وبلديه يه اتباع » ايله مكلف طوتدقلري صراحة بيان ايدلمشدر .

متوفاي اجنيك ترك ايلديكي مسقطات ومستغلاتك ويا اراضي اميريه وموقوفه نك تصرفي حقدن كرك بين الورثه وكرك وارثلر ايله شخص ثالث اره سنده بر اختلاف تكون ايلدكه بالطبع بونك مرجع رؤيتي محاكم حقوقيه در اما بونلرك رقبه سنه متعلق دعاوى كبي رؤيتي منحصر محاكم شرعيه يه راجع بر دعوى تحث ايدرسه عايد ايلديني محكمه شرعيه ده حسم وفصل اولنور . ذاتاً متوفاي اجنيك ترك ايلديكي اموال غير منقوليه حقدن محاكم شرعيه نك وظيفه دار اولديني اكثر سفارتلر جهده قبول ايدلمش واستملاك قانوننك ايكنجى ماده نك اوچنچى فقره سنده محرر « املاك متعلق كافه خصوصياتده واكا دائر بر دعوى وقوعنده كرك كندولري مدعى وكرك مدعى عليه اولسون وكرك ايكي طرف دخي تبعه اجنيه دن بولنسون طوغريدن طوغريه دولت عليه محكمه لرينه مراجعت ايدجكلردر » عباره نك فرانسز جهيه نقل وترجمه سنده عدم وقوف ونهول اثرى اوله رق استعمال قلنان tribunaux civils ottomans تعبيرينك تركيه متعلق دعوالرده اعمالى التزام اولنمامشدر .

مادامكه بر اجنيك عهدۀ تصرفنده بولنان املاك صرفه نك توارثي ووقف ايله اراضي اميريه نك انتقالي امرنده قوانين عثمانيه مابه التطبيق قدر ، شو حالده موانع ارث وتخصيص اختلاف دار مسئله سي نظر اعتباره التقي ايجاب ايلر . مثلاً مورث اجنبي اولديني حالده ورثه جمله ويا قسماً عثمانلي اولق ويا عثمانلي اولماقلا برابر مورثلرينك تابعيتك غيري بر تابعيتده بولمق احتمالي موجود اولوركه بويله بر تقديرده احكام فقهيه ونظاميه يه توفيق معامله ايتك ضروري در .

كرچه بعضيلري ۷ صفر سنه ۱۲۸۴ تاريخي قانون اجنيلرده حق استملاك بخش ايتمكده بولنش وتصرف املاك نقطه سنده تبعه ايله اجانب اره سنده بر فرق قالماش اولمسنه استناداً ارتق اختلاف دار موضوع بحث اوله ميه جفتي ادعا ايتمكده لر ايسده شو طرز استدلالده اصلا اصابت ومعقوليت كوريله مز ؛ چونكه حق استملاك ايله توارث وانتقال ماهية بشقه بقه شيلر اولوب برى ديكريني تضمن ايليه مز ؛ مذ كور قانونده اجانبه حق استملاك بخش ايتمسنه رغماً ، توارث وانتقال خصوصنده حالاً جاري اولان ومستقبلاً جريان ايدجك بولنان قوانينه اجانبكده املاك كن طولاي تابع بولنديني تصريح ايتمش فقط موانع ارثه متعلق احكام اساسيه يه اصلا تعرض ايلمامشدر [۱] ذاتاً حق استملاك ايله توارث آيري آيري احكامه تابع بولنديغنه بعض دولتلر قوانينيله ده احتجاج اولنه بيلور ؛ مثلاً رومانياده ، آمريقادا و روسيه نك بعض جهتلرنده

[۱] اختلاف دارك اقسام ومباني حقدن بوراده بعض تفصيلات اعطائي مناسب كورلمشدر .

احكام شرعيه نقطه نظرندن اختلاف دار ، مثلاً على فناري حضرتلر نك بخاري اولديني وجهله ، اوچه تقسيم ايديله بيلور :
۱ — حقيقه وحكمه اختلاف داردركه دار حريده بولنان حربي ايله دار اسلامده بولنان ذمي اره سنده كي اختلاف بوجهلندر . ايمدي فرانسه ده بولنان بر فرانسز ايله ممالك عثمانيه ده مقيم تبعه غير مسلمه دن بر شخص اره سنده كي اختلاف دار ، هر برى ماده وفعلاً باشقه باشقه مملكتلرده بولغليته كوره . حقيق وحسي وهم برى فرانسز وديكرى عثمانلي نبعه بسندن اولمسنه نظراً حكميدر ؛ بنا برين ارالنده اختلاف دين اولماسته رغماً بونلر اره سنده ينه وراثت جريان ايتي .

اجنبيلرك استملاك حتى موجود اولديني حالكه رومانيا ويا آمريكا ويا خود روسيه دولتي تبعه سندن بولسان مورثلرينك عهده سنده كي املاكى توارث حقلى قبول ايدلمشدر ؛ شو شرطه كه ارثاً متوفانك اموال غير منقوله سنده مالك اولنجه يا رومانيساده اولديني كى در حال ويا روسيه نك بعض اقسامنده جارى بولنديني كى معين برمدت ظرفنده اموال موروثه مذكوره ي تبعه محليه دن برينه فروخته مجبور طوتيلور . ايشته بوندن ده اكلاشيلور كه حق استملاك هيچ شبهه سز اختلاف داري رفع واراله ايتش دكلدر .

اختلاف دار ويا تعبير آخره اختلاف تابعيت مسئله سنده اوج احتمالي نظراعتباره آلى ايجاب ايدر :

۱ — متوفا عثمانلى و وارثلى اجنبى اولق . بو صورتده وارثلر اختلاف دار سبيله ، اموال منقولده اولديني كى ، متوفانك ترك ايتديكى املاك صرفه ده ومقاطعه يه مربوط وقفدرده ومسقطات ومسقطات

۲ — يالكر حكماً اختلاف داردر . دار اسلامده بولان مستأمن — كه دار حرب رجوعه صالح ودار اسلامده تمديد اقامه غير مقتدردر — ايله ذمى ومختلف دار حربله منسوب اوله رق دار اسلامده بولان ايكي حربى مستأمن وكذاك هر برى آبرى آبرى دار حربله منسوب اوله رق بردار حربده بولان ايكي حربى پيشنده كي اختلاف دار ايشو قسم ناييندر . واقعا ده مالك عثمانيه بولان برفرانسز ايله برفرانسز ايله بر انگيز اره سنده ويا خود روسيه ده بولان برفرانسز ايله بروس بيننده حقيقه وحساً اختلاف دار يوقسه ده هر برى باشقه باشقه دولتلر تبعه سندن اولميرنه كوره حكماً اختلاف دار موجوددر ؛ بنا برين بولر اره سنده اختلاف دين متحقق اولماديغي حالكه بيله اختلاف تابعيت سبيله ارث جارى اولماز .

۳ — يالكر حقيقه اختلاف داردر كه دار اسلامده بولان حربى مستأمن ايله عين دار حربده متمكن حربى اره سنده كي اختلاف دار بوقيليندر . فى الحقيقه ممالك عثمانيه ده بولان برفرانسز ايله فرانسه ده اولان ديكر برفرانسز اره سنده كي اختلاف دار هر برى فعلاً وماداً آبرى آبرى دولت ملكرنده بولملىر حسييله حقيقى وحسيدر ؛ فقط هر ايكي سي ده فرانسه تبعه سندن اولسه كوره اره لرنده حكماً اختلاف دار يوقدر ؛ وبوقسم اختلاف دار اختلاف تابعيتي تعين ايلديكندن ، ارثه مانع دكلدر . برنجى وايكنجى قسم اختلاف دار كچه مانع ارث ايسه ده بونك مبنايى ايكي دولت مستقله دن هر برى اخره قتالى استحلال ايدمك ، برينك عسكرى ديكرينك عسكرينه ظفر بولدقده قتل ايدمك ، هر زده اولورسه اوسون بيلرنده تلاقى وقوعنده هر بزند قتل ونهب واسر صدور ايدمك درجه ده اره لرنده عصمت ولايتك انقطاعيدر ؛ اما او ايكي دارك حالى بومر كزده اولمايوب بيلرنده اعدالينه قارشو تعاون وتناصر جارى وعهد وامان مرعى اولورسه ، اول وقت بوايكي دار دارواحد منزله سنده طوتيلور وينلرنده وراثت جريان ايلر .

شافى حضرتلى عننده ايسه اختلاف دار اصلاً مانع ارث دكلدر .

شو تفصيلاتدن مستبان اولديكه اختلاف دار ائمه حنفيه كوره مانع ارث ايسه ده بوانقطاع عصمت وولايت حالته مقصوردر ؛ بوايسه فى يومنا هذا حال حربده بولان دولتلر اره سنده بدرجه يه قدر تحقق ايدميليور ؛ اما حال مسالمنده بولان دولتلر اره سنده عصمت وولايتك انقطاعى متصور اوله ماز . ايشته اختلاف دارك مانع ارث اولمنده حنفيه حضرتانك اراديني شرائط بوزمانده ثابت ومنحقق اولماسنه وديكر طرفدن شافى حضرتلرينه كوره اختلاف دار ذاتاً مانع ارث بولماسنه مبنى دولتلر ، ملتلر اره سنده صورت دائمه ده اختلاط ومناسبات وقوعه كلدكي واقوام متمدنه برعائله افرادى كى تاقى ايدملك ايستلديكى شو عصر مدنيتده اختلاف داري مانع ارث عد ايتامك هم ائمه حنفيه نك مقصد اصليرينه وهمده ايجابات مدنيت توافق ايدمكچكندن شك وشبهه يوقدر . ذاتاً امر انتقالده بعض قسم اختلاف تابعيتك برمانع عد اولماسنى بويابده ايلويه دوعرى آتلمش برخطوه صورتنده تاقى بجادر .

موقوفه واراضى اميريه صرفه ايله اراضى موقوفه غير صحيحه ده حق توارث وانتقاله نائل اوله مازلر ؛ فى الواقع ده املاك صرفه ده مابه التطبيق اولان احكام اساسيه ايجانجه مورث ايله وارثك آبرى آبرى دولت تبعه سندن بولملى ارثه مانعدر ؛ وقف حقنده كر بيه بر ماده قانونيه موجود دكسه ده بعض نظامات واوامرك دلاتى ومحاكم ودوائر دولتك اجتهد وتعاملى آنلرده ده احكام اساسيه نك جريان ايدمكچى مركزنده در ؛ تبعه دولت عليه دن اولان كيمسه نك اراضيسى تبعه اجنبيه دن اولان اقربا وتعلقاننه انتقال ايتمه كى ايسه اراضى قانوننامه سنك ۱۱۰ نجى ماده سنده مصر حدر .

بوراده نظر دفته آئمه شايان نقطه شودر كه اكر مورث ايله وارث باشقه باشقه حكومات اسلاميه تبعه سندن وهر ايكي سي ده مسلم ايسه ، قانون شريعت مسلمين بينى جامع اولديغندن ، آرهلرنده اختلاف دار جريان ايدمى . مثلاً ممالك عثمانيه ده صاحب املاك اولديني حالكه وفات ايدن برايرانى مسلمك تبعه مسلمة عثمانيه دن اولان اقرباسى متوفانك هم اموال منقوله سنده وهمده ترك ايتديكى املاك صرفه يه وارث اوله بيلور . اما وارث مذكور متوفانك تحت تصرفنده بولان اراضى اميريه وموقوفه ده وكذاك بالاجارتين تصرف اولنان مسقطات ومسقطاتده حق انتقاله نائل اوله ماز ؛ كچه بين المسلمين اختلاف دار غير جارى ايسه ده مذكور يوز اونجى ماده ي تفسير شوای دولت ۳۶۰ تاريخنده ، امر انتقال ارثدن غيرى برنجى اولديغندن بحمله ، مسلم اولان برعثمانليكن اراضيسنده ديكر بر دولت تبعه سندن اولان وارث مسلمك حق انتقالى اولماديغنه قرار ويرمشدر .

۲ — متوفا اجنبى و وارثلى عثمانلى بولمق . بو حالكه دخى عثمانلى اولان وارثلر متوفانك املاك صرفه سنده ، اختلاف دار سبيله ، حق ارثدن محروم اولورلر . فقط اجانبك وراثت مسئله سى منسوب بولندقلرى قونسولاتويه عائد ايدوكندن ، قونسولاتولرجه كندى تبعه لرندن اولان متوفانك عثمانلى وارثلرينه دخى اموال منقوله دن حسه افزا ايدلمكده ومورث ايله وارث بيننده كي اختلاف دار كيفيتى مانع ارث عد اولمامقده در .

اما متوفى اجنبينك تحت تصرفنده بولان اراضى اميريه صرفه واراضى موقوفه غير صحيحه ده وكذاك اجارتيلى ويا مقاطعه لى مسقطات ومسقطات موقوفه تبعه عثمانيه دن بولان وارثلك حق انتقالى موجود اولمى على وجه التعامل والتفسير قبول اولمش بر كيفيتدر . واقعا احكام شرعيه ايجانجه اختلاف دار على الاطلاق مانع ارث ايسه ده بويولده بر انتقال اوتهدنبرو متعامل بولمسنه نظراً ، ۱۳ مارت سنه ۱۳۱۵ تاريخنده مسئله شورای دولته بوضورتله حل ايدلمش ومجلس وكلا نك بوخصوصه متعلق قرارىنى مبلغ تذكره ساميه اوزرينه دفتر خاقانى نظارتى طرفندن كيفيت ۱۳ تشرين ثانى سنه ۱۳۱۵ تاريخنده تعميم اولمشدر .

۳ — وفات ايدن اجنبينك وارثلى ديكر بر دولت اجنبيه تابعيتنده بولمق . ايمدى ممالك عثمانيه ده اموال غير منقوليه متصرف ايكن وفات ايدن براجنبينك ديكر بر دولت تبعه سندن بولان وارثلى ، اختلاف دار

غير مسلمين آهسته آهسته مانع ارث اولمق جهتيه ، حرمان ارثه دوچار اولمق اقتضا ايدرسده اراده سنييه
مقارن ۲۷ حزيران سنه ۱۳۲۴ تاريخي مجلس وكلا مضبطه سنده يكديكه تعاون و تناصر اوزره بولنان حكومات
اجنبيه آهسته مانع ارث اولان عصمت و ولايتك عدم انقطاعه مني اختلاف دار متصور اوله ميه جفتدن
بخشله ، مختلف وينلرنده صلح و مسالمت مستقر اولان دولتلر تبعه سندن وارثلري بولنان اجنيلرك عهده سنده كي
املاك صرفه ده ارثك و متصرف بولندقلري اراضي اميريه و موقوفه ايله مسقطات و مستغلات و قفيه ده انتقالك
جرياننه مساع كوستلشدرد .

اختلاف دارده متصور اولان شو اوچ صورتی بيان ايتدكدن صكره ينه شويخته متدائر مسائل جمله سندن
اولمق اوزره ازدواجك تابعيته تأثيريني تدقيق ايلك اقتضا ايلر ؛ في الواقع تابعيت قانونك يديجي ماده سندن
مستفاد اولديغنه كوره تبعه عثمانيه دن بولنان برقادين ايله ازدواج ايتدكده زوجك تابعيتي اكتساب
و بنابرین تبعه عثمانيه ده اولان وارثلريه كندى آهسته آهسته اختلاف دار حصولي ايجاب ايلرسده ، رابطه
زوجيت هر زمان امكان انقطاعه معروض و زوجك حال اصلينه عودتي محتمل و مفروض بولمق حسبيله ،
احكام اساسيه نقطه نظرندن اوقادين اجنبي اولنماز و محاكم شرعيه عثمانلي اولان اقرارينه قارشو هم وارث
و هم مورث صفتي احراز ايلر . كچه ازدواج صورتيله ديكر بر دولت تابعيتي اكتساب ايدن قاديملرك وفات
وقوعنده مالك اولدقلري اموال و املاك و اراضيده تبعه اجنبيه دن ولان اولاد و اقرباسك حق انتقال و وراثتي
اولديغي اولبايده وارد اولان تذكره ساميه اوزرينه ۲۶ ميس سنه ۳۰۳ تاريخنده عدليه نظارتی طرفندن
محاكمه تعميمي اشعار قلمش ايسده ۳۱۷ سنه سي محكمه تمیز حقوق دائره سندن صادر اولان بر قرارده
مارالبيان تذكره ساميه اراده سنييه مستند اولديغندن بخشله وفات ايدن بويه برقادينك انحق تابعيت عثمانيه ده
بولنان اقاربي وارث و حق انتقاله نائل اوله بيله چكي تبیین و مسئله طوغريدن طوغرييه احكام شرعيه
توفيق اولمشدرد .

اما اجنبي برقادين عثمانلي بر ارثك ايله ازدواج ايدرسه ، تابعيت قانونندن مستفاد اولديغنه و بين الدول
مرعي اولان قاعديه و بوني مؤيد شوراي دولت و مجاس وكلا مقر راتنه كوره اوقادين تبديل تابعيت ايدركه
احكام اساسيه مزده بو مركزده در ؛ زيرا اول قادين زوجيله معاً ممالك دولت عليه ده اقامتي اختيار و التزام
و مقام و مكمل اعتباريله زوجنه اتباع ايلش اولور . بنابرین ارث و انتقال امرنده بالاده كذران اولان تفصيلات
دائره سنده معامله اونور . (مابعدی وار)

تجارت بحريه محكمه سي اعضا سندن

جمال الدين و هراير اصادور

[۳۶] نومرولى جريدة عدليه محتوياتي

— قسم رسمي —

صيفيه
نومرولى

۱۸۶۷

توجهات عدليه — (۱)

تبليغات عموميه — (۱) مقاولات محرركي حاصلاتك مال صندوقلرينه توديعيله عايداتك اورادن

۱۸۶۸

طلب ايدلسي لزومه دائر .

(۲) ربع معاشرلي اوزرينه موضوع جزى حكمت بر اققى مقصديه معاشر
اخذندن استنكاف ايدن مأورينك استحقاقلري صرفيات قيد و اماناته

۱۸۶۸

نقل ايديلهرك مجوز قسمك مقبوض مقابلده دائره اجرايه اعطاسنه دائر

(۳) قادرو خارجي معاشر آلان مأورينك معاشرتك قطعي لازم كنلرك

دوائر رؤساي طرفندن بيلدیرلسي و اسقاط حق ايدوب ايتدكلري

۱۸۶۹

كيفيتك ده مارت و ايلول معاشر سدلرنده تصديق ايدلسي لزومه دائر .

۱۸۷۰

عدليه نظارت جليله سي طرفندن تكليف اولان اجرا قانوني لايحه سي .

قوانين لوايحي — محكمه تمیز استدعا دائره سي مقرراتي — (۱) مدت نظايبه سي طرفنده ويران استيناف استدعا سنك قضا مدعي

۱۸۸۳

عمومي معاشرتكه خطاباً تحریر ايدلسي ردی استلزام ايتبه چكنه دائر .

(۲) مظنونك حركت واقعه سي پساپورط نظامنامه سنك [۹] نجی ماده سي

موجبچه تمديد جزائي استلزام ايلديكي حالده قانون جزاك [۲۵۴]

۱۸۸۵

ماده سي حكمته توفيقاً محكوم ايدلسي موجب نقضدر .

(۳) قرارغياني عايله اعطا و انوب قبول ايدلن اعتراض استدعا نامه سي يالكن

احكام و معاملات غيايبه يي كالم يكن عد و اعتبار ايتديرمك مزيت

۱۸۸۶

قانونيه سي حائر اولديغنه دائر .

محكمه تمیز حقوق دائره سي مقرراتي — (۱) صغيره واقع اولان هبه ده حق قبض و ليسنه و يا مرهيسنه عائد

۱۸۸۸

بولنديغنه دائر .

(۲) سوم شرا طريقيه و تسميه ثمن اولميره رق اخذ ايدلمش اولان مال

۱۸۹۰

مشتري ينده امانت حكمنده اولديغنه دائر .

محكمه تمیز جزا دائره سي مقرراتي — (۱) بر شاهلك بولنديني محل بعد التحقيق استنباه صورتيله افاده سنك اخذندن

۱۸۹۱

ذهول وقوعي نقضی مستلزم اولديغنه دائر .

(۲) بر ضابطه عدليه مأورينك بر جرم وقوع بولديغني استخبار ايتسي

اوزرينه حسب الوظيفه ايضا ايدمچكي معامله كن افترادن معهود

۱۸۹۲

اوله ميه جفته دائر .

(۴) مہم وکیلانک مدافعاتنک جرمیت قرارندہ موضوع بحث ایدیلہ رک

اسباب ردینک کوسترلسی لزومہ دائرہ . ۱۸۹۴

مأمورین عدلیہ دن تحت محاکمہ آلائارک
برائت ، محکومیت و لزوم محاکمہ
قرارلرنہ دائرہ

ذیلہ قضای نائی و بدایت محکمہ سی رئیس احمد و پترج قضای مدعی ۱۸۹۵
عمومی معاون سابق و ادرہ جزا رئیس عزری و پترج مستنطقی رستم
واعضادن ثریا و پولیس قومیسری تیمور شاہ و توقاد سنجائی مدعی
عمومی معاون حسن فہمی بلدیہ طیبی اناستاش و عکا قضای نائی
و بدایت محکمہ سی رئیس فوزی و اعضا ملازملرندن سعید افندیلرک
منع محاکمہ لرنہ قرار ویرلریکنہ دائرہ باب قضای بدایت محکمہ سی
اعضاسندن مستنطق محمد ادا و معاونی سائی و باش کاتب شفیق افندیلرک
سائی و شفیق افندیلرک منع محاکمہ لرنہ و محمد آغانک لزوم محاکمہ سنہ
قرار ویرلریکنہ دائرہ کبہ قضای بدایت محکمہ سی رئیس نشأت
و مدعی عمومی معاونی فاضل قلعه سلطانیہ مدعی عمومی معاون سابق
و اسپارطہ مدعی عمومی معاون لاحق نشأت افندیلرک منع محاکمہ سنہ
معلقہ قضای مدعی عمومی معاونی کمال الدین افندیلرک صرف اندازلندن
برائتہ و ضربدن دولای کندیوسندن برحق ایرا آلہرق مضروبہ اعطاسنہ
چینہ قضای جزا رئیس شکری افندیلرک برائتہ ایچ ایل سنجائی
جزا رئیس عزت و مستنطق ثروت و اعضادن سعید و حاجی مصطفی
و نواحارت و نیقوس افندیلرک اخیراً وفات ایدن نواحارت افندیلرک حقتندہ کی
حقوق عمومیہ دعواسنک سقوطنہ دیگرلرنک منع محاکمہ لرنہ قرار
ویرلریکنہ دائرہ

۱۸۹۶

قسم غیر رسمی

احکام غیابیہ
قوانین اجرائیہ مک مقابسی
اجانبک ممالک عثمانیہ دہ جائز بولندقلری
امتیازات عدلیہ

محکمہ تمیز جزا دائرہ سی اعضاسندن طلعت بک افندیلرک ۱۸۹۷
استیناف اعضاسندن ع. طلعت افندیلرک ۱۸۹۹
تجارت بحریہ محکمہ سی اعضاسندن جمال الدین و ہراند آصادور بکلرک ۱۹۰۴

اعلان

مأذونیت نظامیہ مستنداً استانبولہ ویا محال سائرہدہ بولنسان مأمورین و کتبہ عدلیہ دن ہر نہ سبب
و صورتلہ اولورسہ اولسون تمديد مأذونیتلری حقندہ واقع اولہجق طلب واستدعالری ہیچ بروجهلہ ترویج
اولنہ میہ جغندن بوصورتلہ قطعياً مراجعتدہ بولنلمامسی ومدت مأذونیتلری کذلک ہر نہ سبب و صورتلہ اولورسہ
اولسون تجاوز ایتدیرنلرک مستغنی عد اولنملری نظارتجہ قطعياً مقرر بولندینی اعلان اولنور .

کوچک ایاصوفیہ دہ حاجی سوقاغندہ کائن فلکسو خانمک درسہ مدت بدایت محکمہ سی ایکنجی حقوق
دائرہ سنہ اعطا ایلدیکی عرفخالدہ سلطان احمددہ کوچک ایاصوفیہ دہ حاجی سوقاغندہ کائن بر نومرولی خانہ دہ
مقیم ضربخانہ عامرہ خدمتہ سابقہ سندن حسین اغا ایلہ زوجہ سی فاطمہ خانم علیہنہ مرقومانک مذکور
خانہ دن تخلیلری حقندہ اقامہ ایلدیکی دعوانک رؤیتی ضمنندہ مزبوراندن حسین اغانک اقامتکاحنہ دعوتناہ
تبلیغ ایدلمش ایسہدہ اولبابدہ کی دعوتنامہ ظہرینہ محلی امامی طرفندن یازیلان شرحہ حسین اغانک ایکی
سنہ دئیری محلہ لرنہ اقامت ایتدیکی کی الیوم زریہ کیتدیکی مجهول بولندینی تحریر و تمہیر ایدلمش و بوبادہ کی
محاکمہ مکہ شہر حزیرائک سکرنجی چہارشنہ کونی زوالی ساعت اون بچق ازانی اوچدہ اجراسی
قرارلشدرلمش اولدیغندن اصول محاکمہ حقوتیہ قانونک یکریمی النجی مادہ سی موجبجہ دعوتنامہ ایلہ
عرفخال صورتک محکمہ دیوانخانہ سنہ تعلیق صورتیلہ کیفیتک اعلانیہ مجبورت کورلمش اولدیغندن مرقوم
حسینک اشبو یوم وساعتدہ محکمہ یہ کلدیکی ویاخود طرفندن بروکیل کوندردیکی تقدیردہ حقندہ معاملہ
قانونیہ نک اجرا قلنہ جغنک معلومی اولمق اوزرہ اعلان کیفیت اولنور .

سالمانیہ دہ المعروف محلہ سنہ مکرر بش نومرولو خانہ دہ مقیم قورشونجی باشی حاجی حسن افندیلرک
درسعات بدایت محکمہ سی ایکنجی حقوق دائرہ سنہ اعطا ایلدیکی عرفخالدہ اوزون چارشو باشندہ بزاز
جدید محلہ سنہ یکریمی یدی نومرولی خانہ دہ ساکن محمود افندی چارشوی کبیردہ بدستان درونندہ متصرف
اولدینی طقسان طقوز و یوز نومرولو ایکی باب دکانی فضولا اشغال ایتمکدہ اولدیغندن مذکور دکانک
تخلیہ سی حقندہ اقامہ ایلدیکی دعوی اوزرینہ ولبابدہ تنظیم قلنان دعوتنامہ زیرینہ مرقوم محمود افندیلرک
مذکور خانہ دہ اولدینی والیوم زریہ کیتدیکی و حیات و مماتی معلوم اولدینی محلہ سی امامی طرفندن دعوتنامہ

ظهرینه شرحه تمهید ایدلمش ومدعی مومی الیه دخی اعلان صورتیه معامله تبلیغیه نك اجرا ایدلمشی طاب
ایتمش واولباده کی دعوتنامه الیه استدعا صورتی اصول محاکمه حقوقیه قانوننك یکر می التجی ماده سی موجبیه
محکمه دیوانخانه سنه تعایق اولنه رق امر محاکمه اشبو اوچیوز یکر می یدی سنه سی حزر برانك اون برنجی جمعه
ایرتسی کونی ساعت الافرانقه اون بچق راده لرنده مقرر بولنش اولدیغندن یوم و وقت مذ کورده مدعی علیه
مرقوم محمود افندینك بالذات محکمه مذ کوره کلدیکی ویاخود بر وکیل کوندردیکی حالده معامله قانونیه نك
اجرا ایدیله چکی معلوم اولمق اوزره کیفیتك اعلاننه ابتدار قلندی .

اسحق پاشا محله سنه سا کن بقال اصنافندن بدوسك اسحق پاشا محله سنه قبولی زقاعده ساکن ایکن
عندالتجری قامتکاهی مجهول اولدینی اکلایلان مرحوم مدرس حسین افندینك مخدومی محمد افندی ذمتده
الاجنی اولان یوز طقسان بش غروشك تحصیلی حقنده در سعادت بدایت محکمه سی ایکنجی حقوق دائره سنه
اقامه ایدلیکی دعوا دنطولانی تنظیم قلنان ورفه دعوتیه محکمه دیوانخانه سنه تعایق قلنه رق امر محاکمه اوچیوز
یکرمی یدی سنه سی حزر برانك برنجی چهارشنبه کونی ساعت زوالی بر ازانی آلتی راده لرنده اجرایی مقرر
بولنش اولدیغندن یوم و وقت مذ کورده بالذات محکمه یه کلسی ویاخود بر وکیل کوندردیکی وعکسی تقدیرده
حقنده معامله قانونیه نك اجرا قلنه جنی معلوم اولمق وزره اصول محاکمه حقوقیه قانوننك یکر می التجی
ماده سی موجبیه کیفیتك اعلاننه ابتدار اولنور .

صالح افندینك محمد احسان افندی ذمتده بك اوغلی بدایت محکمه سی برنجی حقوق دائره سنك ۲۱ تموز
سنه ۳۲۶ تاریخلی برقطعه اعلامی الیه محکوم به مطاوبی اولان اون ایراک مع فائض ومصارف استیفاسی ضمتده
مدیون مومی الهك متصرف اولوب تحت حجزه النان طوبخانه قریه باش محله سنه بوزار کسان جاده سنه کائن
اوتوز ایکی نومرولی دکانه مستقر کدکک اوچ حصه اعتباریه ایکی حصه نك تاریخ اعلانندن اعتباراً اون بش
کوندن صکره بالمزایده فروخته تشبث اولنه جعندن اشتراسنه طالب اولوب دهها زیاده معلومات المق ایستیانلرک
بك اوغلی اجرا دائره سنه مراجعت ایملری اعلان اولنور .

عایشه کلزار خانمك شوکت بك وحر می شکریه خانم ذمتده بااعلام غیر از استیفای محکوم به الاجنی
اولان مبالغتک تأمین استیفاسی ضمتده مدیون مومی الیه شوکت بك پدردن انتقالاً متصرف ودائره
اجراجه تحت حجزه النش وفروختی قرار کیر اولان اسکدارده ایازمه محله سنه طفلی اوغلی زقاعده نصف
ماصوره ماء لذیدی مشتمل ابراهیم پاشا ومهر ماء سلطان وقفلرندن طقوز نومروده مقدما نصف خانه و
اليوم منهدم وتخمیناً بیک آرشوندن عبارت بولنان عرصه نك تاریخ اعلانندن اعتباراً اون بش کون صکره

بالمزایده فروخته تشبث اولنه جعندن طالب اولنلرک ودهها زیاده معلومات المق ایستیانلرک اسکدار اجرا
دائره سنه مراجعت ایملری اعلان اولنور .

شعبان اغاک ابریکدار اسبق کامل افندی ذمتده بك اوغلی بدایت محکمه سی برنجی حقوق دائره سنندن
۵ یولول سنه ۳۲۵ تاریخلی اعلامی الیه محکوم به الهجنی اولان مبالغ معلومه نك تأمین استیفاسی ضمتده مدیون
مومی الهك عیده تعریفده اولوب تحت حجزه النان استانبولده قرق چشمه ده سکبان باشی ابراهیم افا
محله سنك کلخان زقاعده مکرر اوچ نومرولی بری یوز اون الی ذراع اون ایکی پرمق دیکری یوز اوتوز
بدی ذراع اون اتی پرمق و بکری ده یوز یکرمی بش ذراع که جمعا یتش طقوز ذراع درت پرمق اجارینلو
عرصه ده اولدینی نصف حصه شایعه لری لدی المزایده ایکیشر سیک غروش آلتون اچیه بدلر الیه طسالی
عهده سنه تقرر ایدرب موقتاً قرارداده سی کشیده قلنش اولدیغندن تاریخ اعلانندن اعتباراً اوتوز بر کون
ظرفنده لاقل یوزده بش ضمیله طالب اولانلرک وفضله معلومات المق ایستیانلرک بك اوغلی اجرا دائره سنه
مراجعت ایملری ومدت مذ کورده نك ختامه مصادف شهر خزر برانك یدی صالی کونی آلافرانقه ساعت
اوچ بچق قرار لرنده مذکور عرصه لر پدشکاهنده مأموری مواجهه سنه حاضر بولملری اعلان اولنور .

بیکیباشی احمد بکک کتبه دن رؤف بك زوجیه سی فطنت خانم ذمتده آلاجنی اولان اچیه مقابل داین
مومی الیه عهده سنه وفاء مفروغ بولنان قاضی قریه سنه عثمان افا محله سنه قوریغلی درده (۳۹) و (۳۱)
نومرولو یدی اوطنه وبر صوفه وبر طوان ارانی وبر حولی وبر مطبخ وتخمیناً یوز طقسان زراع باغچه یی
حاوی بولنان بر باب خانه نك فروختی اسکدار بدایت محکمه سی حقوق دائره سنه معطی اعلام حکمی
مقتضاسندن بولنش اولدیغندن بر موجب حکم اعلام مذکور خانه مع باغچه لدی المزایده اتون اچیه یوز
غروش حسابیه اون بیک بشیوز غروشه طالبی عهده سنه تقرر ایتمش اولمله تاریخ اعلانندن اعتباراً
اوتوز بر کون ظرفنده لاقل یوزده بش ضمیله طالب اولانلرک یوزده اون نسبتده کی پی اچیه لرینی مستصحباً
اسکدار اجرا دائره سنه مراجعت ایملری مدت مذ کوره ختامه سنه حالیه حزر برانك اون ایکنجی بازار
کونی ساعت بشدن الی به قدر صوک مزایده علنیه سی اجرا قلنمق اوزره مارالذکر املاک مذ کوره پدشکاهنده
مأموری مواجهه سنه حاضر بولملری اسکدار اجرا دائره سنندن اعلان اولنور .

ناجیه خانمك مورثی متوفی احمد جمال الدین بك الیه قبان دقیقده یشیل طلومبه جاده سنه بلا نومرولی
خانه ده ساکن محمد افندی طرفلرندن درامه تحریرات مدیر سابقی حکمی بکک بیک قریه سنه یل دکر می
موقعده کائن یکرمی درت نومرولی معلوم الحدود کوشک وباغده کی حصه شایعه سنه وضع ایدیلان حجزک فکی

ضمننده محکمه قراريله عدليه وزنه سنه ديوزيتو ايديلان طقسان عدد عثمانلي ليراسنك مومى اليه حلمى بکه اعاده وتسليمه و بشيوز قرق سکنز بچق غروش مصارف محاکمه نك مومى اليه مادن تحصيله دائر در سعادت بدايت محکمه سى ايکنجى حقوق دائره سندن معطى ۲۸ مارت سنه ۳۲۷ تاريخ و ۲۰۰ نومرولو اعلام غيايى اوزرينه ناجيه خانم حقنده مراسم قانونيه اجرا ايدلمش ايسده مومى اليه محمد افنديك غائب اولمسندن ناشى اعلام مذکور اعلاناً تبليغ قلنش والآن غائب اولمغله برابر اقامه تکاهى مجهول بولنش اولديغندن اجرا قانونك يکرمى طقوزنجى ماه سى وجهله تاريخ اعلاندن اعتباراً اوچ ماه ظرفنده مدعى مومى اليه محمد افندى طرفندن اثبات وجود ايدلمديکي تقديرده مدعى مومى اليه طرفندن وقوع بولجق مطالب قانونيه نك اجراسى صورتيله اعلام مذکور تنفيذ ايديله چکي در سعادت اعلامات نظاميه اجرا دائره سندن اعلان اولنور.

ديون عموميه عثمانيه اداره سنه اولان دين محکومك تأمين توبه سيچون محمد ظاهر افانك مجوز بولنان رستم پاشا محله سنده اوزون چارشو جاده سنده يوز اون اوچ نومرو ايله مرقم على النخمين اوتوز زرع عتيق عرصه اوزرينه کارکير اوله رق مبنى فوفنده بر اوطه و تختنده بر بودرومى مشتمل يوز اللى غروش ايجارلو بر باب قصاب دکاننده قرق حصه اعتباريله متصرف اولدينى يکرمى درت حصه سى بوندن اقدام موقع مزايده قونيله رق عثمانلي ليراسى يوز غروش حسابيله ايکيدکي ايکيوز غروشده طالبى عهده سنده قلنش و تاريخ اعلاندن اعتباراً اوتوز بر کونه يعنى حزينان رومينك ۵ نجى پنجشنبه کونى ساعت سکنزه قدر يوزده بش ضم قبول اولنمى و فرداسى کونى دخى صوك مزايده سى بالا اجرا قرار قطعيه نك اعطاسى مقرر بولنش اولديغندن حصه مذکوره يوزده بش ضميمه طالب اولنلرک ودها زياده معلومات المقي استيانلرک بدل مزايده نك عشرينه مساوى پي اچي سيله برابر مدت مذکوره ظرفنده محکمه تجارت اجرا اثره سنه مراجعت ايلملرى ويوم و وقت مزبورده محل مذکوره مأمورى مواجهه سنده حاضر بولنملرى دائره مذکوره دن اعلان اولنور.

استانبوله جلال بك خاننده التى نومرولو اوطه مقيم تجارندن لئون قرديان افنديك بك اوغلى بدايت محکمه سى برنجى حقوق دائره سنه اعطا ايدلمديکي عرضالده بوغاز ايجنده روم ايلي حصارنده اسکله حوارنده نومروسنر خانه ده ساکن و غلطه ده ترامواى جاده سنده دائره مخصوصه سنده مقيم رزى اداره عموميه سى قيو کتخداسى سابق سعيد على بك ذمتنده موکللى متوفى قره بت افندى دراغوبان ورثه سى برادرى مغرديچ افندى ايله همشيره سى اسبقوهى و زوجيه سى مقرومى خانلرک بر قطع سندن موجبجه غيراز تسليم اله جقلى اولان آلتش عدد ليراي عثمانيك مع فائض و مصارف محاکمه تأمين استيفاسى ضمننده مديون مومى اليه الهک اداره مذکوره ده کرک يوزده بش تقاعديه دن مترکم و کرک اكراميه اچم سندن موجود مطلوباتندن يتمش ليرامقدارينك حجرينه ۲۰ شباط سنه ۳۲۵ تاريخنده محکمه چه قرار و برلمکله حجز موضوعك تصديقي و مدعاهك تحصيلي طلب

و ادعا اولنهرق جريان ايدن محاکمه سى نتيجه سنده مبلغ مذکور التمش عدد ليراي عثمانيك استدعا تاريخندن اعتباراً مع فائض و مصارف محاکمه مدعى عليه سعيد بکدن تحصيليله مدعيله اعناسنه و حجزك تصديقه دائر محکمه مذکوره دن استحصال ايدلمديکي ۳ کانون ثانى سنه ۳۲۶ تاريخلى ۱۵۲۴ نومرولو اعلام غياييك صورت مصدقلى مديون مومى اليه وفاتى حسيله روم ايلي حصارنده ساکنه زوجيه سى عصمت خانملى مخدومى رشاد بکه برلى تبليغ کوندرلمشده ده ورثه مومى اليه الهک قريه مذکوره ده سساکن اولمديلى مختار رسمى مهريله خدمه سى محمد افندى طرفلرندن و يريلان شرحلرک کلاشم سنده بناء طلب واقع اوزرينه اعلاناً تبليغات اجراسى تنسيب اولنهرق اصول محاکمه حقوقيه قانونك يوز قرق طقوزنجى ماده سى حکمونه توفيقاً تبليغ عد اولنقى اوزره اعلام غياييك صورت مصدقلى محکمه مذکوره ديوان خانه سنه تعليق اولندينى کي اوراق حوادثه دخى اعلان كيفيت اولنور.

عبدالغنى افانك مقدمافندى قايده دره ايجنده واقع خانه سنده ايکن اليوم اقامه تکاهى مجهول ايدوکى کلاشيلان قرناى سابقه دن فائق بك ذمتنده الهجنى اولان اوچيوز يتمش اوچ عدد ليراي عثمانيك بيک التمش ايکى غروش مصارف محاکمه سيله برابر تحصيله دائر بك اوغلى بدايت محکمه سى برنجى حقوق دائره سندن صادر اولوب تبليغات لازميه سى اعلاناً ايضا قلنان ۱ اغستوس سنه ۳۲۵ تاريخ ۳۶۹ نومرولى اعلام غيايى حکم نك اجراسى دائر مرقوم طرفندن با استدعا طلب ايدلمش اولمغله اجرا قانونك يکرمى طقوزنجى ماده سى موجبجه طقسان برکون مدتله تنظيم قلنان اخبرانه محکوم عليه تبليغ ايدلمش عد اولنقى و مدت مذکوره ظرفنده اثبات وجود ايتديکي صورتده تسويه ديندن امتناع ايتمش عد اولنهرق حکم اعلامك اجرا قلنه جنى معلوم اولنقى اوزره دائره اجرا ديوانخانه سنه تعليق قلندينى کي اوراق حوادثه دخى كيفيت تبليغ و اعلان اولنور.

قله آتتى قادينك مرجى بنايوط زوجيه سى اولميا قادينك ذمتنده بك اوغلى بدايت محکمه سى ايکنجى حقوق دائره سندن ۱۶ کانون اول سنه ۳۲۶ تاريخلى اعلامى ايله محکوم به الهجنى اولان يوز اللى ليرايه مقابل دايينه مزبورده عهده سنه وفاء مفروغ و فروختى حکم اعلام اقتضاسندن بولنان طاطاوله ده طاطاوله جاده سنده کائن طقوز اوطه بر مطبخ بر قيو و بر صهرنج و مقدار كافى بغچه يى حاوى ۴۶ نومرولى بر باب خانه سنع تاريخ اعلاندن اعتباراً اون بش کون صکره بالمزايده فروخته تشبث اولنه جغندن طالب اولانلرک ودها زياده معلومات المقي استيانلرک بك اوغلى اجرا دائره سنه مراجعت ايلملرى اعلان اولنور.

جانظلمى ابوستول ولد ماريفوپلونك سلورى قضاسى اموال ايتام صنديغندن و بوشقو اوغلى نيغولى ايتاى مالندن و املاکى ترهينى صورتيله استدانه ايلمش اولندينى مبالغ معلومه نك مدتى مرور ايدلمديکي حاله الان

کتودوب صندوق مذکورہ تأدیہ دین ایتدیکندن ترهین ایلش اولدینی جانطه قریه سنده بودویانی محله سنده واقع جانب یعنی بنایوطه دکانی ویساری پانده لاکه خانہ سی وارقه سی خانہ نک نردبان باشنده واقع دیرک خزاسیه برادری افندی نک مفرزخانہ سی وجهه سی یول ایله محدود مع مشتهلات صرف ملک بر باب مفرزخانہ سی تاریخ اعلاندن اعتباراً اون بش کون صکره بالمزایده فروخت اوله جغندن و سیم مجیدیه اون طقوز غروشدن واجرت دلایله سی وسائرہ سی مشتریسنه عائد اواق ودها زیاده معلومات آلق ایستیانلرک سلوری اجرا دائره سنه مراجعت ایللری اعلان اولنور .

عالیه خانم ایله مقدما غلطه ده حلواجی زقاغنده واقع قهوه خانہ نک فوقنده اوچ نومرولی اوطه ده مقیم جلب قوچو چانی میانه لرندہ متکون دعوا دن طولای استیناف حقوق و تجارت محکمه سندن غیاباً ویریلان اعلام مومی ایها عالیہ خانمک طلب و استدعای اوزرینه اعتراضاً در دست تدقیق بولنش و لاجل المحاکمه مرقوم اقامه کاهنه تبلیغات اجرا ایلش ایسه ده غلطه ده موخانه روم مختارانی طرفندن اولباده دعوت نامه ظهرینه یازیلان شرحده مرقومک اجرای تجارت ضمنده طشره یه کیتدیکی و زرده اولدیفنده مجهول بولندی بیلیرلش و معترضه عالیہ خانمک وکیلی صادق بک مرقوم قوچو چانیک الیوم اقامتکاهی مجهول بولندیغندن غرضه لر ایله اعلان ایدلمک صورتیه تبلیغات اجرایی طلب ایلش اولدیغندن یوم محاکمه اولوق اوزره اوچوز یکر می یدی سنه سی حزراننک اون التنجی پنجشنبه کونی تعیین قلنمش اولدیغندن یوم مذکورده زوالی ساعت بر یقق وازانی بش ساعت قرق بش دقیقه مرقوم قوچو استیناف حقوق و تجارت محکمه سنده اثبات وجود ایتدی و ایتدیکی تقدیرده حقنده قانوناً معاملہ غیابیه اجرا قلنه جنی بیانیله اعلان کیفیتہ ابتدار قلندی .

سلوری قصبه سنده مقیم اوده سف ولد اقلامیوسک برادرلری صورترا کی وارستیدی کفاللری واملایکی ترهینی صورتی ومدت معینه ایله استدانه و قبض ایلش اولدینی مبالغ معلومه نک مدت معینه سی مرور ایلدیکی حالده هنوز کتودوب صندوق مذکورہ تأدیہ دین ایتدیکندن مدیون مرقومک سلوری قصبه سنک موخانه سوقاغنده واقع بر طرفدن غراماتنا زیرخانہ سی و بر طرفدن عکلا کی زیرخانہ عرصه سی و دیگر طرفدن یورکی و میقو و حزاروز دکانلری و دیگر طرفدن طرائق عام ایله محدود بر باب ملک غازینو دکاننک نصف حصه سی تاریخ اعلاندن اعتباراً اون بش کون صکره فروخته تشبث اوله جغندن طالب اولنلرک ودها زیاده معلومات آلق ایستیانلرک سلوری اجرا دائره سنه مراجعت ایللری اعلان اولنور .

صراف علیکسی افندیکنک داود پاشا اسکله سی جوارنده کورکچی باشی محله سنده اون ایکی نومرولو خانده ده ساکن ایکن الیوم اقامتکاهی مجهول بولسان عثمان افندی بن ابراهیم با اعلام نظامی آلاجنی اولان وتوز

بش عدد عثمانی لیراسنک مع گذشته و مصارف تأمین تسویه سی چون مدیون مومی الیهک پدرندن ارثاً استحقاقی اولوب خزینہ مالیه دیون غیر منتظمه ذمتلرنده مقید بولسان اون یدی بیک کسور غروش اوزرینه وضع ایلدیکی حجزک تصدیقنه و سکز یوز کسور غروش مصارف محاکمه نک استیفاسنه دائر در سعادت ایکنجی حقوق محکمه سندن معطی ۱۵ شباط سنه ۳۲۶ تاریخ ۲۸۲۱ نومرولو اعلام غیابنک صورت مصدقه سی اعلاناً تبلیغ قلنمش و اعلام لاجل التنفید تودیع اولمغله برابر مدیون مومی الیهک اقامتکاهی مجهول بولنش اولسنه بناءً اجرا قانوننک یکر می طقوزنجی ماده سنه توفیقاً تاریخ اعلاندن اعتباراً اوچ ماه طرفنده مدیون مومی الیه طرفندن اثبات وجود ایدلمدیکی تقدیرده داین طرفندن وقوع بوله جق مطالب قانونیه نک اجرایی صورتیه حکم اعلام اجرا قلنه جنی در سعادت اعلامات نظامیه اجرا دائره سندن اعلان اولنور .

کونان قصبه سنک طرنوی محله سندن باپوشچی حاجی علی اوستیه برقطعه اعلام موجبجه محکوم اولان قصبه مذکورک پاسونه محله سندن لوچلی اسماعیلک روسچقلی دکر منی نامیه مشهر دکر منده درت حصه اعتباریه بر حصه سی بالمزایده اوچ بیک بشیوز غروشدہ طلبی عهده سنده تقرر ایدوب موقت قراردادده سی کشیده اولندیغندن طالب اولانلرک یوزده بش ضمه پی سورملری ایچون کونان اجرا دائره سنه مراجعت ایللری ایکنجی دفعه اوله رق اعلان اولنور .

صراف بوستانجی اوغلی دانیل افندیکنک ملکیه قائم مقاملرندن حاجی محمد علی بک ذمتده ایکنجی محکمه تجارت اعلامیه محکوم به اولان مبالغ معلومه نک تأمین تسویه سی ایچون غلطه ده جامع جدید محله سنده اسکی بالقی بازاری جاده سنده وتوز آلتی مکرر نومرولو ساحل بحرده کائن بر موجب خریطه یدیوز الی آلتی زراعی عتیق سکز پارمق برقطعه عرصه ده مدیون مومی الیهک متصرف اولدینی نصف حصه سی بوندن اقدام موقع مزایده یه قونیلهرق عثمانی لیراسی یوز غروش حسابیه وتوز آلتی بیک غروشدہ طالبی عهده سنده قالمش اولمغله تاریخ اعلاندن اعتباراً وتوز برکونه قدر یعنی کله جک شهر حزران رومینک اوننجی جمعه کوننه قدر یوزده بش ضمیله طالب اولنلرک ودها زیاده معلومات آلق ایستیانلرک یوم ووقت مزبورده املاک مذکور پیشگاهنده و فرداسی جمعه ایرتسی کونی بدل مزایده نک عشرینه مساوی پی اچقه سیله برابر در سعادت تجارت اجرا دائره سنه مراجعت ایللری دائره مذکورده دن اعلان اولنور .

